

中國第一歷史檔案館
遼寧省檔案館

編

中國明朝檔案總匯

(八三)

廣西師範大學出版社

中國第一歷史檔案館
遼寧省檔案館

編

中國明朝檔案總匯

(八三)

廣西師範大學出版社



目錄

崇禎存實疏鈔

七卷

大學士周延儒為因言求去事奏本	崇禎六年正月二十二日	四
工部尚書周士樸等為船料代解非制事題本	崇禎六年正月十九日	九
工部尚書周士樸等為福建解鐵屨參未到等事題本	崇禎六年正月十九日	一八
監視薊鎮東協太監張國元為請速發硝黃鉛子事題本	崇禎六年正月十九日	二四
監視薊鎮東協太監張國元為坐派倉場以預備軍儲事題本	崇禎六年正月十九日	三一
吏部尚書李長庚等為推補陝西按察司副使事題本	崇禎六年正月二十一日	三六
兵部尚書張鳳翼等為關遼兩撫選卒并發等事題本	崇禎六年正月二十三日	三七
兵部尚書張鳳翼等為賊百騎邀擊關津三鎮等事題本	崇禎六年正月二十三日	四六
兵部尚書張鳳翼等為降夷棄插來歸事題本	崇禎六年正月二十四日	五二
兵部尚書張鳳翼等為遵旨督發秦中官兵渡河赴晉協剿等事題本	崇禎六年正月二十二日	五五
遼東巡撫方一藻為陳水師進剿事宜事題本	崇禎六年正月二十日	六〇
山東巡撫朱大典為攻城未拔防海宜周等事題本	崇禎六年正月十五日	六四
監視薊鎮中協太監王之心為黃土坡夷騎西行情形事題本	崇禎六年正月二十三日	六九
監視薊鎮東協太監張國元為蓮花山奴賊相圍東北去訖事題本	崇禎六年正月二十二日	七三
工部尚書周士樸等為遵旨驗收軍器事題本	崇禎六年正月二十二日	七五
吏部尚書李長庚等為擬推浙江按察司副使事題本	崇禎六年正月二十三日	七八
司禮監秉筆太監李承芳為庫貯金鐘數少等事題本	崇禎六年正月二十四日	八〇

八卷

四川道試御史盧經等為糾游擊盛國忠少叩二頭事題本	崇禎六年正月二十三日	八三
監視薊鎮東協太監張國元為官丁出哨斬級得馬事題本	崇禎六年正月二十三日	八五
兵部尚書張鳳翼等為陳水師進剿事題本	崇禎六年正月二十五日	八六
戶科給事中呂黃鐘為官軍搶擄知縣擅殺事題本	崇禎六年正月二十四日	九三
兵部尚書張鳳翼等為賊夷擄掠事題本	崇禎六年正月二十四日	九五
兵部尚書張鳳翼等為遼州被陷賊即解散事題本	崇禎六年正月二十四日	九九
翰林院修撰陳于泰為王坤肆誣報復等事奏本	崇禎六年正月二十四日	一〇七
直隸巡按趙振業為糾參違玩赴次衛弁事題本	崇禎五年十二月二十八日	一一三
直隸巡按趙振業為陳疏濬河道事題本	崇禎六年正月初二日	一一七
河南道御史白士麟為差規始創職掌宜明事題本	崇禎六年正月二十四日	一二二
監視薊鎮東協太監張國元為接獲東來回鄉事題本	崇禎六年正月二十四日	一二四
監視薊鎮東協太監張國元為請簡化餉冊奏報之例事題本	崇禎六年正月二十二日	一二七
山西巡撫許鼎臣為特糾汾州營參將劉光祚受賄通賊事題本	崇禎六年正月十七日	一三四
兵部尚書張鳳翼等為協援誼難稽時圖勝急先固本等事題本	崇禎六年正月二十三日	一三八
工部尚書周士樸等為清裁關稅銀兩成造軍器事題本	崇禎六年正月二十二日	一四三
總理戶工兩部太監張彝憲為覆核京通各倉鎮入廩糧數事題本	崇禎六年正月二十四日	一四七
戶部尚書畢自嚴為察核餉務請敕左右侍郎照舊分管事題本	崇禎六年正月二十三日	一六六
禮部尚書黃汝良等為覆議陝西按察使王振奇條議貢夷諸款事題本	崇禎六年正月二十三日	一七四
吏部尚書李長庚等為推補江西布政使司右參議事題本	崇禎六年正月二十四日	一八二
戶部尚書畢自嚴等為奉差事竣等事題本	崇禎六年正月二十一日	一八五
兵部尚書張鳳翼等為逆奴人犯先事綱繆等事奏本	崇禎六年正月二十六日	一九二
工部左侍郎金世俊為聞言義當引退等事奏本	崇禎六年正月二十四日	一九四

總督京營戎政李守錡等為操練伊始軍馬宜調等事題本	崇禎六年正月二十二日	一九六
巡按兩關御史傅永淳為報察過關外餉銀等數目事題本	崇禎六年正月二十四日	二〇〇
巡按兩關御史傅永淳為覆察主兵助修水決工程事奏本	崇禎六年正月二十四日	二二六
大學士吳宗達為請罷斥事奏本	崇禎六年正月二十六日	二二九
戶部尚書畢自嚴等為寧兵慣譁成習逃回鎮城事題本	崇禎六年正月二十三日	一三三
戶部尚書畢自嚴等為募造支用將盡改餉委難收還等事題本	崇禎六年正月二十二日	二四二
兵部尚書張鳳翼等為淮力單虛海賊出沒集師扼險事題本	崇禎六年正月二十七日	二四六
兵部尚書張鳳翼等為遠哨官丁斬虜全勝事題本	崇禎六年正月二十七日	二五八
兵部尚書張鳳翼等為賊謀遁海等事題本	崇禎六年正月二十二日	二六二
提督京營戎政曹化淳為奴將蠢動條議款項敕部確商事奏本	崇禎六年正月二十七日	二六六
司禮監秉筆太監王文政等為上供器物急缺嚴敕南京解進事題本	崇禎六年正月二十六日	二七五
湖廣衡州府知府徐鴻起為陳治原治法事奏本	崇禎五年十二月十二日	二七八
吏部尚書李長庚等為會推南京都察院右僉都御史事題本	崇禎六年正月二十八日	二八八
吏部尚書李長庚等為推補河南巡撫事題本	崇禎六年正月二十八日	二九〇
吏部尚書李長庚等為推補廣東按察司副使事題本	崇禎六年正月二十七日	二九二
吏部尚書李長庚等為推補福建布政使司右參政事題本	崇禎六年正月二十六日	二九四
戶部尚書畢自嚴等為察盤邊儲錢糧事題本	崇禎六年正月二十三日	二九六
兵部尚書張鳳翼等為客兵盡精事題本	崇禎六年正月二十三日	三〇三
兵部尚書張鳳翼等為陳水師進剿事題本	崇禎六年正月二十九日	三一〇
工部尚書周士樸等為回覆福建應解課鐵數目減半事題本	崇禎六年正月二十六日	三一四
總督倉場戶部尚書錢春為昇水冲溺船糧請豁免事題本	崇禎六年正月二十六日	三一九
日講官禮部左侍郎王應熊為不辯糾疏速請罷歸事奏本	崇禎六年正月二十六日	三三一
監視山西太監劉允中為官兵血戰大獲全勝事題本	崇禎六年正月二十二日	三三五

禮部儀制司署郎中事主事水佳胤為回覆不自具奏緣由事奏本	崇禎六年正月二十六日	三三七
吏部尚書李長庚等為請將馮任陞補山東布政使司左布政使事題本	崇禎六年正月二十八日	三三九
戶部尚書畢自嚴等為郎鎮兵單餉寡等事題本	崇禎六年正月二十六日	三四三
禮部尚書黃汝良等為科場事宜八款申飭頒行事題本	崇禎六年正月二十四日	三四八
督察院左副都御史王志道為輔臣失職內臣越職等事題本	崇禎六年正月二十五日	三五八
山東巡撫朱大典為逆賊踞海島餉難通等事題本	崇禎六年正月二十二日	三六三
總理戶工兩部事務太監張彝憲為察核錢糧厘奸剔弊事題本	崇禎六年正月二十八日	三六七
總理戶工兩部事務太監張彝憲為察算工程錢糧等事題本	崇禎六年正月二十八日	三七一
監視大同太監劉文忠為墩軍烽火失傳賊夷竊入等事題本	崇禎六年正月二十日	三七三
監視山西太監劉允中為酌議修邊實著等事題本	崇禎六年正月二十二日	三七六
監視山西太監劉允中為疆事正在協籌撫臣突言可异事奏本	崇禎六年正月二十二日	三七九
監視薊鎮東協太監張國元為與撫臣酌議練兵并隸標兵等事題本	崇禎六年正月二十六日	三八三
監視薊鎮東協太監張國元為遣將買馬等事題本	崇禎六年正月二十六日	三九一

崇禎存實疏鈔目錄

崇禎六年正月

二十三日

大學士周延儒一本

工部一本

又一本

監視薊鎮東協太監張國元本

又一本

吏部一本

兵部一本

二十四日

兵部一本

又一本

又一本

愚臣受萬不忍等事

奏因言平去

船料代解非制等事

題南戶部代解准廠料價議兩淮運司續

建鐵屢叅未到等事

題福建解鐵屢到無先該撫委官察押到京

請發硝黃鉛子等事

題關內昭關外例已初該部先發硝鉛

坐派倉場等事

題察冷口批荒之地該撫另行召佃

缺官事

題雅挾西按察司副使分巡河西道

密報軍機事

題關遼兩撫選卒並發宜勅津撫飛檄扼要速督開詳

塘報事

題山東巡撫塘報賊百騎遼蝦子關津三鎮密期東撫水陸尋應

夷情事

題大同塘報降夷棄插來歸或係竄探豫謀以待

秦盜稍得清理等事

題工部題秦盜建崇前僅提來京銷算盈片未使加銜

巡撫遼東方一藻一本

密陳水師等事

題孔賊遁海設將發餉副將周文郁堪任

巡撫山東朱大典一本

攻城未拔等事

題前請內師初部速議并發大砲以圖攻剋

監視薊鎮中協太監王之心一本

塘報遠哨夷情事

題黃土坡夷騎西行情形

監視薊鎮東協太監張國元一本

遠哨事

題蓮花山奴賊相圍東北去訖情錄

二十五日

工部一本

遵旨驗收軍器等事

題上驗假法係浙江解戶陳達駁回察造

吏部一本

缺官事

題擬推浙江按察司副使金衢兵備

司禮監秉筆掌衛監印李承芳本

庫貯金鐘數少等事

題金鐘數少先賜斥臣把總庫官靜聽處分

四川等道試御史盧經等本

糾儀簡舉事

題糾遊擊威國忠少叩二頭

監視薊鎮東協太監張國元本

遠哨事

題官丁出哨斬級得馬

兵部等部一本

密陳水師等事

題覆遼撫擬以周文郁統領關寧水兵事

二十六日

戶科給事中呂黃鍾一本

革弊務絕其源等事

題官軍信榜知縣擅殺所關國是非小

兵部一本

夷情事

題大同塘報賊夷擄掠情形

又一本

塘報失城等事

題宣天塘報遼州被陷賊即解散情形

翰林院修撰陳子泰一本

微臣已荷衿全等事

題王坤肆証謹發款屬情狀

巡按直隸趙振業一本

糾參違玩等事

題會參連官秋永靖等遲誤赴次初部降職

又一本

漕限日迫一日等事

題知縣王乾等疎懈無法怠玩誤運初部降罰

河南道御史白士麟一本

差規始創等事

題差註宣天況有考試催督兩事乙上裁酌

監視薊鎮東協太監張國元一本

呈報接獲等事

題接獲東來回鄉李廷華供表情

又一本

繁文無裨實用等事

題新舊三餉節雜非制弊並減省添設倉庫初部覆行

巡撫山西許鼎臣一本

特糾通賊等事

題汾州營參將劉光祚受賄通賊初部革職勘問

兵部等部一本

協援誼難稽時等事

題議增水兵計部稱水陸糜厚藉口渙散何不飭練

工部一本

清裁關稅銀兩等事

題內臣王希忠接關稅銀造器該鎮細數子奏繳終察考

總理兩部太監張彝憲一本

覆覈實收等事

題唐西數京通各倉鎮入版糧石完欠職名數目

戶部一本

欽奉明旨事

題留察數等差今議簡法乞初左右侍郎昭舊分掌

禮部一本

敬循職掌等事

題陝西按察使王振奇條議貢夷諸款

大學士臣周延儒謹

奏爲愚臣受萬不忍去之

隆恩值萬不能留之事勢謹冒罪申

請懇祈

聖鑒曲

賜矜允事項臣以王坤指侵具疏求斥欽奉

溫旨諭畱臣感悚無地何敢瀆陳顧臣反覆思之而有必不可

已於請者伏念臣實不才漫無佐理勦勦之効因而坤亦

有口竟決廉隅體統之闕尤人不若自尤召侮所以受侮

每一念及顏甲拾重此亦豈容比於外論之詆訶得蒙

聖明之翦拂而詬辱已洗忍耐無妨者乎是就臣一身論而斷

難覩畱不待言也更有進於是者歷觀史冊內外臣得失

貞勝之故原自瞭然我

皇上睿炤叅稽奚不透晰惟是痛邊備之積弛恨朦弊之錮沿

深欲覈勵臣工因以權宜

內遣臣等先後陳奏歷蒙

召諭

批答

聖意淵然操縱自在外廷何繇盡知臣等仰體

皇上不得已之深思而羣臣日生不必然之過慮於是叢責臣等謂不力諍者謂袒護溫擬者謂將順逢迎者謂觸忌被譴諸臣不爲挽回申救者種種罪端不一而足甚至章奏之外或面誚或貽書語多不堪意更切摯臣皆一一承受無可剖辭總爲

皇上之注念原在兵食封疆

皇上之任人止期綜稽振刷但得更端釐飭差有可觀邊事稍寧羣職就緒則臣等自可以造膝之陳而微

轉圜之聽蓋至此而

聖天子圖治之苦心方能昭揭於天下

大聖人神明之妙用愈足增譽於千秋此臣等脉脉自盟所以始終只從

皇上起見求於事有補濟而不欲僅博顯諍之虛名者意亦良

遠今王坤竟謂

皇上能任受臣延儒明目張膽否不幾謂

皇上不受言歟何其悖也臣每與同官拊膺扼腕深恨外臣之溺職不肖者偏供內臣摘發而貽

聖主以重內輕外之名復深慮內臣之銜

命而行者各人識量不等慎縱或殊儻以見事風生一二得當

因而齟齬張手滑越畔生端則漸開南北水火之釁所恃

皇上臨炤如神宮府一視可不至如外廷之疑揣而今日王坤

突爾見侵甚不可解卽此觀之而坤之氣焰雄橫且何如乎惡聲可及何不可及政地可輕何不可輕舉

國家一定之防維與

皇上敬大臣體羣臣之德意彼皆悍然不顧蕩然無存履霜堅冰可憂方大臣尚如此而天下之爲士大夫者不皆慄慄自危乎臣從此將爲士大夫之禍首罪魁怨叢笑柄而又安能力持

朝廷之紀綱勉作羣僚之領袖哉臣蒙

皇上異遇殊恩誓竭頂踵自非

寔斷誅逐決不忍以去之一字輕易舉念開口今乃違此從來未有之咎徵值此萬不獲已之理勢實不止關臣一身所以輒敢哀懇於

聖明之前伏祈

皇上曲垂矜察去微臣以存大體所全實多臣雖投荒荷戈亦
有餘愜犬馬報効爲日猶長

崇禎陸年正月貳拾貳日

貳拾叁日奉

聖旨卿純忠體國政本倚藉甚重昨諭畱已明何乃再疏陳請
覽奏具悉蓋悃朕自有鑒裁著遵旨卽日入直佐理以副眷
後慎勿以妄言介意該部知道

工部尚書臣周士樸等謹

題爲船料代解非制考成事體當明仰祈

聖明裁定以便考成以重漕務事都水清吏司案呈崇禎伍年拾貳月貳拾捌日奉本部送工科鈔出南京戶部右侍郎呂維祺題前事內稱陝西清吏司案呈崇禎伍年拾月拾玖日奉本部送准漕撫軍門咨爲漕廠空匱已極等事內開准工部咨稱南京戶部鹽引紙價責成經管司官炤歲解淮廠之額該廠歲終仍分別完欠呈報總漕衙門將經催經管各官叅奏議處等因移咨在案今炤崇禎肆年分及以前未完料銀分別完欠題

報等因咨部奉批司察察得本部每年該漕船料銀貳千柒百肆拾捌兩原係南京戶兵貳部分解續於各運司解到鹽引紙價內動支節年炤數解淮不欠至天啓柒年因淮安府侵用南糧銀壹萬壹千餘兩屢催不解止云借充漕撫

軍餉至崇禎貳年該本部將該府知府董允升題參戴罪督催止解過銀壹千貳百餘兩尚欠本部麥草銀玖千捌百叁拾貳兩有奇申請將本部應解淮庫前項料價抵充原侵麥草銀兩本部察自柒年起至崇禎叁年止共欠淮庫船料銀壹萬玖百玖拾貳兩於淮安府侵用銀內動支捌千貳百肆拾肆兩抵作完天啓柒年崇禎元貳年分船料仍欠崇禎叁年分料價銀貳千柒百肆拾捌兩於崇禎肆年貳等月叁次解完訖續准工部咨奉

聖旨南戶部鹽引等銀何故全欠俱著該部自行回奏仍察該司官職名奏來該衙門知道欽此隨經備具前繇并開司官職名具題工部議覆奉

聖旨淮安府所欠南部麥草銀卽著解淮庫抵充船料不許虧延其漕撫軍餉原額支銷著李待問明白具奏欽此又准工部咨開漕運部院題稱天啓貳年白蓮妖賊倡亂勢必用

餉察有庫貯南戶部麥草不容不動除補完外尚未還銀
玖千捌百有奇今復奉

旨補還似當多方徵補舊額但此項並無原編項款等因具奏
覆奉

聖旨錢糧各有款項還欠正宜分明漕廠船工仍著南戶部將
原欠料價炤數作速完解其淮安府舊借南戶部麥草銀兩
著仍補還不得延滯該部前疏何故輕率徇覆以致奉旨復
更今後事關錢糧著加意詳覈以便奉行該衙門知道欽此

欽遵備咨到部今察漕船料價歲額貳千柒百肆拾捌兩
原派本部壹千柒百肆拾捌兩於鹽引紙價銀內每年動
支其餘壹千兩於南京兵部缺官柴薪銀兩內支解此係
原派分解定額奉行無弊者也向於萬曆貳拾年拾貳月
內准南京工部咨稱案察每年成造漕船額該料銀貳千
柒百肆拾捌兩內於南京兵部支缺官柴薪銀壹千兩南

戶部支鹽引紙價銀壹千柒百肆拾捌兩解部供辦不缺
本年柒月內該南京兵部尚書舒應龍題前事戶部覆議
自萬曆貳拾年爲始聽南京戶部於鹽引紙價銀內每年
再動支壹千兩暫代南京兵部柴直之數以後年豐銀多
卽用柴直充料不得於鹽引紙價銀內嘗川借湊等因題
奉

欽依咨部送司節年解納在卷此南工部之印咨見在可驗者
也察自萬曆貳拾年起至崇禎肆年止共計肆拾年除天
啓柒年崇禎元貳年分未解外實代南京兵部解過銀叁
萬柒千兩至本部尚該解漕料銀壹千柒百肆拾捌兩每
年於兩淮運司額解紙價銀貳千壹百餘兩內割令就便
徑解淮庫如有拖欠專聽漕撫衙門考成其餘長銀叁百
陸拾柒兩伍錢肆分仍責令該運司如數解部若本部自
萬曆貳拾年起至今崇禎肆年止代南京兵部解過銀叁

萬柒千兩似應如數陸續補還本部案呈到部該臣等看得漕船料價南京戶兵兩部分解向因南兵以柴直不敷借貸臣部祇云暫代原許年豐銀多卽用柴直充料不得於紙價銀內嘗川借湊

欽依成案昭然具在豈意暫借不已遂相沿爲例迄今已肆拾載除天啓柒年崇禎元貳年分未解外累算通共借過銀叁萬柒千兩此肆拾年內應有節存柴直銀兩縱云外解不敷亦應在該部通酌裒益豈宜久執借例令壹部出兩部之輸耶合無遵炤舊制并不得嘗川借湊

欽依之案自崇禎伍年以後并舊欠天啓柒年崇禎元貳年分炤舊分解至於代解過叁萬柒千兩雖云誼切同舟難以取償一旦但臣部實虧正額借貸無門或念錢糧各有款項責令補兌軍餉於叁年內全完或除臣代解過叁肆年分

貳千兩卽令補充軍餉其餘仍陸續補還壹半量蠲壹半統
候

聖裁再炤臣部每年額解漕船料銀壹千柒百肆拾捌兩以後
於兩淮運司額解臣部鹽引紙價內每歲割令徑解淮庫
銀壹千柒百肆拾捌兩以充船料其餘有零仍解臣部以
充紙價不特事係兩便且運司原屬漕臣節制便於考成
如有拖欠聽憑叅罰似不必又解臣部多此一番轉輸也
至天啓柒年崇禎元貳年尚欠舊逋銀除南兵應認解外
止欠伍千貳百肆拾肆兩漕撫并工部題稱原動鹽引紙
價銀今各運司拖欠臣部紙價不下貳萬肆千陸百有奇
卽兩淮運司亦拖欠臣部紙價銀陸千壹百伍拾肆兩玖
錢壹分肆釐臣部屢次嚴催并取職名俱不報臣部無可
奈何合無於內割令補解船料伍千貳百肆拾肆兩其考
成叅罰俱聽漕撫徑行責核不猶愈於多此一轉折耶至

淮安原借過臣部麥草未還銀玖千柒百伍拾叁兩貳錢
柒釐零仰奉

明旨著仍補還不得延濶合無

勅下漕撫遵

旨於應還款項內補還責令淮安知府速解仍聽臣部年終考
成等因崇禎伍年拾貳月貳拾伍日奉

聖旨該部察議具覆欽此欽遵鈔出到部送司案呈到部爲炤
南戶部歲解淮廠船料價銀額該貳千柒百肆拾捌兩計
天啓柒年崇禎元年貳年共叁年欠捌千貳百肆拾肆兩
崇禎肆年捌月內南戶部議於淮安府欠該部麥草銀抵
充船料續該漕臣李待問察奏臣部覆奉

明旨仍著南戶部將原欠料價炤數作速完解今南計臣呂維
祺察攷舊例南兵部每年應解壹千兩計叁年該認解叁
千兩此外伍千貳百肆拾肆兩於兩淮運司拖欠紙價銀

陸千壹百餘兩內割令補解自崇禎伍年以後卽行分任
責成竊以料價本係額供督催已經兩載麥草之抵甫報
罷而又以積欠紙價代償恐隔手追呼動費察駁未免誤
漕艘之急需仍應責令南戶部遵信

前旨將原欠料價炤數作速完解者也其南兵部缺官柴直分
認壹千兩之說該前任南樞臣舒應龍以柴直不敷題明
仍著南戶部代解今已肆拾餘年矣南戶臣欲以天啓柒
年之壹千崇禎元貳年之各壹千令南樞認還於一旦不
知俯首相從否而卽以空數減應解之料價恐必不可得
之數也相應

勅下南兵部自行奏明認解於何年始庶便督催不至彼此推
諉也其南戶部應解銀兩議於兩淮運司額解該部鹽引
紙價每歲割令炤數徑解淮庫運司係漕臣節制兩淮又
密邇淮廠就近徵解不費轉輸催督既易考成亦便應如

議每歲截解仍著爲令但南樞之奏尚懸南戶部之額解不敢遽減而運司之就近抵解亦不敢遽定其數也若淮安府欠解南戶部麥草銀玖千捌百餘兩先奉

明旨著仍補還不得延濶自應欽遵速速補解聽該部年終考

成庶

功令畫一而額解俱各清楚矣既經具題前來相應覆

請恭候

命下遵奉施行

崇禎陸年正月拾玖日

貳拾叁日奉

聖旨料價係漕廠急需何得以積逋抵諉著南戶部遵旨作速完解不許再稽致悞運務責有所歸其兩淮運司紙價自六年爲始依議就近抵解以便考成南兵部分認一千兩著自行奏明

工部尚書臣周士樸等謹

題爲建鐵屢叅未到召買竭蹶難供懇乞

嚴勅趙運以資局廠打造事虞衡清吏司案呈案察福建舊例

額解本部課料兩項鐵斤課者該省鐵冶之稅課也計銀

叁千貳百叁拾捌兩玖錢陸分柒釐捌毫柒絲捌忽該鐵

壹拾肆萬玖千伍百柒拾柒斤捌兩料者該省應解衡司

料銀畱以辦鐵也計銀肆千陸百陸拾玖兩貳錢陸分陸

毫陸絲該鐵壹拾伍萬伍千陸百肆拾貳斤每年共該熟

建鐵叁拾萬伍千貳百壹拾玖斤捌兩自萬曆肆拾陸年

至崇禎貳年止內除高惟仁全解壹拾伍萬伍千陸百肆

拾貳斤叁錢差官守催之後吳應壁解到壹拾叁萬貳千

捌百肆拾柒斤肆兩楊其賓解到壹拾伍萬捌千伍百壹

拾斤捌兩其餘尚該貳百陸拾肆萬陸千玖百餘斤先該

本部於崇禎叁年陸月內差官楊德焜嚴催又於肆年正

月內該福建撫按將解官王興文等分別究處條議申飭
又於肆年肆月內該本部題叅將福建經承等官及本部
差官住俸督催又於肆年捌月內該本部題叅將該省布
政吳賜本部差官楊德焜各降壹級戴罪督催并察該省
分催府縣各官職名又於肆年拾月內該本部題覆將福
建前任詳委解鐵各官吳國仕等炤例降罰督令該省沿
途趲運俱經奉有

欽依通行欽遵去後迄今止有吳應璧楊其賓貳員解到其餘
拾伍員竝無消耗雖經楊德焜於伍年伍月內呈報據該
布政司手本開稱已委邵武府通判王惟讓押解後運鐵
斤沿途察趲前來半年有餘亦未見到時下局廠需鐵催
討甚緊本部召商辦應既苦掇買艱難又苦措銀不易今
入春凍解河道已通合無題請

嚴旨著落該省撫按另差的當官員逐程察驗星速催趲毋令

倪報塘塞并中途盜賣等弊庶可刻期到京接濟打造不致糜公帑而誤軍需也等因案呈到部該臣等看得福建拖欠鐵斤一案參年以來臣部不知幾經察叅幾經飭限可謂不遺餘力矣在該撫按官將拖欠近者監禁家屬比較遠者依律正法追賠又差府判王惟讓沿途趨催意各解雖甚頑梗亦必畏惕

簡書而漸就清楚也乃拾柒員解官止到貳員參百萬鐵斤止到貳拾玖萬有奇卽謂舟重路遠豈有屢更歲月尚作蟻行必其侵費盜賣弊竇多端眞令人有不可問者致臣部終歲引領逐日支吾措銀召買萬分艱難夫捨見在之鐵不能催濟工用而坐受捉襟露肘之苦是臣部之愚也蔑視

功令之嚴不顧

國家之恤委於無法聽其遷延是地方官之愚也臣等以爲

天下無不可破之愚惟恃有必行之法今該省府判之差雖不復爲衛弁之續然而彼自有承解之鐵勢不遑炤管多人即使察明某弁果在某處矣能保過後不恣意營私而制其命乎此楊德焜已催之事而各弁仍舊逍遙者職此故也合須行令該撫按另委風力官壹員專一逐程察趲押併到京方免挂漏之虞而拾餘年積逋不致歸烏有耳臣等因而復有

請者案察臣部於去年正月內會題爲巡視事竣等事將省直
畱用料銀除織造硝鉛外悉令解部及察福建肆伍兩年
料銀業已畱抵織造陸年之後亦并解部是該省舊例之
買鐵解京者悉罷去矣第思打造以建鐵爲佳外討急如
星火局廠月造未有息肩之期福建所欠鐵斤不過貳百
陸拾餘萬分毫悉完亦僅供壹載之用該省每年課鐵不
過拾肆萬餘斤何濟於事緩任土作貢之法而重費召買

御直止

御直起

涉數千里而往經貳叁年而回恐非計之得也臣等竊謂尚須分析於其間除將福建應解營繕都水屯田叁司肆伍年料銀遵炤畱抵織造如不足原數該省另行措處陸年以後一體解部外其應解虞衡司料銀壹項依舊令該省辦鐵解部少裕軍需俟器械充足停工之後并解料銀蓋鐵斤今日急務不減織造硝鉛苟可省於召買不得拘泥成議而懲羹吹齏也既經該司備察前來相應具題伏乞

聖明俯賜採擇

勅下臣部通行該撫按遵奉施行

崇禎陸年正月拾玖日

貳拾叁日奉

聖旨閩省鐵課每歲應解二十九萬有奇併價銀水脚會典開載甚明疏內銀鐵數目俱減其半是何緣故若炤原額銷算

該省積欠更屬不貲還著明白回奏併償作事宜另本來行撫
按藩司果能實心督覈何患侵延風力官不必議委

監視薊鎮東協署理關寧糧餉兵馬邊牆撫賞事務太監臣張國元謹
題爲請發硝黃鉛子以資防禦事宗禎伍年拾貳月貳拾玖
日准工部手本虞衡清吏司案呈奉本部送工科鈔出該
臣會同寧錦撫臣方一藻具題前事宗禎伍年拾貳月拾
陸日奉

聖旨該部卽與議覆欽此欽遵該本部具題前事拾貳月貳拾
壹日奉

聖旨這硝鉛依議炤數速發其關內外每歲酌發額數還著監
視同該撫詳商議妥具奏欽此欽遵等因移會到臣臣隨移
文山水寧錦二撫臣確議去後於崇禎陸年正月拾陸日
准山水撫臣楊嗣昌手本前事會開准此隨行山水兩道
酌議去後今據關內道右叅議陳瑾呈稱會准山海經理
鎮總兵官尤世威回稱關門硝黃鉛子每年儘力收買各
營領去皆道廳爲政本鎮不得而知適面東協副將張時

傑亦云向無定案惟是火器爲

中國長技多多益善關內肆路邊長每年約用百萬卽不然除永平外關內自得伍拾萬方可足用庶有備無患等因會覆到道該本道察得制虜惟資火器關門兵馬征調不常而硝黃鉛子長邊防禦操演每月費用不貲壹歲應得柒拾萬斤禦虜方克有濟等因又據永平道左叅政王凝祚呈稱會稱經理鎮回稱永平硝黃得貳拾萬方可接濟目前等因到道該本道看得夷計甚狡叅逐其使憤逞在卽鉛藥之需難以舊例拘者永鎮貳路稍稱乏絕請得淨硝貳拾萬斤鉛子伍萬斤則叁百里巖疆庶幾足恃目前急務萬不容少緩等因各呈覆到院據此看得關內以守爲戰卽今肆路長邊無處不設守兵則無兵不需守具硝黃鉛彈尤守具中之第壹急需而平時教練有警堵剿用之不可爲限量者也據鎮道回文以伍柒拾萬計本院再

四斟酌既蒙

聖恩允發著爲年額則一時未敢過求合於淨硝請參拾萬斤黃陸萬斤鉛彈拾萬斤每年額解著爲定例庶可源源接濟至目前匱乏硝鉛尤甚炤關外例先發硝拾萬斤鉛肆萬斤在年額之外亦足以應鎮道迫切之呼矣煩爲速酌具

題本月拾肆日又准寧錦撫臣方一藻手本前事會開寧前道兵備僉事陳新甲呈本年正月初叁日蒙本院案驗本月初貳日准工部咨虞衡清吏司案呈該本部覆監視張太監寧錦方巡撫題

請暫發硝拾萬斤鉛子伍萬斤以濟急用等因奉

聖旨該部卽與議覆欽此欽遵等因到部該本部具題前事本年拾貳月貳拾壹日奉

聖旨這硝鉛依議炤數速發其關內外每歲酌發額數還著監

視同該撫詳商議妥具奏欽此欽遵鈔出到部送司奉此除
鉛子移會兩廠清硝劄行內庫給發解運外相應咨會案
呈到部擬合就行爲此合咨前去煩爲察照本部題奉

明旨內事理希將關內外每歲給發額數詳議具奏所請硝鉛
業已奉

旨給發及察解運往例本部差官押運關門交卸其轉發關外
則聽貴院差官領運以濟軍需庶使彼此無誤合宜照例
遵行等因到院准此擬合就行爲此案仰該道卽將關外
每歲給發額數詳議報院以憑會覆具奏施行蒙此今准
祖總鎮手本回稱爲炤寧錦乃天下第壹首衝逼近奴穴
凡各城守禦器物無一不可不多備者關外除中前所隸
屬經理鎮并關內應聽該鎮酌議外本鎮所屬捌城需用
硝黃鉛子雖無一定之額向見城城請討營營告匱況多
事之秋若議額數每歲應請硝貳拾萬斤黃伍萬斤鉛子

拾萬斤非此數不足以備守禦之用也等因到道該本道看得硝黃乃軍前急需毋論捌城請討見多分少卽每月參陸玖操演亦日費如許該鎮所議每歲應請硝貳拾萬斤黃伍萬斤此一毫不可缺者至於鉛子非有警不用卽每歲得拾萬斤差亦足用但求年年著爲定額耳旣經總鎮酌議前來擬合呈詳等因到院據此該本院看得遼鎮捌城肆拾捌營貳拾肆堡以暨各邊墩臺居平教練操演遇警制敵守城與夫哨瞭傳烽無一不資火藥雖前此曾經

請發然歲無定制瓶罄時虞今准部咨令本鎮自行酌議行據道鎮確酌到院歲議

請發清硝貳拾萬斤黃伍萬斤鉛子拾萬斤歲酌爲例每年如期解運過鎮用資捍禦比舊額雖爲稍縮酌時勢似可支撐至於關內應用若干應聽貴監會同山水撫院裁定非

本院敢臆決者炤爲察炤主藁會奏各等因到臣該臣看得火器者

中國之長技虜有犯則旦暮戰守多多益善卽令虜無犯而操演裝試日用月需所費誠不貲故其用從無定額察得關內關外先屬壹人提挈則彼此可以通融今分爲兩撫則各處備禦各有綢繆之計不得不汲汲

上請者也今該部欲議定數以爲常額寧錦撫臣請硝貳拾萬斤黃伍萬斤鉛子拾萬斤山永撫臣請硝叁拾萬斤鉛子拾萬斤黃陸萬斤著爲定例目前匱甚炤關外例先發硝拾萬斤鉛肆萬斤在年例外以應迫切之呼蓋捌城勢急而城守不易肆路邊長狡虜熟窺以我幅員視之似寧錦直偏虜穴永鎮稍緩而虜騎渡河居中狼顧道里無甚殊必也攻其所疎舍其所密故永鎮之綢繆尤爲至急永鎮邊長所

請宜倍特撫臣迫於時詘不敢過求故其所

請視寧錦等皆萬萬不可缺者也既經酌議相同臣謹會同山

永撫臣楊嗣昌寧錦撫臣方一藻合詞上

請伏乞

聖明

勅下該部速發施行

崇禎陸年正月拾玖日

貳拾叁日奉

聖旨該部卽與議覆

監視薊鎮東協署理關寧糧餉兵馬邊牆撫賞事務太監臣張國元謹
題爲坐派倉場以預備軍儲事卷察崇禎伍年捌月貳拾貳
日准戶部手本邊餉司案呈奉本部送戶科鈔出該臣具
題前事捌月拾貳日奉

聖旨永鎮應徵屯糧依議分作三限按期徵完其經管各官如
有遷延侵剋等弊叅來重處該部知道欽此欽遵等因移會
到臣臣卽移會該餉司欽遵去後崇禎陸年正月初貳日
准永平餉臣羅應許手本前事開稱准監視張太監手本
前事備會爲炤米豆草束原題拾月終合屬徵催全完不
可仍前稽緩

欽依在卷今已仲冬完者寥寥若念閭閻悽楚當寬文法然軍
需待哺難以因循合行會取煩爲察將合屬經徵民屯糧
草米豆數目開具簡明揭帖原額下註開已未完數目過
監以憑察考等因到部准此案察永屬民屯節年俱有拖

欠卽新經屯院題議亦限陸月全完今貴監題奉

欽依以拾月全完本部力爲催督各屬亦欽遵惟謹應輸糧料

草束業已全完等因冊會到臣該臣隨據鹽引民屯貳冊

察得舊管肆年拾貳月終止鹽引草陸萬叁百叁拾陸束

伍分貳釐新收伍年分鹽引米柒百貳拾玖石玖斗伍升

豆壹千叁百陸拾玖石玖斗草柒萬肆千柒拾伍束開除

伍年拾月終止鹽引草叁萬玖千玖百肆拾捌束實在伍

年拾月終止鹽引米柒百貳拾玖石玖斗伍升豆壹千叁

百陸拾玖石玖斗草玖萬肆千肆百陸拾叁束伍分貳釐

收過肆年并貳年分拖欠民屯米伍千貳百伍拾貳石肆

斗叁升柒合肆勺柒抄玖圭豆伍千玖拾叁石伍斗貳升

伍合陸勺陸抄壹撮玖圭玖粟草拾貳萬叁千柒百玖拾

叁束壹分壹釐貳毫壹絲伍忽收過伍年分見徵民屯米

伍萬壹千肆百叁拾壹石肆斗捌升玖合捌勺捌撮玖圭

壹粟伍粒豆貳萬捌千壹百肆石貳斗柒升玖合伍勺柒
抄肆撮伍圭玖粟草肆拾叁萬柒千叁百叁拾壹束叁分
柒釐玖毫柒絲捌忽玖微肆纖肆塵冷口關額徵未完米
貳百肆拾伍石貳斗壹升柒合壹勺伍抄陸撮捌圭豆貳
百玖拾伍石伍斗叁升貳合陸勺伍抄陸撮捌圭察得餉
司冊開據永平道手本爲叩天電察虜難等事具詳山永
巡撫楊石僉都御史蒙批據冷口守備賈禎呈前事內開
永平府委官炤磨張若良察勘殺傷逃戶捌拾柒名遺拋
荒地肆千叁拾畝應豁免額徵正米豆伍百貳拾肆石玖
斗玖升玖合捌勺捌抄緣繇呈詳去後蒙批仰候咨部察
議該道仍詳屯院行繳舊管肆年拾貳月終止除放過存
倉民屯米柒百玖拾貳石貳斗壹升貳合壹抄叁撮捌圭
伍粟豆肆千伍百玖拾石叁斗柒升叁合柒勺捌抄叁撮
捌圭伍粟草貳萬陸百貳拾束玖分肆釐貳毫捌絲伍忽

新收伍年分額徵并肆年貳年分拖欠民屯米伍萬陸千
陸百捌拾叁石玖斗貳升柒合貳勺柒抄玖撮捌圭壹粟
伍粒豆叁萬叁千壹百玖拾柒石捌斗伍合貳勺叁抄陸
撮伍圭捌粟草伍拾陸萬壹千壹百貳拾肆束肆分玖釐
壹毫玖絲叁忽玖微肆纖肆塵開除伍年分放過民屯米
玖千貳拾柒石伍合柒勺豆捌千貳拾捌石陸斗壹升肆
合陸勺壹抄壹撮壹圭草陸萬柒千叁百壹拾束實在伍
年拾貳月終止見存各倉民屯米肆萬捌千肆百肆拾玖
石壹斗叁升叁合伍勺玖抄叁撮陸圭陸粟伍粒豆貳萬
玖千柒百伍拾玖石伍斗陸升肆合肆勺玖撮叁圭叁粟
草伍拾壹萬肆千肆百叁拾伍束肆分叁釐肆毫柒絲捌
忽玖微肆纖肆塵臣逐一察算管收除在總撤無差而州
縣衛營關亦以如額全完訖惟冷口關被虜殺傷逃戶應
豁免額征米豆伍百貳拾肆石玖斗玖升玖合捌勺捌抄

則原係被虜傷亡之戶荒地見存而徵收無人業已無從
確取既經該撫咨部察豁似應速爲定奪以省難結之案
也其前項屯鹽額徵俱已如數徵完不愆參限之期亦見
各該管諸臣之奉公矣但民間收斂只在秋收而糧之徵
納當乘其易辦若過此收成之時則愚民粒食之需不免
花費而官之催收似亦艱難臣謂今歲額徵亦只宜依參
限之說以拾月爲期可也至於拋荒之地原戶既絕則當
另行召佃毋竟鞠爲茂草是在該道與本關之專責伏乞
天語再爲申飭者也既經餉臣冊會前來臣覆察無異理合具

本題

知

崇禎陸年正月拾玖日

貳拾叁日奉

聖旨知道了本內荒地豁糧召佃事情著察議速奏該部知道

吏部尚書臣李長庚等謹

題爲缺官事文選清吏司案呈炤得陝西布政使司右叅政
兼按察司僉事分巡河西道兼攝學政葉廷桂調任員缺
合當推補察得前缺原係按察司官管理間以布政司官
帶銜兼理案呈到部炤例推舉得陝西布政使司右叅議
王楫四川按察司僉事沈正宗俱堪任前缺伏乞
聖明於內

簡用壹員

計開

王楫

沈正宗

崇禎陸年正月貳拾壹日

貳拾叁日奉

聖旨是有點的依擬用

正有點

兵部尚書臣張鳳翼等謹

題爲密報軍機事職方清吏司案呈奉本部送准天津巡撫
鄭宗周咨報本年正月初柒日准兵部咨該山東巡撫朱
大典塘報前事等因奉

聖旨逆賊狡謀窺島截餉自當嚴防密禦但水師尚未足恃內
變似有可乘著撫監等官一面急飭島津各官奮勇剿擊以
贖從前玩怯遷延之罪一面密諭登城歸誠投梟諸人速奏
奇功立膺懋賞其行間仍相機協應以圖萬全不得輕發墮
誘爾部星速傳示欽此欽遵等因到部院准此隨即差役張
相持檄守催遊擊陶曾齡等開洋去後於本月拾壹日又
准本部咨爲叛首被戮叛黨思逃懇

勅調集舟師水陸夾剿以收全局以杜禍蔓事該山東巡撫朱
大典題前事等因奉

聖旨逆賊通誅水陸夾剿屢旨申嚴乃島師久怯不前津師又

藉口修桅阻凍離登寥遠至江淮整備雖經預飭果否水兵
船隻一呼立應有濟目前且既稱賊中渠殲黨亂亟宜乘機
銳擊設法招降蚤圖底定豈容刻懈致誤春和縱逃兵部馬
上馳飭仍將調發事情確議速覆欽此宗禎陸年正月初柒

日該本部題奉

聖旨淮揚水兵既稱不便著整棚督發移泊近海相機防禦關
寧兵船飛檄調取會同津師併力扼殲其招攜奇間事情已有
屢旨著該撫監等官深計密圖爾部卽行馳諭欽此欽遵等
因到部院卽日隨又差役陳自新齎牌守催速發兵船去
後於拾肆日又准本部咨爲緊急軍機事內開將見在戰
艦多載火器卽日督發起程與關寧兵船會合扼擊務使
渠魁授首此事屢廑

明旨萬勿時刻稽滯等因准此立刻復差李伯林檄催陶曾齡
等鑿冰起程去後隨據各役於本月拾陸日回津稟稱陶

曾齡等兵船業於正月拾壹日自丁河開洋赴登協勦遠
去前項公文俱無憑投遞等情到部院據此看得逆賊食
盡計窮勢必遯海窺島遊擊陶曾齡等凍阻丁河未奉部
咨之先本部院已趣檄督發鑿冰刻日前進及兩奉

明旨復准部文督促本部院卽立刻差役參次飛馳督發去後
今據各役齎原文回稱陶曾齡統率官兵業於正月拾壹
日自丁河開洋赴登勦扼去遠等因又先據陶曾齡中軍
董士元稟稱自大沽開洋卽欲一帆抵登滅盡逆黨恢復
登城奈因天時風颶損蓬折桅高閣淺灘凍阻丁河恐誤
軍機晝夜傍徨設法掘塢下水使盡筋力寸寸鑿冰已於
正月初柒日至海口候風前進等因夫自丁河繇塘頭河
至芙蓉島自芙蓉島繇新河三山至姆巖島又自姆巖島
繇桑島望珍珠門與廟島皇城諸島則登州水城盈盈一
水直與逆賊可以相對今據報拾壹日各官兵業已揚帆

直擣賈勇先登若得旗鼓相當則殲賊渠以報

聖明戮鯨鯢而清瀚海在此役也本部院竊不禁躍然喜而壯之且朝夕焚祝傾聽消息以望之乃遙度事勢恭繹

明旨則又不能無鯁鯁然過計者夫茫茫溟渤雪浪排空今以參拾艇銜枚於萬頃洪濤之中不啻星萍之落落何處可以定營何處可以約信何處可以對壘則愚慮其海嶼之險闊也從來正月之間漁舟運艘一槩停泊今冰堅如山倏泮倏合春寒栗烈陰沍未解兼以沙礁隱見驟雨狂飈渺爾一葉與波上下寧不寒心則愚慮其冰稜易觸風氣正厲非安瀾利涉之時也

明旨諄諄嚴切壹則曰急飭島津各官奮勇勦擊再則曰關寧兵船會同津師併力扼殲

廟謨宏遠可謂計出萬全偵聞水城賊船不下貳百餘隻卽近報往來出海少亦不下肆伍拾隻乃曾齡等兵船僅僅參

拾隻而已未知關島兵船會同何日則愚又慮其兵寡力單孤軍深入之宜厚備也然逆賊惡貫

天奪其魄以少擊衆決勝出奇上荷

聖主之寵靈近藉東省之調度水陸夾擊立可成擒又何庸杞人之私憂哉令水路尚阻少俟冰消卽星夜另遣快船齎奉部文趣督會同扼殲外合將各官兵開洋赴登日期先行咨報爲此合咨本部裁酌施行又該山永巡撫楊嗣昌咨報爲叛首被戮叛黨思逃懇

勅調集水師水陸夾剿以收全局以杜禍蔓事本月拾伍日准兵部咨該本部覆奉

聖旨准楊水兵旣稱不便著整搦督發移泊近海相機防禦關寧兵船飛檄調取會同津師併力扼殲其招攜奇間事情已有屢旨著該撫監等官深計密圖爾部卽行馳諭欽此欽遵合咨前去速督舟師協力扼剿等因准此案炤拾貳月貳

拾柒日先准兵部咨爲軍機事內開一候冰泮卽挑選水軍銳卒伍百人出海約會島兵隨宜勦截等因隨經會行鎮道及督行海防營都司龔有光修整戰艦挑選銳卒一候凍解卽時出汛去後今准前因除復行催督外隨據該營都司龔有光回稱節奉憲行畀職督同千總樓應祥將本營目兵挑選得舟正唐應科等沙船貳拾柒隻李進舉朱賢王良沙唬船叁隻共船叁拾號目兵伍百名挑選停當本月拾叁日又蒙憲發南海右營叅將李正美下把總李守定隨帶南兵叁百名卽令把總鮑魁察收通共目兵捌百名挑選見在一俟冰開卽行出海今將挑過兵目姓名船隻先行回報等因到院又據關內道右叅議陳瑾呈報相同據此爲炤登賊勢窮必將遯海奉調水兵截勦寧敢遲滯但海口冰凍非人力所能開本院與諸道將心急如火無可奈何已將官兵船隻挑選齊備祇候冰開立刻

出汛卽與遼撫議遣壹副將另建旗鼓惟登賊是求而勿
爲島兵所亂乃萬全勝算恐亦不暇待矣除另行具奏外
擬合咨報爲此合咨兵部煩請察照施行等因各到部送
司案呈到部看得津兵久發凍阻丁河該撫奉

旨檄催已於本月拾壹日揚帆去矣各兵誠銳然有吞賊之氣
第以叁拾艇堵截於洪濤駭浪之中不啻晨星落落該撫
慮之亟

請關寧水兵會同夾擊誠不容刻緩據關撫咨稱挑選銳卒已
捌百名船叁拾號聲勢已壯惟臣接其手書云海口冰堅
柒百餘丈老於海者咸言非過驚蟄船未易動頃因遼撫
來商於貳拾陸日祭海開洋遣副將周文郁偕往該撫亦
於拾捌日祭海矣遼撫手書到部亦云水兵挑選久完因
風勁冰澌未能揚帆已擇貳拾陸日祭海會同關內聯舟
並發不敢少濡據此則督發之志甚銳而冰堅不能飛渡

未免少稽時日恐與津兵一時不能遽合今宜

勅下津撫飛檄陶曾齡扼兵於要害處所東應旅順西俟關寧
而仍

勅關遼兩撫星夜料理冰氣壹融卽日開帆出汛不得延緩關
撫咨中有遣壹副將另建旗鼓之議似卽可以周文郁當
之俾會同陶曾齡齊心扼要毋令賊船得逸若擒獲孔耿
叛首獻之

關下將來論功行賞正不在陸師後也旣經各咨會前來理合
具本題

知

崇禎陸年正月貳拾叁日

本日奉

聖旨關寧水兵旣稱選集依議以周文郁統領卽著該撫速催
前發不得少延仍一面著津撫飛檄陶曾齡扼要聯絡併會

同島帥協力截剿淨叛殲渠佇膺懋賞如縱賊遁逸國典不貸爾部星速馳諭

兵部尚書臣張鳳翼等謹

題爲塘報事職方清吏司案呈奉本部送准山東巡撫朱大典塘報據登州監軍道今戴罪僉事宋之雋報稱本月拾肆日遵令攻城職卽遣官隨撫按兩院監視監護太府各督陣官併本道家丁於拾伍日子時出牆攻打從寅至辰奉令撤兵隨准總鎮金國奇陳洪範鄧玘劉澤清塘報報稱叛逆自蓮敗歸登將及伍閱月雖賊衆屢戰被斬元允李九成相機就殄釜鱗可俟然官兵久暴長圍霜雪露處非計且時值春融冰泮賊必出海遯逃准監護高起潛親臨城南相視要地成謀既定復准撫監按道商議僉同糾衆築立砲城逐日用砲迭番攻打以撓賊隨約各鎮官兵帶車梯窰城釘鑊槍砲火箭噴筒等器俱於本月拾伍日參更時分參面一齊進攻該撫監各道躬督職等及立功總兵吳襄督理攻具副總兵丘磊併各鎮營領兵副參遊

都等官親率官兵奮勇直抵城下雲梯俱已豎起城上賊用砲統火箭火礮矢石交下如雨自丑至巳城之上下被我砲聲火光如雷如電震動天地打倒梁口傷賊無數我兵頗有殘損是以不能攻下幸賴掛榜山天齊廟所築新壘砲火抵對鐵騎暗伏徐徐收兵無大傷壞其在陣傷亡官兵俟察明另報是役也非我之不力實賊之火器太多且恃險得勢故不能輕易攻下嗣後日漸風和正賊揚帆之時職等馬步勢不能飛渡而爲邀截惟催調舟師斯爲得濟等因又據副將王武緯牟文綬王之富叅遊倪鸞馬曠李錦標牟朝陽李楠等塘報報稱職等各率本營遊都中千把等官王濬胡順華等王世龍劉奉舉等祁三奇趙文元等何秀王從貴等馬煜馬元慶等覃世勳鄧九韶等各炤信地直抵城下先令兵士般運草土填壕車梯雲梯等攻具隨豎城上被賊火礮箭砲滾木雷石如雨職等奮

不顧身鼓衆上梯俱被賊打退我兵砲手箭手火箭架梁旁攻死賊無數攻至辰時繇旱城東門突出馬賊百餘名職等直前追勦賊仍回城職等隨卽奉令收兵等情又據前鋒副總兵祖大弼塘報報稱職奉令拾伍日肆更時發兵貳百名同年王貳副將兵丁齊集攻城去後職帶領馬兵相聯設伏彼時梯排等器將堅城頭聞有賊火砲火礮密如星雨及至天明賊從東門馬步齊出約貳百餘徑奔紅廟職率叅謀劉廷弼劉芬宇備祖大培并中千把等官唐朝弼等率兵截殺壹處賊死傷甚多餘賊抱頭奔城奉令撤兵等情又據標下中軍遊擊劉良佐報稱卑職奉令統率標下馬步兵丁於拾伍日丑時督催各營官兵馳架排木車并雲梯大砲器具等項直抵旱城西南角填壕我兵奮勇布梯上城登梯城梁被賊用火礮木石擁打我兵用大砲火箭齊攻打死穿紅蟒甲賊首壹名勢發如雨賊

不能探望連攻拾數次賊砲彈愈盛攻至巳時遵奉憲令
撤兵回營再行大舉其有功將士并傷亡官兵馬匹察明
另報等情到院據此看得逆賊自殺圖已省之後防閑益
密而獲難民與出降之口悉言春和亟謀遯海如出壹忽
義難坐視其去況入春已深砲城已築攻具已齊以天時
則不可不攻以地利則可以攻以人心則又樂於攻於是
會議僉同擇拾伍日攻取自丑時各營鎮將督率兵丁一
齊臺架梯車直衝城牆砲火震天奮擊數次賊城之上死
傷甚多本院同監視監護中軍道廳躬環甲冑各董標官
兵將用命爭先唯城內所蓄砲火最烈賊據以拒我加以矢
石如雨勢不能上斯時再下嚴令恐我兵損傷必多不得
不暫輟以圖後舉耳竊見各鎮將俱言賊若遯海非陸兵
可及大聲以水兵爲請先是本院屢疏

請發自今觀之賊勢重大非得江淮以南水犀陸柒千不可除

具疏另題外乞速爲主持必得全給始克有濟理合塘報
等因到部送司案呈到部看得賊踞堅城又饒火器攻之
誠未易下據報出東門邀我兵者僅壹貳百騎則賊之精
銳可覘矣今宜設法誘之或更番迭擊或攻東示西俾賊
晝夜不得休息乃可出其不意一鼓而下若剋定攻期與
并力一朝則賊得豫爲備而我士馬必多損傷非得策也
至於募泗人以焚其戰船尤爲喫緊之著該撫屢請江淮
水犀今又加至陸柒千恐一時不能遽得如許若關寧天
津之舟臣部先已飛檄驚蟄之後當次第揚帆在叁鎮宜
各以師行之期報知東撫俾水陸呼吸相應可也既經塘
報前來理合具本題

知

崇禎陸年正月貳拾叁日

貳拾肆日奉

聖旨本內設法誘賊併募泗焚舟事宜著馳諭該撫監鎮按相
機密行江淮水兵應否量行調援還著確議速奏

兵部尚書臣張鳳翼等謹

題爲夷情事職方清吏司案呈奉本部送據大同總兵今降

伍級戴罪管事王國靖塘報崇禎陸年正月拾柒日據殺

胡堡守備葉逢春稟報案炤本年正月初伍日據通丁張

國用保報田筆寫氣等離口情形業已具稟外今炤本月

初陸日起至初拾日止計伍日據節差通丁賈廷花等入

口回稱役等跟蹤密哨田夷離邊回復插酋話去聞得插

酋大營到地名補路討害住牧相離歸化城騎馬約走兩

叁晝夜路程與小佛僧相見會話口聲於本月拾伍日前

後要往歸化城打醮念經據此緣係探聞夷情未敢憑的

除復差通丁韓朝奉等於拾壹日前往歸化城偵探的確

另報等情具稟到職據此塘報間本年正月拾玖日辰時

又據新平路叅將馬鐵貝稟爲投降夷人事本年正月拾

伍日據新平堡守備李昌齡稟稱本月拾叁日據守把暗

門通事高明稟報有壹夷人並無隨帶馬匹弓矢到邊投降等語卑職隨即放進到堡本夷供稱役係錦州屬夷在祖總兵招練營食糧名叫八當於崇禎肆年拾月內從大凌河被東奴搶去審陽城分與頭目的圪利營住牧後於崇禎伍年柒月內隨東奴西來役至插酋下頭目達半首領哥帳下住牧至今思想

天朝起便前來投降今聞插酋見在西北不知名地方下營住牧兵馬約有貳叁千離新平邊約遠貳百餘里口聲要上邊講賞等情此出降夷之言未委虛實除來夷羈候外緣錄具稟到職據此除會同監視劉文忠卽通行沿邊將備等官嚴加隄備遠偵密防外爲此理合塘報等因到部送司案呈到部看得降夷八當原招練營之兵被虜而隨奴又棄奴而役插今又棄插而來歸其所供插住牧兵馬約有貳叁千何其寡也言似不實或係窺探虛實之人若插

之回巢講賞則理勢必然邊臣宜豫謀所以待之矣

崇禎陸年正月貳拾肆日

本日奉

聖旨降夷蹤跡可疑口供豈得輕信著該撫鎮恪遵屢旨確探
悉防相機警禦爾部卽行傳飭

兵部尚書臣張鳳翼等謹

題爲秦盜稍得清理晉盜正在披猖臣同陝西撫按諸臣仰

遵屢奉協剿

明旨督發秦中官兵渡河赴晉力圖剿滅併陳臣等堵河夾擊
善後事宜仰祈

聖鑒事職方清吏司案呈崇禎陸年正月初壹日奉本部送兵
科鈔出陝西總督洪承疇題前事等因崇禎伍年拾貳月
貳拾捌日奉

聖旨覽奏督發將士會晉協剿併該省分地責成道將各官巡
防扼堵事宜具見籌畫調度如有玩泄疎誤的卽指實叅處
其曹文詔節制及馬科等加銜實授該部作速議覆欽此欽
遵鈔出到部送司案呈到部看得曹文詔之渡河而西也
建大將旗鼓與甘寧諸將協力齊心參秦底定厥功甚著
今復東渡入晉欲蹂蒲州河津等處轉至平陽潞安一帶

其挑選馬步官兵參千伍百員名皆慣戰之精勁也臣部
議爲應援遊兵會同督撫相機掃蕩今督臣洪承疇以大
將成功事權須壹欲令秦晉諸將盡歸節制可無掣肘推
諉之端殊屬師中長慮除鎮臣張應昌比肩共事應和衷
商確機宜其餘秦晉副叅遊都等官合聽文詔調度庶機
權畫一提掇俱靈至於文詔部下遊都守備等官馬科曹
變蛟等在秦屢著戰功見在察敘今又入晉殺賊應先分
別量加職銜以示鼓勵秦功旣類敘在卽晉中若倍著成
勞將來從優陞賚知

皇上所不靳也旣經奉

旨議覆相應覆

請伏候

命下將原任守備曹變蛟加貳級原任都司僉書馬科馮舉劉
成功各加壹級俱實授遊擊職銜原任守備平安刁明忠

賈承芳翟應祥曹文耀各加壹級俱實授都司僉書職銜
察龔建爵已經奉

旨革職解京究問未便加銜今見在行間姑著戴罪殺賊自贖
等因崇禎陸年正月初柒日本部尚書張鳳翼等具題初
玖日奉

聖旨將權專一方可責成曹文詔屢著戰績已有旨彙敘著先
加陞壹級節制秦晉諸將仍與張應昌協謀討賊共奏膚功
鎮臣原無在外委用之理尤世祿應否共事行間何未見議
及曹變蛟馬科等加銜實授俱依擬龔建爵逮問緣繇著再
奏奪欽此欽遵鈔出到部送司案呈到部看得鎮臣原無在
外委用之理但張應昌隨撫臣西北征剿而曹文詔又係
應援之兵督臣孑然一身豈能辦捌百里蔓延之賊況世
祿舊屬督臣節制又有夷丁督臣便宜用之亦濟急之著
也今古塚村見著有戰績且追殪老猢猻矣似應自提一

旅隨督臣調度與應昌文詔共奏膚功如吳襄之在東省亦無不可者惟是世祿部曲舊時曾掠人金帛子女致晉中怨恨今第責其令嚴覆讐有犯必誅耳至龔建爵逮問緣繇臣部咨行工部回稱本弁於崇禎貳年玖月內袁督師差往山西打造盔甲至參年拾月間復詣本部請討接濟銀兩該前任尚書曹珖察該弁打造盔甲現在何處搬運看驗隨將所造未成器盔片甲葉差李梅張祿於肆年正月間押運到京寄頓鄭店已經錦衣衛緝問業該本部題叅奉

旨提究即將李梅張祿羈候在監本弁未到前領打造銀兩竟無銷算所解盔片甲葉全無的數本部按月咨提未有報解
深慮

欽件難完果有軍功不妨准贖但急需終無結局合宜仍令建爵來京將前項盔片甲葉銷算另議軍功等因此龔建爵

逮問之緣繇而臣部所謂未便加銜者也既經奉

旨奏奪相應奏明伏候

命下遵奉施行

崇禎陸年正月貳拾貳日

貳拾肆日奉

聖旨尤世祿依議聽督臣調度勦賊還著申嚴軍紀圖功自見
龔建爵仍著速行解京究問奏奪

巡撫遼東臣方一藻謹

題爲密陳水師進剿事宜伏候

聖裁事竊炤逆賊孔有德等久困孤城計窮糧匱仰藉

皇上威靈旦夕應卽授首頃聞難民自登逃出者咸云賊黨修

整船隻思遁東島樞臣建議業奉

明旨津關寧各選水兵伍百赴登會剿臣等祇遵

簡命已嚴飭舟師擬於本月貳拾陸日擊楫誓師剋期進取惟

是用水與用陸局面稍分誅叛與聯島機勢宜合且諸賊

一入海島便同窮寇必致死力以乘我之虛各島係賊舊

窠心志易搖不爲我用更慮爲賊用矧長山皇城廟島諸

處去登咫尺屢爲賊出沒地儻茫昧遽往賊反爲主我反

爲客進攻無險可憑賊旣棄登從海島合蟻聚尚繁有徒

偏師分往衆寡亦將不敵黃龍曩在平島威望業已不孚

遭颶挫後聲勢益難自振津關寧兵各伍百合進尚虞單

弱復分以各將事權析而體統均緩急事機何所秉成且
亦何以震聳東江而鼓以討賊之氣也臣等反復商確再
四踟躕竊謂賊旣入島決宜斬根從海擊賊宜先用島蓋
用島而賊之歸路斷用島而賊之羽翼孤歸路斷賊始不
得通奴羽翼孤衆必徘徊生變此非用大力用全力一往
潛挈島衆精神一舉扼絕諸賊要領方來有大費收拾者
語曰絕利一源用師十倍兵家利害毫釐千里臣敢冒昧
悉陳之首宜設專帥軍爭得失全藉節制黃龍固島中大
帥也調去水兵復聽該鎮節制則黃龍伎倆固已見於前
事恐更爲龔正祥之續若自成一旅則我師且自分爲二
恐益重島兵之疑於事體俱屬未協似宜關寧各調水兵
捌百專設一總統將領假以署鎮職銜仍乞

皇上特給

勅書重其責任與黃龍協同進剿旣可一意討賊兼可攝服東

江便宜俾得自專方略斯可密布賊未有不入彀中者竊見原任副將周文郁才識優長曩撫戢劉興治深得肯綮似克堪斯任者輒敢直舉以備採擇次宜收島心東島兵士聞疆壯堪用尚有萬餘頃因糧餉不繼遂多觀望臣謂亟宜多方拊輯以固羣心不惟絕賊招搖兼得勁卒萬人進可討賊退可制奴亦遼鎮堪資一臂者乞

皇上慨發餉金壹萬兩併酌給布帛卽令督領關寧水兵將領齎往分犒東江用鼓敵愾諸賊卽攜金帛煽誘未有不聞聲奪魄者所費錙銖激勸甚廣此又用島實著卽爲討賊先著併祈

皇上採擇總之置將俾專勦叛勦叛必須用島說雖有分機實默合臣等叨廁疆吏苟有一得不敢不盡其愚至斟酌可否猶在在

廷諸臣參稽詳審非臣敢妄執者臣謹會同巡撫山永等處

地方提督軍務都察院右僉都御史楊嗣昌監視薊鎮東
協等處地方署理關寧糧餉兵馬邊牆撫賞事務御馬監
太監張國元合詞密

奏伏乞

皇上勅下該部覆議施行

崇禎陸年正月貳拾日

貳拾肆日奉

聖旨奏內事情已有旨了其署鎮發餉二款著戶兵二部卽日
議覆

巡撫山東臣朱大典謹

題爲攻城未拔防海宜周懇

勅催調江淮水兵速成底定之績事竊炤大兵圍登肆月有半
矣前此設奇用間圖以內潰腹心期於士馬無傷殲渠宥
脅仰副

皇上好生之仁早收東土廓清之效奈逆賊孔有德等怙終不
悛洗良殺順見臣等教場挑壕堵截水門賊亦於教場迤
東築橫牆一道直達海邊遮蔽水門此牆築而我馬不能
突砲不能施沿海一面賊城可不設備賊船可以安行勢
緩則乘風劫掠恃爲接濟之途勢急則聯踪出洋長作遁
海之計其爲謀也狡矣春風和暢水腹已融倘果奔逃流
毒滋大邇日兩准部咨欽奉

明旨一則曰還著撫監鎮按等官嚴飭鼓奮以保全勝剋期奏
績懋膺殊賞再則曰仍須亟圖撲滅毋延至春和海通別滋

蔓逞欽此欽遵臣不勝惶悚寢食皆廢手口不停開局鳩工
凡西來器藥俱都司張孔夢督理東置梯車俱副將丘磊
督造奇火爲今所創聞輶輜誠古所未備而監護內臣高
起潛新築銃城於挂榜山天齊廟刻期成工最得形勝拾
壹拾貳等日臣等齊集挂榜山督放紅夷大砲睥睨皆摧
足寒賊膽因而鼓勵人心見主客官兵人人踴躍於是會
同監視監護監紀參臣移檄各鎮道將諸臣拾肆日懸示
賞格禁諭諸軍派定官兵信地涓吉於拾伍日攻城是日
監軍推官汪惟效隨臣督攻西門監護臣高起潛督攻南
門監視臣呂直督攻西南二門之中登州道臣宋之儁督
東路萊州道臣楊作楫督西路各鎮督主客官兵三面齊
攻水陸二城自丑至巳無不爭先用命大砲合擊萬火攢
攻梁口之賊隨打隨仆亦隨缺隨補城上火礮火槍及大
砲兇烈異嘗我兵拚命鼓勇豎梯近城輒爲滾木擂石損

折我兵不無死傷恐重戕生命不得不暫輟以圖再舉矣
古人以攻城爲不得已臣等豈得已哉幾事已就而復隳
舟師屢催而不至義不敢袖手以聽其去畢力殫技鼓奮
一攻期於撲滅而賊憑高據堅器火酷烈不能速拔勢固
然也法曰圍師必闕原謂示敵以闕伺其出而發伏擊之
非縱之也水門誠闕矣所設之伏全仗水兵賊走北備長
山廟島走東備大竹皇城走南備芝罘養馬走西備三山
岬嶼方稱彌天之網今海上無兵是水門乃縱賊之闕非
陷賊之闕也臣前疏亟請

皇上調發江淮舟師剋期抵登爲一了百了之局政爲此耳倘
不早計縱之出海通倭勾奴其禍猶遠阻津截漕爲患更
切且東島氣類尤慮其爲針芥之合也以臣所目擊合之
難民口供二城之賊尚有萬餘堅船尚存百伍陸拾艘夷
砲貳拾餘位大小槍砲數千門而我欲破之於陸砲必大

於賊數倍者庶可一擊而城立碎伏祈

皇上內外武庫簡發肆伍位期於速至以便圖城如欲禦之於水船必大於賊倍於賊兵必精於賊多於賊而後可邀擊海面臣前所

請水兵參千猶存乎見少非得船參百艘兵陸柒千不可狼山淮上吳淞之水犀可調也蓋此兵此船原係額設無募造之費也往來一水無驛騷之擾也登海安而江淮舉安又非舍己耘人者比也臣非不知調發尚費時日江淮亦屬要津但以關寧之衝邊營幽之跋涉

皇上且不惜遠調而卒以收解萊復黃之功豈其鄭重斯舉而不毅然以

睿斷行之哉臣今此

請與昔者

請關寧之兵無異謂非此兵不足以了海上之局也此舉終不

可省與其需之於後而爲亡羊之補何如決之於今而爲見彈之求臣愚竊謂爲

朝廷省費爲疆圉省事端在是矣伏祈

勅下該部速爲覆議將狼淮吳淞水兵簡調陸柒千名配以巨艦統以能將併庫貯大砲速

賜簡發俱剋期抵登早收者定免賊奔逸封疆幸甚臣愚幸甚

崇禎陸年正月拾伍日

貳拾肆日奉

聖旨據報攻城未甚獲利著一面鼓勵將士加意嚴防仍熟籌全算相機制勝傷亡官兵察明優卹據實具奏關寧津島水兵已有旨協力扼勦著該撫監速行移會聯絡布置務使水陸呼應窮賊所往狼淮等兵一時未能遽集毋藉遠援致有稽悞所需大砲卽與察發該衙門知道

監視薊鎮中協糧餉兵馬事務太監臣王之心謹

題爲塘報遠哨夷情事崇禎陸年正月貳拾叁日據喜峯路
叅將吳國俊稟稱正月貳拾貳日據李家谷守備劉孝稟
報案炤本月拾叁日蒙本路信牌蒙本監信牌及撫院憲
牌又撫院標下中軍潘遊擊票差家丁張自豹等肆名又
續到壹名王自林共伍名并本路親丁貳名王紀賀登元
昇職選差丁哨石景名等捌名共合壹拾伍名出口間又
蒙本監標下朱中軍差來家丁池國平等伍名到關當蒙
本路選差親丁貳名尤得功掌成功昇職亦選差丁哨黃
天保杜應夏等拾名共合壹拾柒名連前貳項共合丁哨
叁拾貳名俱於本月拾肆日戌時一同出喜峯口正關哨
探先經稟報外今貳拾貳日辰時據管尖夜把牌陳尚義
稟據原差丁哨石景名黃天保張自豹池國平尤得功等
各進口報稱蒙差役等出口前去繇寬河龍鬚門冷嶺兒

打雞一帶至拾玖日未時離會州拾里之地到於地名黃土坡離邊壹百柒拾餘里眼見騎馬達子肆名圍趕一狼前行不多時又見精兵騎馬達子約有百拾餘名各隨帶弓箭繇丫頭溝往西去訖役等在於高山潛伏瞭望至貳更時分後邊並無見有相繼達子於貳拾日早離彼處星夜前來更番進口走報等情備稟到職據此隨一面飭諭所屬守提及在防南北主客信守官兵嚴加哨禦外案炤各役未經進口之先已於本月拾玖日復差親丁貳名侯仲銀張希增督同李家谷丁哨王天增馮教等捌名出口換班遠哨尚未進口本月貳拾壹日又蒙本鎮差親丁貳名葛應龍周邦奇及昇職添差親丁貳名伯彥李五督同李家谷丁哨余李成等捌名於貳拾貳日出口與前差丁哨左栢等換班哨探去訖稟報到臣據此該臣看得前次屢報奴酋過河尚屬影響今哨丁石景名等在於黃土坡

眼見精銳百拾餘騎各挾弓矢西行且聞明酋屯牧西協
邊外其情形必犯中西貳協明矣況黃土坡離邊僅壹百
柒拾餘里風雨驟至旦夕叵測不可不亟爲防禦除臣一
面差內中軍杜勳馳駐喜董極衝貳關東西料理一面嚴
檄四路將領不分大小衝緩關隘處處礪兵秣馬晝夜整
待仍遠差官丁哨探但有夷情星馳具報外竊謂三屯鎮
臣係全鎮領袖必須早爲磨礪隨時援勦其薊遵兩道職
任監軍相應移駐衝隘整擐兵馬庶將士警勵守禦不疎
但薊州道王建侯告病杜門已久臣已與撫臣檄催速出
伏乞

皇上亟勅鎮道作速料理不致以稽緩誤事

崇禎陸年正月貳拾叁日

貳拾肆日奉

聖旨賊夷窺犯屢報已真還著確探情形不時馳奏該撫鎮道

正宜遵旨上緊必備實圖勦禦王建侯何得託病規卸著卽
出料理如有疎誤必罪不宥該部知道

監視薊鎮東協署理關寧糧餉兵馬邊牆撫賞事務監臣張國元謹

題爲遠哨事崇禎陸年正月貳拾貳日午時准寧前道臣陳
新甲塘報前事會開本月貳拾日巳時據前鋒右營中軍
將懷玉案炤本月拾叁日本營摘差守備顧友功帶領漢
夷兵馬出牆遠哨緣繇業經塘報外今於拾玖日據本官
回營報稱功等於拾伍日哨至駱駝山平山黃佃子蓮花
山一帶地方俱有達賊打圍蹤跡約有萬餘功等跟蹤哨
探繇舍犯太勞正地方仍至打羅地方賊徑往東北去訖
功等晝夜進牆等情到職塘報到道塘報到臣該臣看得
奴謀甚狡奴形甚詭倏忽閃爍總乖我之所之臣惟防虜
之策有備無患決不以奴氛緩而玩愒奴勢迫而周章但
觀其出沒無嘗往來衆寡不一其入犯之情有旦夕可虞
者臣已著令各口萬分隄備外旣經塘報前來理合具本
題

知

崇禎陸年正月貳拾貳日

貳拾肆日奉

聖旨據報賊蹤約有萬餘豈能匿形勢烏伏還著再行確探加意
必備兵部馬上馳飭

工部尚書臣周士樸等謹

題爲遵

旨驗收軍器恭請

聖明睿覽事虞衡清吏司案呈崇禎伍年拾貳月貳拾柒日奉
本部送工科鈔出該戊字庫掌庫事御馬監太監秦進義
等題棟得保定府等處軍器數目臚列具題伍年拾貳月
貳拾陸日奉

聖旨這軍器驗多不堪且有假弦亦報稱稍堪該庫廳辦覈何
在如此朦濫是何緣故俱著回將話來覽過稍堪的准收進
餘都駁回勒限該撫按官察明速奏該衙門知道欽此欽遵
鈔出到部併發

御覽過戊字庫揭帖壹本弦貳百根通送到司奉此該本司遵
炤揭帖內開卽傳浙江解戶孫應召來領假弦察得弦上
帶有紅紙簽頭壹百條係浙江解戶陳達壹百條係揚州

府解官邵仲光隨傳仲光到司據稱揚州弦條俱係堪中原無駁退及察發下揭帖內開浙江紹興府解戶孫應召等解到驗過稍堪弦叁千條今

上驗假弦不堪直隸揚州府批差解官邵仲光等解弦陸百肆拾條扣全堪中則駁退者宜在浙江而不在揚州矣且

明旨駁退止有浙江而無揚州而發出弦條乃有揚州解官邵仲光之壹百條似與疏內不同事干奉

旨察明速奏恐有違錯未便理合請

旨遵行相應具題案呈到部該臣等看得軍器重務關係匪輕

省直派辦造解艱難仰承

聖明撫字之恩

御覽稍堪隨准收進如孫應召之弦

上驗假弦卽宜駁退如邵仲光之弦

上驗堪中卽宜收進奉

旨遵行曷敢再瀆

宸聰第今備察弦上紙簽記有名字壹百條係浙江解戶陳達
壹百條係揚州解官邵仲光與原疏不同既經該司察明
前來不得不復爲陳

請伏乞

勅下臣部或遵前

旨止將浙江弦條駁回察造將揚州府弦條繳進免駁或一併
駁退

崇禎陸年正月貳拾貳日

貳拾伍日奉

聖旨這揚州府弦條驗係堪中何故併發該衙門察明奏來

吏部尚書臣李長庚等謹

題爲缺官事文選清吏司案呈炤得浙江按察司副使整飭
金衢貳府兵備侯安國陞任員缺合當推補察得前缺原
係按察司官管理間以布政司官帶銜兼理案呈到部炤
例推舉得廣東按察司副使張鑛廣西按察司副使劉夢
潮俱堪陞任浙江布政使司右叅政兼按察司僉事管理
前項地方事務伏乞

聖明於內

簡用壹員

計開

張鑛

劉夢潮

崇禎陸年正月貳拾叁日

貳拾伍日奉

聖旨是有點的依擬用

正有點

司禮監秉筆太監掌御用監印務臣李承芳謹

題爲庫貯金鐘數少微臣掌監無能謹據實奏

聞恭聽

處分更祈

聖明將臣先賜罷斥以重

庫藏事崇禎陸年正月初捌日奉

旨啓庫察取金鐘臣謹遵

旨令把總王進率庫官王從訓等公同察取去後據稱開庫徧

察止有金鐘肆口及察盛鐘木箱共有肆箇每箇內有肆

孔按箱計之共拾陸孔該盛鐘拾陸口今止肆口少鐘拾

貳口除崇禎貳年間被盜捌口已經緝獲正法外尚少肆

口旣經察取理合具呈等因到臣臣一聞之不勝駭愕臣

未奉

命之先曾聞該監被盜之事及至奉

命之始卽嚴責員役看守

庫藏復將本庫山花等處添設護板護門并封鎖貳拾餘把
靡不謹嚴而庫貯金鐘從何數少臣隨察底簿點對數目
據把總王進等稱於萬曆貳拾柒年間本庫曾被回祿壹
拾伍間一應冊籍底簿俱燒燬無存故所少之鐘無所稽
察等因到臣據此該臣看得庫貯金鐘則有盛鐘之箱在
按箱孔計之除被盜捌口尚少肆口箱存而鐘失不知失
去果何時也且無底簿以稽之臣復封鎖甚嚴無隙可出
而少鐘之故事屬難明雖然臣叨掌監之責於受任之初
旣失奏

請盤察於今察取之時又無的確數目則臣無能之狀已明罪
戾奚逭謹據實奏

聞伏乞

聖明將臣先

賜罷斥臣及把總王進庫官王從訓邵玉馬棟劉承恩靜聽處分仍乞

勅下緝事衙門嚴行訪緝庶事果被竊不致有漏網之遺姦非惟重

庫藏抑且肅臣職矣

崇禎陸年正月貳拾肆日

貳拾伍日奉

聖旨金鐘被盜著廠衛等衙門嚴行訪緝務在必獲王進王從訓等著司禮監究明來說李承芳還著用心管理仍將該庫錢糧通行察覈具奏該衙門知道

四川等道試御史臣盧經等謹

題爲糾儀簡舉事本月貳拾叁日早恭遇

皇上御

皇極門該臣等侍班糾儀有昌鎮右車營遊擊將軍署都指揮

僉事盛國忠

面辭領

勅行禮少叩貳頭本官係領

勅官員例不

面糾有中都等處畱守司等衙門署副畱守等官叁拾員

面辭行禮中有語言誼譁事屬失儀但俱係

恩賜酒飯官員亦不

面糾又有南京太醫院掌院事院判吳廷桂考滿回任

面辭例應東上西下而本官誤從東下有五城兵馬說月報內

東城兵馬盧傳第行禮不到俱當

面糾但臣等初入班行恐有錯誤未敢造次理合具本糾儀并
自行簡舉

聖明鑒宥

崇禎陸年正月貳拾叁日

貳拾伍日奉

聖旨朝儀當肅屢旨申飭乃面辭官進左掖門鴻臚引禮官輒
自喧譁殊屬違玩併吳廷桂都著罰俸三箇月盛國忠念武
并不諳姑免究盧傳第著刑部提問該部知道

監視薊鎮東協署理關寧糧餉兵馬邊牆撫賞事務太監臣張國元謹
題爲遠哨事該臣屢見奴報西行非遠哨則不得實情於本
年正月拾壹日會同撫臣楊嗣昌鎮臣尤世威道臣陳瑾
選差各標下官丁都司党應春等督同漢夷兵丁於正月
拾貳日巳時出界嶺口遠行哨探務得真情去後於本月
貳拾叁日巳時據鎮臣下出哨把總羅岱口報哨至捌百
里外那木賽呵討商獨地方斬首級貳拾柒顆得馬羸貳
匹頭口報到臣其夷級并馬羸俟臣驗明另行具

奏

崇禎陸年正月貳拾叁日

貳拾伍日奉

聖旨遠哨殺獲是何部落疏內未晰還著察明具奏偵備倍宜
嚴密毋徇小捷疎防兵部卽行馳諭

兵部等部尚書等官臣張鳳翼等謹

題爲密陳水師進剿事宜伏候

聖裁事職方清吏司案呈奉本部送該遼東巡撫方一藻題稱
竊炤逆賊孔有德等久困孤城計窮糧匱仰藉

皇上威靈旦夕應卽授首頃聞難民自登逃出者咸云賊黨修
整船隻思遯東島樞臣建議業奉

明旨津關寧各選水兵伍百赴登會剿臣等祇遵

簡命已嚴飭舟師擬於本月貳拾陸日擊楫誓師剋期進取惟
是用水與用陸局面稍分誅叛與聯島機勢宜合且諸賊
一入海島便同窮寇必致死力以乘我之虛各島係賊舊
窠心志易搖不爲我用更慮爲賊用矧長山皇城廟島諸
處去登咫尺屢爲賊出沒地倘茫昧遽往賊反爲主我反
爲客進攻無險可憑賊旣棄登從海島合蟻聚尚繁有徒
偏師分往衆寡亦將不敵黃龍叢在平島威望業已不孚

遭颶挫後聲勢益難自振津關寧兵各伍百合進尚虞單
弱復分以各將事權析而體統均緩急事機何所秉成且
亦何以震聳東江而鼓以討賊之氣也臣等反復商確再
四踟躕竊謂賊既入島決宜斬根從海擊賊宜先用島蓋
用島而賊之歸路斷用島而賊之羽翼孤歸路斷賊始不
得通奴羽翼孤衆必徘徊生變此非用大力用全力一往
潛挈島衆精神一舉扼絕諸賊要領方來有大費收拾者
語曰絕利一源用師十倍兵家利害毫釐千里臣敢冒昧
悉陳之首宜設專帥軍爭得失全藉節制黃龍固島中大
帥也調去水兵復聽該鎮節制則黃龍伎倆固已見於前
事恐更爲龔正祥之續若自成一旅則我師且自分爲貳
恐益重島兵之疑於事體俱屬未協似宜關寧各調水兵
捌百專設壹總統將領假以署鎮職銜仍乞

皇上特給

勅書重其責任與黃龍協同進剿既可一意討賊兼可攝服東江便宜俾得自專方略斯可密布賊未有不入彀中者竊見原任副將周文郁才識優長曩撫戢劉興治深得肯綮似克堪斯任者輒敢直舉以備採擇次宜收烏心東烏兵士聞疆壯堪用尚有萬餘項因糧餉不繼遂多觀望臣謂亟宜多方拊輯以固羣心不惟絕賊招搖兼得勁卒萬人進可討賊退可制奴亦遼鎮堪資一臂者乞

皇上慨發餉金壹萬兩併酌給布帛卽令督領關寧水兵將領賡往分犒東江用鼓敵愾諸賊卽攜金帛煽誘未有不聞聲奪魄者所費錙銖激勸甚廣此又用烏實著卽爲討賊先著併祈

皇上採擇總之置將俾專剿叛必須用烏說雖有分機實默令臣等叨廁疆吏苟有一得不敢不盡其愚至斟酌可否猶在在

廷諸臣參稽詳審非臣敢妄執者臣謹會同山永巡撫楊嗣昌監視薊鎮東協署理關寧太監張國元合詞密奏伏乞皇上勅下該部覆議施行等因崇禎陸年正月貳拾肆日奉聖旨奏內事情已有旨了其署鎮發餉貳款著戶兵貳部卽日議覆欽此欽遵等因到部送司案呈到部該臣等炤得黃龍之不能用其衆臣部早已知之是以先時有易帥之

請而難其代細加諮詢業得貳參人而周文郁亦與其選特未奉更置之

旨未敢輒陳而今遼撫方一藻之疏亦慮及此其所舉周文郁統攝關寧水師與臣部前疏意亦懸合今不但關寧水師也卽津門陶曾齡之師亦當聽文郁調度而黃龍部下兵雖多船甚寡聞止拾陸艘何以飛渡臣等以爲黃龍量選精銳儘此拾陸艘之載并付周文郁統領與關寧津兵合爲壹軍相機扼要分布而黃龍帥其衆坐鎮旅順伺賊有

逸出投旅者卽殺而分其輜重且以獻功正不必以壹大帥止統拾陸艘與文郁等爭能於風濤中矣若餉犒壹節據計臣畢自嚴手書了無難色但謂自京解發緩不及事卽於關寧月餉中如數那給容卽補之卽布帛亦聽寧撫權宜不必部中設處則竟當

勅下該撫如議措給便令周文郁齎去可耳文郁行期宜速待勅恐稽時日卽以

明旨爲

勅使諸將奉行足矣其銜卽以副總兵管事俟有成績加敘此

疏奉

旨卽日議覆緣昨紅本於申時接到移會戶部回覆已在戌時連夜屬藁不得不至今日伏惟

聖明鑒宥旣經奉

旨議覆臣等謹會同太子太保戶部尚書臣畢自嚴等合詞覆

請伏候

命下遵奉施行

崇禎陸年正月貳拾伍日

本日奉

聖旨周文郁著以副總兵署鎮事併陶曾齡水兵俱聽調度俟
有功加敘犒餉及布帛等項卽著關寧該撫先行如數措給
該部作速解補至黃龍屢奉扼勅之旨今又令分兵併付文
郁是否妥便還著再行確議速奏

戶科給事中臣呂黃鍾謹

題爲革弊務絕其源論罪宜覈其實以褻釐剔之

聖政以快畏懷之輿情事竊惟

朝廷之大政有貳一日利弊之興除一日功罪之誅賞關係蓋甚重焉

皇上御極以來梭剔弊竇無一事之不嚴創艾罪人無一青之曲貸良以弊盡絕而利益始興罪罔宥而功能始奮可想聖慮之淵深矣然臣見近年以來祛弊而弊孔轉多治罪而犯罪反易者何也則以

明威之下防弊之流而非清弊之源藉罪之口而未服罪之心幾令作弊者掩護愈工畏罪者手足罔措我

皇上懲前毖後之至意竟成虛願矣臣以爲革弊之法不在嚴索於既往而在明飭於將來前此葛藤盡爲斬斷自今以往宜令各衙門將向來弊竇一一明白開陳不許絲毫隱

漏且嘉與更新弗追既往庶在公者既感於前愆之得寬
又凜於將來之莫贖欺蒙盡去而弊源始可清也不然窮
治於潰極之餘其不及窮治者又不知凡幾將臣工以回
護爲救過而欺蒙日甚所謂葛藤宜斷者此也臣又以爲
論罪之法不在苛責其一癥而在詳覈其本末一切羅織炤以
宸鑒自今以往宜令各衙門將緊要罪案一一據實察

奏不許風影入

告且獄情既孚無求深刻庶罹法者既悔其自作之莫追又服
其霆擊之無心沉冤盡洗而罪人始瞑目也不然播弄於
影響之口其乘間播弄者又不知凡幾將宵人以彌縫爲
得計而大姦愈脫所謂羅織宜寬者此也兩者之中論罪
尤要人之身名性命繫屬匪輕古帝王好生欽恤良有以
也臣近見曲沃縣知縣余一鯤以擅殺官軍革職究擬矣
就裏情事臣未深知但思官軍以衛民而來民方見德不

暇有何私憾而殺之萬一真係亂軍或賊偽裝官軍俾官民俱不敢問恐將來惕於

功令之嚴以致開門揖盜爲臨縣遼州之續者更多矣流毒釀禍曷有底止不亦深可畏哉則論罪當慎匪直爲一鯢祝網已也凡此清弊之源覈罪之實皆關於

國是人心之大伏惟

聖明鑒裁施行

崇禎陸年正月貳拾肆日

貳拾陸日奉

聖旨別弊釐姦正欲懲前必後若果欺蒙日甚大姦愈脫你每科道官何不指實叅來且讞獄明允屢旨申飭何謂羅織余一鯢事情俟撫按究明自有裁奪不必臆揣該部知道

兵部尚書臣張鳳翼等謹

題爲夷情事職方清吏司案呈奉本部送據大同總兵今降
伍級戴罪管事王國靖塘報崇禎陸年正月拾叁日據管
北東路叅將事副將魯胤昌稟稱本年正月拾貳日據路
屬鎮羌堡守備程君賜稟稱卑職本月拾壹日辰時前往
得勝堡候盤倉糧行至半途適遇本堡邊貳拾捌墩傳烽
寫字麻大壘口稟初拾日夜叁更時約有賊夷數名從貳
拾捌墩東空貳拾柒墩西空拏去牛馬叁隻已出邊外
卑職隨審既知叁更時賊拏偷牛到牆何不一面拒堵一
面飛馳傳報以便追截這時賊已出邊去訖方纔稟報大
壘緘口無言卑職隨即細察該墩情形稟稱原係拒牆堡
地方高家窯子高國玘親至到彼言說趕去大小牛肆隻
青騾馬壹匹卽察卑職所管墩臺貳拾捌座沿長貳拾貳
里零伍拾步中恐邊軍怠玩每壹拾肆墩添設壹提邊把

總壹監邊家丁頭目各壹名猶恐疎虞每兩墩仍設食行糧管隊壹名參令伍申嚴加防禦不啻外今據該墩傳烽寫字麻大壘口稟初拾日夜參更時賊出邊而延至拾壹日辰時途聞方稟似屬違誤除將麻大壘併墩頭人役王月等羈禁聽示外等情具稟到職據此察報聞本年正月拾玖日辰時又據北西路叅將李煌報稱本年正月拾捌日辰時據拒門堡監邊把總劉安邦稟稱本堡守備陳善奉北路陳通判因助馬邊降夷事提去弘賜堡聽審今正月拾捌日寅時據本邊拾貳墩軍人袁祿等口報本墩從北跑來窮夷拾餘名扒牆作歹小的卽赴本墩與同墩軍拒堵被夷射傷軍人宋海妻樊氏各夷看見牆上有人卽往西北去訖緣係鼠竊窮夷竝無掠去人畜亦無別情具稟到職據此看得賊夷作歹旣經拒堵竝無進牆樊氏何得射傷中間必有隱弊況未傳烽料不知覺卑職隨卽馳

赴本邊拾貳墩驗得軍人宋海打傷海妻樊氏射死岳三
左腿砍傷察得本墩却無入牆痕跡跟蹤細察原從拾伍
墩西空扒牆進入將本墩軍楊名等捌名衣服盡行脫去
當將楊名拴住棒至拾肆拾叁兩墩見軍士俱在墩頂未
入墩內到至拾貳墩進入越城致將墩軍宋海夫妻打傷
射死岳三左腿砍傷見得各墩軍士吆叫仍從原進拾伍
墩西空出邊委無掠去人畜亦無別項情弊切炤東西多
事節奉上文嚴謹邊備加意設防屢經牌文申飭何啻再
四而守邊官軍因循玩慢以致疎虞除將監邊把總支更
軍士細打示懲事干邊情除行沿邊各堡守操比往倍加
嚴防外等情具稟到職據此看得插使未來之先沿邊窮
夷凜凜畏法數月之間未嘗有絲毫之竊也自田筆寫氣
拂意而去不拾日而賊夷卽兩竊矣則其陰謀詭計不問
可知除會同監視劉文忠及行沿邊將備等官一一嚴加

隄備外爲此理合塘報等因到部送司案呈到部看得奴
 插告警邊備宜嚴乃各堡賊夷掠去牛馬甚有剝墩軍之
 衣服棒之而走越參肆墩而又射砍傷人略無堵禦者則
 玩縱甚矣其云竝無掠去人畜之說果足信乎各該守備
 俱不得辭其責矣若通判之提去陳善以致離信果否急
 事宜

勅下巡按御史察明者也既經塘報前來理合具本題
 知

崇禎陸年正月貳拾肆日

貳拾陸日奉

聖旨邊備屢旨嚴飭乃兩路賊夷殺掠人畜全無勦禦該管將
 領疎玩殊甚其失事當不止此併陳通判提審陳善奉何明
 文俱著巡按御史確察奏奪不許隱徇

兵部尚書臣張鳳翼等謹

題爲塘報失城復城情形併請嚴糾有司以儆將來事職方
清吏司案呈奉本部送准宣大總督張宗衡塘報職躬歷
行間專事追剿城守事宜勢難兼顧節經嚴飭固守不啻
舌敝禿項於正月初陸日據清軍帶管分巡冀寧道副
使嘗道立詳報正月初貳日卯時據榆社縣報稱崇禎伍
年拾貳月貳拾柒日據本縣民李進文從遼州逃回口稟
文在州城內本月貳拾肆日伍鼓賊從東北角登城砍死
巡城夫役舉火燒毀城樓人心驚散遂將城門砍開大勢
擁入州城內外盡行占據賊令文城外挑水因便潛逃回
縣等情口稟該縣塘報到道相應請報等因本日又據督
統各營在事官兵原任總兵尤世祿塘報切職本月貳拾
日沁水縣黑油村之捷已經塘報外孽寇未淨不暇停鞍
統督各營躡蹤跟追紫金樑邢紅狼等賊貳拾壹日追至

陽城縣玖拾里貳拾貳日追至澤州城玖拾里貳拾叁日
追至高平縣捌拾里貳拾肆日追至長子縣玖拾里貳拾
伍日追至屯留縣陸拾里官丁愈追愈奮狡賊轉懼轉奔
卽求壹隙之暇秣馬而不可得死怕大兵晝夜疾行壹貳
百里鼠竄大山連日兼程人馬憊甚甫與各將決計入山
追勦間忽據鄉民李從善報稱西賊壹股闕將八金剛過
天星等犯武鄉縣地方已焚西關欲攻遼州等情職聞警
熟思職所尾之賊係紫金樑等而闕將等係西河之賊不
知何故放鬆令其蹂躪東向惟恐有破巢覆卵之患於是
不暇顧所尾之賊急擬走遼州應援以全疆土貳拾陸日
兵馬星馳抵襄垣縣玖拾里貳拾柒日抵武鄉縣地方紅
水村玖拾里距州止柒拾里據本村鄉民杜加祿報稱遼
州已破職卽傳令各將星夜起營圍城貳拾捌日伍鼓職
督各營兵馬直抵城下肆面安頓營盤諭以環攻若步兵

晝夜趕到瞬息恢復伊城以雪壹州

地神人共憤另行馳報等因塘報間本月初柒日辰時據尤世祿報爲督統各營攻城勦寇斬獲功級以奏恢復州城事切職拾貳月貳拾捌日統督各營兵馬伍更直抵城下諭以環攻第攻城與臨敵不同必分派信地而後各將有專責無推委也又傳令各營官兵如破城擅斬良民者償命各營將領俱遵依訖隨會同監視標下執旗把牌王承詔駱文昇守備趙守智李守義劉登選劉登甲中軍守備王懷仁旗鼓守備劉應魁加銜守備孟子訓趙桂芳史冊高寧沈維王學金燦蔡穩張志魁李文魁蘇福楊進孝劉文禮劉福曹文炳李夏冉世傑王邦爵陳堂原任守備籍真千總張應魁王科張登舉劉進才李忠陳文登傳示遊擊王忠張守印等安派西面遊擊白安賀人龍等安派東面副將李昇并立功自贖遊擊尤養鯤遊擊和應詔猛如虎

虎大威韓斗都司王國臣等安派南面排列井井職帶領
軍門標下都司馬首魁張世柱旗鼓守備鮑天爵巡捕孫
繼善大旗溫承胤守備周鴻訓趙良賓原任錦衣衛王莅
民等職標下副將尤人龍馮世經叅遊都手周一新閻智
晉叔望張萬丁世貴尤忠劉進賢李登胡國安金科沙中
金青山等提調叅面往來嚴督各營齊攻自卯至酉唯南
面最衝賊之矢石往下射打如雨職復傳令自副叅而下
不用命者立斬適有家丁王盈回顧不前職卽梟示警衆
職乃身先將士臨城射打竟日被矢中傷職右腹下入骨
斷筋已成廢人諸將見之無不涕零職子副將尤人龍脚
面亦被輕傷職嚴督攻打安措營大黑夜猶緊戰拾玖日
攻打如故職思攻無火器城難頻破壞攻無糧利在速戰
是日黃昏嚴督各將速攻自酉至亥約叅鼓時同監視標
下把牌王承詔硬弓駱文昇大旗守備趙守智李守義督

遊擊王忠等親領官丁從西面架梯直上拚命先登矢石不顧城上賊衆繞城拒堵官丁奮砍落城開門擁殺賊多竄東南職扶檣上馬統率官丁追殺賊拚命迎敵撲開東南貳門各營內外互殺彼此夾攻暮夜衝鋒賊間有且戰且走之勢職隨令有馬官軍追殺貳拾餘里又令副將尤人龍等統領親丁伏於山之東若賊逃出止許盡力追砍不許割級如有穿甲賊首量斬壹貳違令者斬據本官報稱當陣砍賊落馬者最多遵令止割賊首首級玖顆內軍門標下都司張世柱親斬首級貳顆巡捕孫善繼親斬壹顆職標下原任遊擊周一新親斬壹顆都司閻智親斬壹顆晉叔望親斬壹顆加銜守備劉進賢李登金科各親斬壹顆監視軍門標下督陣把牌王承詔下官丁斬級叁顆硬弓駱文昇下官丁斬級柒顆內守備李守義親斬壹顆叅將王忠下斬級壹百捌拾叁顆內本官親斬壹顆守

備劉欽親斬貳顆加銜守備趙彪親斬參顆大旗陳官親
斬壹顆加銜都司孫官親斬壹顆把總劉加昇親斬壹顆
遊擊張守印下斬級壹百玖拾顆遊擊白安下斬級肆百
肆拾顆宣府都司王國臣下斬級參拾參顆潞澤叅將陶
進下斬級壹拾壹顆陝西副將李昇下斬級貳拾肆顆內
自贖遊擊尤養鯤親斬貳顆部下參顆都司賀人龍下斬
級貳百柒拾伍顆山西標營遊擊和應詔下斬級壹拾參
顆遊擊猛如虎下斬級貳拾顆遊擊虎大威下斬級參拾
貳顆遊擊史記頗希牧下斬級貳顆都司韓斗下斬級貳
拾陸顆原任副將劉遷下斬級肆顆領兵守備賈埭下斬
級貳拾玖顆中路利民千總楊友德斬級參顆共計斬級
壹千叁百顆皆係陝級至於罹難州民職已先示壹票縛
箭射入城內大兵入城之時恐玉石不分凡在州良民臨
期各立暗號上房遺子得以瓦全職親丁百拾餘人重傷

伍拾貳名陣亡柒名各營陣亡重傷察明另報卽有在陣
官丁奪獲婦女俱交割焦軍廳收訖奪獲馬羸驢犒賞有
功官丁外夫此壹戰也賊踞壹州全城堅壁攻無火具惟
恃利矢相加救此壹城男婦生靈無數雖不若叁箭之定
而頗能恢復職何力之有實藉

社稷威靈上臺指授將士奮勇之功居多焉職金瘡發作小腹陰
囊俱腫痛難禁小便艱難皆血不時暈迷飲食盡廢如此
景象料無生理不得已覓夫撞至有醫有藥處暫且調理
倘痊愈有日另圖報效等因塘報到職據此爲炤城守責
屬有司叁載多寇宜何如用心防禦乃怡堂自處全不戒備
職旣督兵轉戰安能逐處干擲假使遼州城頭有人賊能
騰身突上乎雖旋失旋復地方何免於疎防之罪也伏乞
廟堂之上立賜題覆行巡按御史嚴察玩怠情形竝飭有司各
行固守職得一意勦殺爲此理合塘報等因到部送司案

呈到部看得遼州堅城被陷雖擒斬多級賊卽解散而倉庫一空生靈塗炭慘不可言其尤世祿攻城被傷及將領協勦情形俟按臣察明另敘至各州邑城守守土者之責不能捍禦致有殘破應從提問以示警既經塘報前來理合具本題

知

崇禎陸年正月貳拾肆日

貳拾陸日奉

聖旨遼州失事已有旨了尤世祿等恢復功次併著巡按御史

察明彙敘

翰林院修撰臣陳于泰謹

奏爲微臣已荷

矜全之恩邊璫轉行報復之計謹再披瀝仰祈

聖明亟

賜褫斥以洩內員奇忿事臣備員詞局有官守而無言責目擊
時艱不能緘默而有參不効肆可憂一疏自知言詞戇切
難追罪愆顧荷

皇上優容鑒臣効直之意存臣未當之言臣感

恩欲涕因伏而思與臣同時進言者或降或削臣獨矜全豈非

一時隆遇

君仁則臣直乎惟臣不識忌諱益顯

皇上之能容惟臣俯竭戇愚益彰

皇上之能受臣下何名可沽亦歸

死舜之名於

皇上而已不料宣鎮監視王坤挺身獨攬辯駁臣疏坤何人斯皇上使之監視一鎮未嘗使之挾制舉

朝也史館而受貂璫之辱臣一身不足惜閹宦而操臺諫之權臣竊爲

國體惜之夫臣載筆侍從守書生呶呶故習非有兵馬錢糧之事受稽覈於監視諸員遂寄身家性命於閹宦之手而必與之爲難也處臣之地之時儘可不言而臣每拈出

遣用內員一事以爲我

皇上規實因

皇上聰明天縱迺希堯希舜之誼主而一時臣子僅取三代以上諸守成者望我

皇上臣不願也若更取三代以下諸英毅者望我

皇上臣益不願也三代以下諸英毅者如漢唐諸帝非不操縱在手神武自矜而以疑其臣下私其近習卒開末季閹宦

禍胎若三代盛王及堯舜則無之已故無論任用內員萬萬不能致治即使百弊釐剔日就治安而百代以後傳諸史冊謂我

皇上任內員以綜百務臣竊爲一時輔弼諸臣羞之故使微臣若有循資守格希異日榮進之念則必不言若有趨時附局保今日微秩之念亦必不言臣亦知臣言之決無補而不避瀆賂屢爲之者實欲

皇上登三咸五爲千古再見之堯舜即今輔臣伍員與臣皆有師生誼不獨周延儒一人臣亦不願諸臣在萬世以後爲與內員同事之人故鰓鰓相規切猶冀其爲

中興良佐也與坤何與輒爾狂詆毒誣豈與坤同事諸臣不足供其刀俎而跳越思逞乎夫坤之手滑心險機熟膽豪在內員中尤爲梟獍即其悻悻自負以爲能釐百萬侵欺臣不知坤所釐之百萬今在何處前清察撫賞以殘冊在按

臣胡良機衙內取出致

明旨立褫良機職既又認罪申救云非出良機處前後異詞自相矛盾在坤一時說謊而在良機則革職之

成命難收若外臣有此竟宜坐以語言不一轉換支吾之律矣款虜一事坤獨歸之沈際試卽問坤登城樓會飲者何人可不謂與際同謀乎況坤有一疏以贊決行款之得策繼又有一疏以發明行款之無罪皆將具題聞

皇上震怒輒止旋易稿下石馬前貳疏見有王坤印信揭帖投送兵部通國喧傳特畏坤威憾無敢爲

皇上直告者

皇上試向兵部一取而觀則王坤之情狀立見矣於胡良機則前後異詞於沈際則倏忽易詞不謂之欺

君罔

上不可夫臣子之身名小賞罰之大柄尊出入於王坤之口而

不一稽察此法之所以不平也臣受

簡拔殊恩雖

斧鉞不辭敢悉言之夫內員之不可終用者非慮其不能藏垢
納汙止慮其不能釐姦剔弊非慮其與外臣爲讎爲梗正
慮其與外臣爲比爲暱與之相昵則蹠可爲夷與之稍忤
則夷可爲蹠喜怒用事愛憎不馴旣不知名義之可畏復
不思報復之可恥若終用之則元氣日削而事端日繁萬
萬不能致治臣前疏內有臣品日邪一款原指外廷諸臣
開怨取忌實種禍根今坤忽出疏攻臣全以機鋒挑激其
受人指使代人報復明甚臣於此知坤之已與外臣爲比
矣伏乞

皇上卽將臣譴斥以平王坤之氣并將臣前疏及今疏
勅廷臣會勘以正王坤之罪兼杜假手王坤報復之端臣雖受
斧鑕永荷

皇恩矣

崇禎陸年正月貳拾肆日

貳拾陸日奉

聖旨詞臣自有應盡職業奏內事情屢旨自明陳于泰不得瀆
陳該部知道

巡按直隸臣趙振業謹

題爲糾叅違玩赴次衛弁以肅漕政事據河南督糧道按察使降壹級管事游王廷呈稱本道仰遵

明旨察驗米色務求乾潔不堪者責令曬揚臨清等衛指揮董昌胤等壹拾柒衛所官旗俱歡躍領兌受過米計貳拾餘萬石惟臨清衛前幫指揮伏永靖逼鄰水次視諸衛爲最近本弁玩延誤漕久不赴次弁髦

功令閃爍莫測并泗州衛百戶潘惟沐應襲楊之麟屢催不至均屬稽違單例難宥又據直隸寧國府知府周光夏呈稱本府屬漕遼貳糧完貯候兌建陽等衛次第交受獨虎賁右衛指揮陳覲龍該兌廣德州米旗船延捱不至愆運誤漕誰任其咎又據鎮江府推官周廷鑑呈稱丹徒丹陽金壇各縣漕糧全完日久龍江衛兌完開幫獨太倉衛指揮王國廬州衛指揮梁師孟六安衛鎮江幫千戶周之冕節

次差人迎催竝無船旗到次恐誤漕運又據蘇州府推官周之夔呈稱通州所千戶秦之梁大河衛前幫指揮賴嘉慶橫海衛蘇松幫指揮劉恒吉大河衛後幫指揮韓斗望儀真衛指揮白繪麟鎮海衛指揮孫廷玉龍江右衛指揮沈延祚俱未到次有領船貳百餘隻止到肆伍拾隻者有領船百餘隻止到陸柒隻者有全幫寂無一到者甚至併船隻數目竝未開明申報者目今瞬息歲杪轉盼新正卽使旦暮鱗集星夜僭充猶懼違限迺各運弁玩愒泄泄從事無奈職位卑權輕莫能彈壓雖文移往來差役絡繹只回空文又據松江府推官徐日曦呈稱高郵衛指揮唐學臯滁州衛指揮鞏嗣昌紹興衛千戶朱皆俱未到次又據甯州府推官吳兆璽呈稱泰州所千戶劉國威六安衛指揮徐長庚龍虎衛指揮彭蔭生泗州衛指揮楊出海豹韜左衛指揮潘光祚等官旗船隻尚未全到差移催僭衰如

充耳兼程赴兗勢不能以空文得之也各等因揭報到臣
該臣卷察崇禎叁年玖月內該戶部題奉

新例各幫糧船回空俱限拾月下旬到次如在京通起糧稍遲
者察炤限單略寬旬日亦不許出拾壹月之內如違至拾
貳月不到降職貳級欽遵在案今歲江淮南北地方水旱
歉收百姓顆粒維艱臣等日夕督催幸勉完足至各衛弁
狄永靖等玩忽推諉追呼莫應有心戀私無意急公伏乞
勅下該部炤例降職運完另議庶頑弁知警望其早夜速兌開
幫以自贖也然各衛弁旗之未到次者不止此數人察亦
有多係運河淺阻者臣不敢俱臚列苛叅蓋自京口至毘
陵數舍水道借潤江潮隆冬潮細閘啓卽洩練湖薄積畱
待重運困於孟河者車戽始出阻於呂城者夫拽不前印
河各官百方督催而河身龜折牽挽日僅數艘臘月終旬
始克過呂城而南下也地利不順人力已窮江南處處告

早輕船不能入重運烏能出急欲出口勢不得不起剝欲起剝勢不得不雇募小舫裝盤煩騷競渡耽閣何以遵欽限而無誤漕期也萬一春月不雨河水復枯疏濬無庸牽剝日費諸弁後期之討卽臣歷歷察叅亦祇爲法受過耳江南素號澤國今以久旱成涸不可謂非災異也臣謹會同總督漕撫戶部尚書李待問合詞上

請伏乞

聖明鑒察施行

崇禎伍年拾貳月貳拾捌日

陸年正月貳拾陸日奉

聖旨這回空運船多未到次各弁違玩可惡都著炤例降職運完分別奏奪濬剝事情已有屢旨責成該管官多方料理還著通行嚴飭不得藉口久旱預希諉卸該部知道

巡按直隸臣趙振業謹

題爲漕限日迫一日運河日涸一日空艘多阻兌運必誤謹
再疏請

旨嚴飭責成以救危漕事項因江南一帶從鎮江歷蘇州而南
杭州歷嘉興而北所在稱淺空船蹇滯恐致遲誤臣隨具
運河膠阻異常新運危迫可慮等事一疏於崇禎伍年拾
貳月初陸日具

題遂牌行嘗鎮道察得京口河道每歲冬初挑濬深通以待
新運倘曠日持久稽阻回空有誤水次兌運咎將誰諉該
道卽行所屬印河各官作速勒令併工濬完早放回空接
濟新運如有仍前遲玩定行特疏叅處新運孔棘時刻難
緩亟宜勉圖又牌行浙江督糧道全漕冬運已復成規完
糧兌發各有定限該省運務全未詳聞方報運道淺阻支
河不通如此光景皆係遲局該道嚴督所屬推官並州縣

印糧官分投迎船催兌如有稍淺處所多方雇募起剥復載兌軍有司原以開幫爲責不得但以完糧爲卸肩地也拾壹月貳拾柒日據丹徒縣知縣石確報稱是日開壩回空船於拾貳月初拾日盡數過南閘去訖不意行至丹陽阻滯難行該臣又牌行丹陽縣呂城閘旣淺當預將小閘挑深以待糧船經涉及至回空阻集千餘方挑時已晚矣該縣卽多率人夫晝夜挑挖深通早放回空赴次如再遲延卽行叅處去後於拾貳月貳拾伍日據漕儲道臣錢士晉呈稱職自孟冬押空而南尾隨萬艘節節嚴催幸無片帆稽閣中途以拾壹月旣望始抵瓜步見漠漠江天檣帆鱗集卽衝寒渡江繇京口而抵無錫逐程催濬到處疾呼諸郡縣始夙夜庀事月終丹徒開壩啓行江外諸帆一擁而入自謂受兌有期單限無阻不意今歲之厄竟有百倍尋嘗者丹陽當亢旱之餘隨疏隨涸空船之阻於呂城者

尚有千艇人力業已克竭

天時苦不應手職雖不敢爲寬限之請然濬導起剝勢不得不責成有司望一面具題奏

聞嚴勅郡縣護送漕綱預爲起剝一面行文各縣檄旗弁領兌迎船復載則軍糈無誤而漕輓或可無愆期之憂矣又於貳拾捌日據浙江水利道臣薛邦瑞呈稱奉憲檄督責後遂躬親駕舟歷察運河淺深嚴催修濬至通省糧船出入必經之所如杭之仁和嘉之嘉秀湖之歸烏德清各地方淤淺頗多然設法疏濬督工有官現在告竣可無阻窒之虞惟是崇德所轄地方肆拾餘里水僅盈尺舟膠難行屢行檄催不一而足據該縣知縣龔立本呈報以肆拾里工費甚大似難疏通復具條議杭屬糧船取道於五杭港含山南潯繇平望出境委堪利涉等情總之

天澤難俟漕運豈能久稽權宜假道爲一時之變計然乘時疏濬

尤百年之永利倘春月雨集疏撈以俟川流之迅發速運
 急著無踰於此該縣亦知責不容諉已於拾貳日興工惟
 憲示早竣厥工庶緩急有賴矣等因到臣該臣會同總督
 漕撫戶部尚書李待問看得水旱不齊者

天行也修濬有備者人事也

天雖不可以人力爭人未可弛力而聽之

天丹陽縣知縣王範前程濬河工竣奈何阻淺如故則疏濬無法
 徒應故事回空且滯不知何以待新運也崇德縣知縣龔
 立本以修濬工大費浩爲苦竟置不問慮假道五杭港水
 險方始估計興工怠玩如此何以利運伏乞

勅下該部將貳臣從重降罰戴罪修濬俟重運完日另行開復
 者也

聖威震赫之下羣臣知警或疏濬或起剝齊力奮迅修人事以
 濟時艱漕事庶幾有成乎伏乞

聖明鑒裁施行

崇禎陸年正月初貳日

貳拾陸日奉

聖旨奏內事情併王範已有旨了龔立本全無疏濬直至臨期
估修怠玩尤甚著降二級戴罪督工運完奏奪該部知道

河南道御史臣白士麟謹

題爲差規始創職掌宜明仰祈

聖裁以便遵守事竊得宣大之差從來不註山西之人謂其事多掣肘難以行法此

祖宗貳百柒拾餘年之舊制也項因缺出臺班乏員不得已註臣倭差切思邊方重地需人甚急臣受

朝廷養之恩萬不敢借端推諉但差屬創始所關職掌匪渺謹撮其一二預剖於

皇上之前宣大之差是以巡方而兼攝學政者也以本鄉人而考試同省生童其瓜李易嫌儻不如意勢必含沙此其不便者壹且民運錢糧無日不移檄山西布政司以子民而催督公祖恐疾呼未必速應儻誤軍需勢必糾叅此其不便者貳有此兩不便非仰奉

明旨而冒昧以往恐策勵愈切而罪戾愈深也伏乞

皇上俯鑒裁酌庶微臣知所遵行不患展布之莫措矣

崇禎陸年正月貳拾肆日

貳拾陸日奉

聖旨臺差自有成例奏內事情著堂上官察明具奏都察院知道

監視薊鎮東協署理關寧糧餉兵馬邊牆撫賞事務太監臣張國元謹
題爲呈報接獲東來回鄉事本月貳拾肆日辰時准寧前道
臣陳新甲塘報開稱本月貳拾叁日巳時分據前鋒左營
中軍蔡應選塘報據臺鋒千總周文啓報稱本月貳拾壹
日據鄭家莊臺丁田思思接解東來回鄉李廷華等叁名
到山審得李廷華原係車右營盛將官下把總李進孝男
因失凌河被賊虜去分與大王子下養活本月拾伍日從
瀋陽脫身廷華看見石三達子衆大人牛鹿在瀋陽北門
外臺子演放梯子上綁著噴花火箭用走綫點著二王子
說好又聽得石三達子說攻松山用紅夷大炮在南關土
牆外影身攻打南面城梁等情到職據有口詞先將李廷
華具文呈解其貳名候解到營另文呈解等情到道據此
該本道覆審得李廷華原係三屯人父李進孝原係車右
營把總廷華原係內丁百總俱在大凌因捌月拾貳進孝

在南門上陣陣亡祖鎮遂以把總賞給其子廷華後淩陷
固去分與大王子在瀋陽城住親眼看見於拾貳月貳拾
捌等日在北門演放梯子其梯挺委係參節約有叁丈高
肆尺伍寸寬其第貳節卽安設火箭火筒用走綫點放聞
得四酋叫每牛鹿各造壹架等語又聽得石三達子在原
任廣寧白兔場備禦今作僞副將劉世勳家商說松山南
關有一土牆可以隱身用紅夷向內攻打城上砲打我不
著箭射我不著等語該本道看得奴使參逐勢必憤逞然
不能必其不來必我有以待之除行捌城萬分隄備外再
炤李廷華其父陣亡於大淩固自可恤今廷華陷虜壹年
猶然戀棧更覺可嘉相應仍賞以該營把總原缺塘報到
臣該臣看得前據回鄉王九淩等報稱奴酋造梯演習攻
具臣以具疏

上聞矣臣隨移文關內外撫鎮道臣楊嗣昌等但逆奴分令牛

鹿等各行造梯攻具畢備馱載既多勢不能穿山越嶺而遠犯也其計不在寧錦而在關門東協等處勢所必然今據回鄉李廷華供報四酋造梯演放火攻與前報相同但逆奴已行參逐而其憤逞在旦夕無疑矣臣隨移文關內外撫鎮道臣楊嗣昌等嚴行偵探萬分隄備外理合具

題

崇禎陸年正月貳拾肆日

貳拾陸日奉

聖旨據回鄉口供屢報相同狡奴窺犯已確賊既多攜攻具勢難馳逞在我正當遠探設伏相機扼擊以伐狂謀著該督撫鎮上緊熟籌申嚴備禦毋得泄玩致有疎誤兵部星速馳飭

監視薊鎮東協署理關寧糧餉兵馬邊牆撫賞事務太監臣張國元謹
題爲繁文無裨實用規則更須畫一謹權中外之宜酌

奏報之例以祈簡要以永遵守事崇禎陸年正月拾玖日准
巡撫山永右僉都御史楊嗣昌會藁前事會開准永平餉
臣羅應許揭前事會送簡明餉冊到臣臣諦觀之有主兵
有客兵有新餉有駐防分爲肆冊未免仍是繁文也規則
仍未畫一也何言之如東協臺頭臺營山石燕建肆路原
額祖軍謂之主兵則誠主兵矣真定保定河間等營修工
軍士時去時來謂之客兵則誠客兵矣隆萬之間戚繼光
肇建樓臺募南兵支贍今相沿數拾年子孫相繼不去則
化客而爲主也遼左有事肆路抽調空虛老弱逃汰不補
於是招土著食雙糧增新餉家丁總屬東協舊轄則實主
而非客也乃今同一南兵而在山石路者冊入主兵在燕
建路者仍作客兵一乎不一乎同一募丁而在山石路者

併入舊餉在燕建路者仍分新餉一乎不一乎至於新題經制永鎮建燕馬步壹拾壹營非五方烏集則萬里赴援其人真客兵也所食真新餉也而又不載客兵與新餉之冊臣諱思之蓋非餉臣之過也向者欽奉

明旨徹底清釐舊軍舊新兵新新兵參項更定經制臣議山石貳路舊軍舊新兵併歸舊餉如石門路之貼臺宣兵黃土嶺之新餉家丁南海口之沙兵羅城之募兵等項俱編入永平舊餉冊中而山海新餉自不相混也其臺頭燕建舊新貳餉俱繇永平餉司收放以故將舊新兵壹項或仍稱客兵或另作新餉而真正新新兵之食新餉者謂之駐防兵名亦未嘗不是然欲新舊犁然截爲兩段則未免於淆雜矣況永鎮新兵經臣遵

召諭合奏者謂之新餉經制經前撫臣丘禾嘉

題定東協肆路者謂之舊餉經制而臺頭燕建有新餉官丁

馬匹見在月月領銀獨不載貳制之內將何稽考臣去年
肆月初至建昌據勇壯軍士紛紛告擾卽察知其故與該
道臣王凝詐反覆商酌終有未妥臣以耕當問奴織當問
婢集協路守提塘撥等官書寫之役熟知兵馬錢糧者而
一一問之於臺頭竟日乃了其槩隨手創一編以示該道
協守路將似謂稍愈於前敢併山石貳路及海防城操前
制之所未備者而會通之敬齋沐以請

聖裁勅部早爲覆定俾速行遵守臣恐議者以臣數有條奏似
好紛更不知臣有苦衷乃理方亂之絲非更已成之緒也
且夫東協肆路

祖制額兵戰守貳百餘年原非不足邇來積漸廢弛逃故不補又
加清汰所以大壞極敝戰守無一可支不得已而增駐防
之兵費本折如許已非可久之道況所謂防兵有川黔漢
土萬里赴援與山陝京通五方烏集者乎噫臣之處此蒿

目棘心有未敢深說以焦

聖慮者及今收拾協路強固主兵乃金湯萬世之策而臣僅於新舊之間調停畫一特虞時詘舉羸不敢通體更正也察得戶部去年覆欽遵

召諭合奏永鎮經制之疏內一段云舊兵歲支舊餉銀貳拾玖萬柒千柒百柒拾兩伍錢陸分叁釐肆毫米伍萬捌千肆百叁石捌斗伍升伍合豆玖千肆百叁拾捌石肆斗草壹拾壹萬捌千玖百捌拾束前議已確無容增減又在新兵新餉經制之外等因題奉

欽依在案臣今察出臺頭壹營新餉官丁馬匹歲共支銀壹萬玖百伍兩貳錢叁分料壹千肆拾肆石玖斗草壹萬壹千陸百壹拾束建昌路及守提新餉官丁馬匹歲共支銀壹萬壹千壹百伍拾貳兩叁錢貳分燕河路及守提新餉官丁馬匹歲共支銀壹萬叁百肆拾貳兩捌分又在前數之

外未入經制之中此

明旨所謂舊新兵仍應編入舊制者令之前數歲計該銀叁拾
叁萬壹百柒拾兩玖錢壹分叁釐肆毫米伍萬捌千肆百
叁石捌斗伍升伍合料豆壹萬肆百捌拾叁石叁斗草壹
拾叁萬伍百玖拾束乃該餉司見在月月關支非從新創
設者也臣今不分新舊總彙裁定壹協肆路官軍壹萬捌
千貳拾玖員名馬羸伍千壹百叁拾肆匹頭歲共支折色
廩餉布花料草乾銀貳拾玖萬玖百捌拾捌兩叁錢本色
米叁萬陸千伍百叁拾玖石肆斗料豆壹萬捌千陸百陸
拾陸石肆斗草叁拾萬捌千肆拾束較之前數銀米所減
實多惟料草各增其數乃取之民屯歲徵不煩戶部另處
其協路守提而外有永平等陸衛官旗俸米則例仍舊原
額自不相懸惟有操軍士塘撥關門看監禁卒與倉庫官
吏書算本折量有增加大約歲支銀不過壹萬壹千兩米

壹千伍百捌拾肆石料叁拾陸石草陸百束又牛頭崖等海口坐營官軍歲支銀壹千玖百伍拾陸兩米貳千叁百貳拾石貳項在前經制之後另附條款臣今通酌妥便連前計算歲共支銀叁拾萬叁千玖百叁拾肆兩叁錢米叁萬玖千肆百肆拾叁石肆斗料壹萬捌千柒百貳石肆斗草叁拾萬捌千陸百肆拾束較之舊新貳項合算減去銀貳萬陸千貳百叁拾陸兩陸錢壹分叁釐肆毫減去米壹萬捌千玖百陸拾石肆斗伍升尚可備班營客兵之用止是料豆加增捌千貳百壹拾玖石壹斗草加增壹拾柒萬捌千伍拾束乃取之本鎮民屯鹽引綽綽乎有餘裕者也如此定制庶幾目前戰守成一規模不墮往日舊兵全是老弱頽敝之象迨後奴酋旣滅新兵撤防再議量畱益壯主兵之氣規模亦不外此而充之耳竊見戶部屢疏許於額內通融臣愚深體此意不敢泛濫其工部胙衣褲鞋外

解而入內解而出往返不勝其煩邊軍未霑實惠臣今擬請兌支又永鎮之永豐倉山海鎮之新餉庫各少大使壹員乞勅吏部註選禮部鑄給印信各壹顆仰祈聖明垂鑒均賜

俞允施行係干兵馬錢糧等因會蒙到臣除撫臣總彙壹冊外臣謹會同督臣傅宗龍撫臣楊嗣昌合詞上

請伏乞

勅下該部酌議覆

奏行臣等遵奉施行

崇禎陸年正月貳拾貳日

貳拾陸日奉

聖旨該部覈議速覆

巡撫山西臣許鼎臣謹

題爲特糾通賊姦弁以振

國法以彰

天討事臣向聞汾州營叅將劉光祚頗得衆譽以爲西河保障
專所倚重一入晉境卽手書勸勉以定襄伯郭登少保戚
繼光功業相期待之亦甚厚矣及臨縣被賊賺據乃光祚
信地也臣因防河事重不敢檄調而光祚未奉臣檄徑到
臨城臣意其急公慷慨心頗壯之及曠日持久屢攻不下
臣不得不親赴行間督勵將士道路嘖嘖有言叅將劉光
祚收賊首豹四在營豹四者卽據城劇賊豹五結義之兄
弟也往來交好夜送金珠于光祚是以鎮臣張應昌定計
攻城賊輒知之得預爲備臣未敢信也迨臣周覽列營鎮
臣在西南山一面光祚在西北山一面其山甚高宜用火
砲擊入臣送光祚紅夷砲叅位使之從高擊下正月初貳

日鎮臣布令四面齊攻臣懸賞千金親督登城鎮臣手射賊首一條龍震天雷扒山虎斃之臣標下旗鼓官陳國威亦射中賊首草上飛小鷄子斃焉而光祚不發一矢不放一砲安坐營中臣以令旗督之亦不動也臣乃差官割其親丁之耳而光祚悍然不顧益知人言非無因矣及初柒日鎮臣火燒角樓之夜賊已惶怖臣念欲殲渠必先散黨乃于初捌日豎大旗壹面上書出城投降者免死于是絕城而下者數拾人又思臨民陷賊者恐大兵一進玉石俱焚是以乘城死守甘爲賊用乃用長柄大牌貳面上書復城之日官兵不許妄殺止委署印同知萬同泰入城安輯蓋同泰有德于臨民故以此感動其心耳而光祚輒怒曰如此則兵將空手而歸無財帛之望矣乃捫造蜚語以惑旁聽故使衆兵輟攻初玖日秦將艾萬年復奉督臣之命自澤潞赴臨臣念轉餉艱難山谷崎嶇運米遲滯議汰老

弱以簡精壯光祚復造言以惑旁聽謂臣減兵示弱悍不受汰臣初拾日又思圍師必缺昔朱雋圍黃巾賊于宛城缺圍一角賊果夜走伏而擒之今宜用此法乃議撤東北西北二面之兵東北伏紫金山以伺賊西北伏曲峪鎮以伺賊計以定矣手書密函封示各將隨遣聽用官石希章雷樹五入城諭賊誘之出走賊望見二面無兵皆束裝開門乘馬欲出而光祚私遣降丁白和尚透信與賊賊知有伏隨卽閉門堅守此通賊之明驗也降丁白和尚臣用計脅賊賊果獻出口供見存光祚雖百口無以自解矣臣見其終不用命于拾壹日撤之東行光祚卽將火炮叁位草叁千束雲梯肆杆俱弃與賊非臣標下聽用官苗大興苗大勝數拾人奮力奪回是以勝具資賊矣聞賊以肆千金夜送光祚營中豹四爲之過付故極力庇護不使鎮臣張應昌蚤奏成功臣嚴拏豹四而光祚匿之不肯解出司馬

昭之心路人所知也晉中有此姦弁貪賊厚賄賊何時而
平耶謹特疏糾叅伏祈

勅下兵部覆議先將劉光祚革職勘問依律議罪庶貪將知警
而

天討得伸臨城可卽復也

崇禎陸年正月拾柒日

貳拾陸日奉

聖旨劉光祚著革了職該撫按速行拏解來京究問該部知道
道

兵部等部尚書等官臣張鳳翼等謹

題爲協援誼難稽時圖勝急先固本謹因察覈之及詳晰具奏併謬陳籌勝之策統祈

聖鑒事職方清吏司案呈該本部題前事內稱看得固津護運雖分兩項而護運卽在固津之中撫臣欲復天啓年之招募貳萬該餉歲當幾何值此掣衿露肘之時斷難議復矣惟額船壹百伍拾壹隻今據肆年月報冊開僅存肆拾叁隻而亦已爲孫應龍被誘陷賊乃借運艘以作戰艦他日并至缺運尤屬非計則先補造百艘以資哨防固勢所不容已者臣部已移咨水衡其果否能應聽該部自行議覆若增兵一節臣部以爲第復鎮海營水兵之原額已自足用蓋踞中洋月坨之衝資糧艘往來之衛皆水兵作用也原額肆千貳百名今統計見在水兵不過貳千伍百柒拾員名是尚缺壹千柒百餘名矣似宜招滿肆千以壯氣勢

而足調遣臣部於冬月卽已具稟會覆而計臣以爲餉無從出未肯畫題因咨行津撫酌議而該撫復疏申

請想未見部咨耳今奉有速覆

明旨謹據實奏

聞惟

聖明裁奪施行等因崇禎陸年正月初捌日本部尚書張鳳翼

等具題拾貳日奉

聖旨募兵先須計餉旣未經戶部商妥何得輒議增補且津營

水兵肆千餘名稱係舊額卽有額餉何謂餉無從出還著會

同戶部確議速奏水師急需船隻其應造船數併著工部速

覆欽此欽遵到部送司隨卽移文戶部酌議去後今准戶部

回稱察得自遼事起而津門鎮海水兵設焉天啓貳年原

題設鎮海奇前後參營共官兵肆千貳百員名天啓肆年

陸月內併爲壹營止設官兵貳千陸百伍拾員名崇禎元

年部院崔爾進裁定津門新兵水陸共陸千壹百貳拾參員名而鎮海營水兵止設壹千貳百參拾員名卽在其內崇禎貳年袁經略更定減去陸兵貳千伍百柒拾參名止存新兵參千伍百伍拾員名內有水兵仍舊崇禎參年部院翟鳳翀題

請增定共增陸兵參千柒百柒拾陸員名共新兵柒千參百貳拾陸員名內有水兵仍舊今新定經制悉炤翟部院之規俱無增減此津門新兵增減之大槩也數年來各鎮兵遞有增減而餉亦遞有裒益正難以一鎮之增減便定餉之盈縮也又舊餉海防營尚有水兵壹千伍百名陸兵壹千名水陸共有貳千伍百名今亦因之兵部咨云見有水兵貳千伍百名者想合鎮海海防貳營而言也前兩部會題經制奉有額內通融之

旨故增兵增餉之說本部槩未敢應正以新餉止有此額耳然

而登事方急我兵陸堅而水瑕勢有難以膠柱者合無於千貳百之額量增至貳千名以資調度其海防舊兵水陸貳千伍百員名向來額餉不薄一任渙散駕言屯田實堪整飭簡練合之可得數千勁旅其於兵部募足肆千之說似無相背馳也合咨兵部煩爲察議具覆施行等因到部送司到呈到部除增造運艘事宜已經移文工部酌議自奏外看得津門鎮海水兵船設於天啓貳年原額共肆千貳百員名後自天啓肆年迄今屢經督撫裁定遞有增減而原額殘缺矣茲總計鎮海海防兩營見在水師僅貳千伍百柒拾員名其見缺壹千柒百餘名臣部前議增足肆千而計部難之今奉

旨會議已許量增捌百名矣合之前數可得叁千叁百餘名其去肆千不遠矣據計部稱水陸舊兵糜厚糈而藉口屯田逍遙渙散何不亟加飭練使成勁旅於以固津護運而紛

紛請益哉既經咨復前來臣等謹會同太子太保戶部尚書臣畢自嚴等合詞題

請伏乞

勅下遵奉施行

崇禎陸年正月貳拾叁日

貳拾陸日奉

聖旨鎮海水兵量增八百名依議還著精選驍勇毋得以游惰充補本內稱海防舊兵藉口屯田一任弛渙是何緣故著該撫據實奏明仍一面亟加整練務成勁旅

工部尚書臣周士樸等謹

題爲清裁關稅銀兩成造軍器以濟時艱乞

賜嚴諭以便遵行事虞衡清吏司案呈崇禎伍年拾貳月貳拾

玖日奉本部送工科鈔出

天壽山守備內官監太監王希忠題稱據收稅經歷王杰冊開年
例徵收過居庸關稅銀壹千餘兩除舊例每年供應各正
項銀兩不開外所有各衙門年例公費犒賞不急之銀約
有柒百餘兩合應節省成造軍需誠爲協公裕

國之策但該關徵收年例銀多寡不一原無定數臣一面移
會道臣另委才幹經歷壹員秉公加意徵收每遇年終類
算收過銀兩數目解發昌鎮中營坐營官收寄以佐軍器
之用伏乞

皇上勅下該部嚴行昌平兵備道臣通詳一體遵行等因伍年
拾貳月貳拾柒日奉

聖旨該部看議具覆欽此欽遵鈔出到部蒙批察設稅緣繇議覆奉此察得居庸關稅向非本部所隸其起自何時每年徵收若干向作何項開銷及何官管等因呈堂備察去後正月初拾日

天壽山守備內官監太監王希忠回稱爲炤居庸關之設稅行歷來久矣經管官乃直隸延慶衛經歷之職也相繼亦久每歲稅課商賈往來多寡不齊亦無定額案察先年販馬過關所徵猶多今則無馬可販祇見其少且稽覈稅銀正供支銷僅拾之貳叁而糜費更倍經歷王杰之冊可考也是以有此題

請無非爲

國家軍需之艱鎔銖可惜之意等因到部送司奉此察得王杰冊開關稅實徵銀兩併給放細數自崇禎元年起至崇禎伍年止共收過銀錢陸千柒百肆拾捌兩陸錢玖分陸

釐玖毫共放過銀錢亦同此數其正供錢糧據冊開年例上供柴炭表箋進

表等銀昌平鎮道等衙門門稅料價等項居庸驛各項車兩銀兩俱係應用急需難以節省至於各衙門公費犒賞察其元年所開果有柴百陸拾叁兩伍錢伍分其貳叁肆伍年以有多寡不同似不能據此柴百餘金爲定數也惟畱心節省凡遇可省者隨爲撙節亦不止於柴百餘金而已也蓋以不急之銀改佐軍需甚爲救時急著相應議覆案呈到部該臣等看得昌鎮重地外防插虜內護

陵寢應用器械委宜預備今內臣王希忠仰瞻

宵旰揆括關稅不急之銀造辦該鎮有用之器甚爲便利但稅多則造多稅少則造少是又在經管之官無漏無苛招徠急公兩得其道除正項外自有盈餘卽不敢遽定其額恐亦不止於柴百餘金也此銀解鎮之後該鎮卽將每年用

過銀兩造過器械各項細數於年終備造黃冊
奏繳青冊報部以便考察庶器械實有著落不至一聞警報

輒有呼籲也既經該司察明前來相應具題伏候

命下臣部轉行該監併鎮道衙門一體遵行

崇禎陸年正月貳拾貳日

貳拾陸日奉

聖旨是

總理戶工兩部太監臣張彝憲謹

題爲覆覈實收過入廩糧數嚴追各官掛欠彰明激勸以重
國儲事案察崇禎伍年陸月內該臣題爲遵

旨巡察直陳漕務等事內稱巡察漕糧釐剔姦弊俱容糧石進
倉收受入廩完日會臣覆覈明白另行題報等因業經奉
旨行催京通貳廳各倉並天津昌密各鎮餉司速將漕糧曬揚
收受入廩仍將收過糧數及各官完欠職名數目報臣磨
算覈實明白具題在案今據京糧廳主事周天祚呈送京
倉舊太等倉各監督員外郎石應崑等收過總屬衛所各
官崇禎伍年領運肆年分漕遼糧石交納入廩梗粟正耗尖糧
斛并完欠職名數目並通糧廳署郎中事主事劉夢桂呈送
通州中南西叁倉監督員外郎傅國俊等收過糧解數目
及天津餉道鄭寅贊司主事劉大猷昌平鎮餉司主事劉
宇揚密雲鎮餉司主事趙秉衡等俱呈同前事各等因到

臣該臣看得軍需莫重於漕運法政莫嚴於叅追是以漕糧以全完者爲賢能以掛欠者爲不肖叅處以稍欠者行監造以多欠者行峻法斯誠政體平刑法峻賞罰明而礪世勸典之大權愈彰矣項據京通廳倉津邊各鎮餉司呈報崇禎伍年分收過總屬衛所運官領運肆年分糧石交納米數內除京倉交糧各弁職名張國勲等掛欠米肆拾萬陸百陸拾石肆斗零臣於拾貳月內具疏題叅業奉

明旨通行該部提追外其京倉入版米數并通倉天津昌平密雲各該餉司收過糧數並各官完欠數目均關積貯軍儲卽當磨覈明白一併列款開坐

聖覽凡有掛欠此係在官錢糧非比細民拖欠法應一面降處監禁嚴究比追一面仍行本處糧道拘提原籍家屬審追變產完官勿容寬緩亦不容連名夥欠互相推卸遲挨則

糧有著落而便於刑追俾

國計無虧而積貯自裕矣其本年同運完糧已經巡漕御史
薦舉龍虎左衛運糧指揮李應禎等勤勞王事志在急公
而獨能全完全合應陞賞激勸以爲鼓舞於將來至於各該
運糧把總以屬衛之完欠爲職掌掛欠旣多俱應按法重
處第已經戶部因舊欠而於拾貳月內疏叅業俱先行革
任究罪外上江等總欠數遵炤新例以欠至壹萬伍千石
革任究罪遺欠漕糧責令接管新任帶催督追欠數合宜
於完糧首薦官速補前缺督催嚴追如此庶糧儲無侵漁
掛欠而漕政振肅矣相應題

請伏乞

聖明勅下戶兵刑衙門一體欽遵施行

計開

京倉各廩共實收過正耗尖米貳百貳拾貳萬陸千

陸百玖拾石貳斗玖升零外各運官

掛欠米肆拾萬陸百陸拾石肆斗肆升零

已經臣於拾貳月內開列職名欠數題參外

皇城四門倉實收過正耗尖米叁萬陸千捌百柒拾柒石壹

升零外

淮安等衛指揮千百戶等官鍾光岳等欠陸百貳

拾貳石伍斗零

通州中南西倉共實收正耗尖米伍拾捌萬柒千貳

百伍拾柒石捌斗玖合零外

掛欠米肆萬玖千玖拾柒石捌斗捌升零內

徐州倉指揮向志欠米壹拾陸石

濟寧衛指揮王元樞下千戶張四知欠米壹千柒

百肆拾叁石捌斗叁升

濟寧衛指揮修維寵欠米肆百肆拾伍石伍斗

徐州衛指揮趙元勳欠米捌千柒百捌拾叁石伍斗

任城衛指揮郭連壁下千戶高明遠欠米貳百叁

拾陸石

豹韜衛指揮胡正清欠米伍百肆拾肆石陸斗叁

升零

畱守右衛指揮鄭國臣欠米壹百柒拾玖石伍斗

鈴山所千戶凌雲志欠米壹千貳百玖拾伍石伍斗

南昌衛指揮汪文鎮欠米貳百壹拾陸石壹斗叁

升零

袁州衛指揮戴金魁欠米捌百壹拾柒石柒斗貳

升零

六安衛指揮喬允遷欠米陸百陸拾石

滁州衛指揮蔡承恩欠米貳百捌拾柒石伍斗

儀真衛指揮劉佐堯欠米壹千壹百叁拾柒石

儀真衛千戶桂應蟾欠米叁百陸拾柒石肆斗肆

升零

興化所千戶王日新欠米捌拾貳石伍斗

高郵衛指揮伍大成下百戶周世臣欠米貳百貳

拾伍石伍斗

廬州衛百戶孟承祖欠米柒拾壹石捌斗陸升肆合

羽林左衛千戶陳廷芝欠米壹百叁拾捌石

瀋陽右衛千戶李承蔭欠米陸百貳拾貳石玖斗

伍升零

府軍左衛千戶益懋德欠米陸拾石伍斗

府軍後衛千戶賈必達欠米陸百柒拾肆石伍斗零

興武衛指揮呂鍾欠米壹百壹拾陸石伍斗

應天衛已故指揮耿秉孝下百戶王用賓欠米壹

千玖百肆拾貳石叁斗叁升零

水軍左衛指揮陳宗器欠米貳千陸百捌拾叁石

壹斗叁升零

龍江左衛指揮胡國忠欠米玖百伍拾伍石

橫海衛指揮崔世恩欠米捌百貳拾陸石伍斗

鳳陽中衛指揮馬守志欠米壹百貳拾捌石

畱守中衛指揮高允聲欠米壹百叁拾陸石壹升零

畱守中衛指揮喬應龍欠米壹千貳拾貳石陸斗

叁升零

畱守左衛指揮馮世泰欠米壹千叁百柒拾叁石

貳斗伍升

畱守左衛指揮謝天祐欠米貳百壹石

懷遠衛指揮鄭光先欠米肆百柒拾貳石貳斗零

長淮衛指揮喬天麒欠米肆百壹拾叁石肆斗伍

升零又欠粟米壹百玖拾石捌斗叁升零

長淮衛指揮董天祐下百戶何良臣欠米伍百捌拾伍石

洪塘所千戶王耀祖欠米壹百壹拾玖石伍斗

鎮海衛指揮江時龍欠米肆百叁拾陸石

羽林右衛指揮張崇爵欠米伍百肆拾石伍斗

畱守中衛千戶孫士利欠米捌拾柒石伍斗

松江所千戶費永年欠米貳百陸拾石伍斗

杭州前衛指揮楊芳譽

千戶劉廷臣

百戶王之藻共欠米壹千陸拾貳石

杭州前衛指揮岳堯封欠米伍拾玖石壹斗陸升零

同幫千戶盧桂芳欠米貳百叁拾柒石陸斗陸

升零

千戶朱膺紱許雲揚欠米捌百捌拾叁石捌升零
杭州右衛指揮蕭大聲千戶李天奇欠米玖拾貳石
紹興衛鎮撫周定台欠米壹千貳百貳拾壹石肆
升零

海寧衛千戶劉國祚欠米伍百玖拾石貳斗叁升零
府軍右衛千戶趙祖武欠米捌百貳拾捌石貳斗
伍升零

龍虎衛千戶楊應彪欠米叁百貳拾陸石捌斗柒
升零

江陰衛千戶燕紹文欠米伍拾貳石伍斗
鎮南衛千戶朱大中欠米叁百肆拾貳石
龍虎衛指揮蕭鳴鳳欠米柒百肆拾捌石
鎮南衛千戶陳良才欠米捌百玖拾貳石伍斗
神策衛千戶劉印欠米壹百玖拾陸石陸斗伍升零

武昌衛百戶李宏欠米貳百貳拾陸石

荊州衛指揮楊希震千百戶許登科李應元共欠

米貳千壹百貳拾石陸斗柒升零

岳州衛指揮張天耀欠米伍百柒拾壹石伍斗

岳州衛百戶陳心得欠米壹百肆拾肆石

壽州衛指揮陳弘謨欠米陸百貳拾石伍斗

邳州衛指揮展印千百戶許補袞盛邦賢共欠米

壹千貳百柒拾壹石陸斗貳升伍合

泗州衛百戶李開先欠米壹千貳百叁拾玖石

泗州衛千戶陶希穀欠米柒百玖拾捌石貳斗

長淮衛指揮曲體道欠米叁千貳百壹拾壹石叁

斗捌升零

高郵衛指揮薛承先下百戶王萬言欠米肆拾柒

石捌斗

天津遼餉道實收上倉并發運薊永及水次米共陸

拾壹萬柒千柒拾柒石伍斗壹升零外各運官

掛欠米肆萬叁千叁百肆石捌斗叁升伍合零內

邳州衛指揮劉世雄欠米柒百伍拾貳石叁斗貳
升零

大河衛指揮牛體震欠米叁千肆百伍拾壹石貳
斗貳升零

九江衛鎮撫孫聖祚下隨幫左維屏欠米柒拾伍
石肆斗玖升零

九江衛鎮撫孫聖祚欠米叁拾玖石肆升零

畱守左衛指揮馮世泰欠米壹千伍拾伍石肆升零
泗州衛指揮王立勳下百戶王自新欠米柒百叁

拾石壹斗伍升零

泗州衛百戶孫昌祐欠米捌百壹拾石柒斗捌升零

百戶謝良朝欠米捌百貳石伍斗伍升零

百戶馮尚義欠米玖百柒石叁斗肆升零

百戶林毓欠米肆百伍拾石肆斗貳升零

百戶齊世卿欠米柒百壹石捌斗壹合零

百戶洪大勳欠米伍百玖拾柒石叁斗陸升零

百戶滕萬仞欠米捌百壹拾石壹斗伍升零

百戶申應文欠米壹千肆百伍石陸斗肆升零

百戶杜宗唐周維新馬一魁欠米肆百柒拾柒

石壹斗壹升零

永新所指揮甘弘國欠米叁百貳拾石捌斗零

九江衛指揮楊應麒欠米壹千肆百柒拾壹石肆

斗肆升零

九江衛鎮撫孫聖祚欠米柒百柒拾柒石伍斗壹

升零

安慶衛指揮陳以梓欠米肆千伍百叁拾陸石捌斗捌升零

千戶路雲鵬欠米叁千伍百柒拾壹石肆升零
百戶張夢鶴欠米叁千陸百陸拾伍石玖斗伍

升零

本官又掛欠叁千肆百陸拾叁石貳斗叁升零

百戶袁世隆欠米貳千玖百肆拾貳石柒斗零
鎮撫李璠欠米肆千肆百壹拾貳石捌斗叁

升

廣信所千戶金大節欠米伍拾伍石柒斗柒升零
袁州衛指揮戴金魑欠米壹千叁百柒拾壹石玖
斗玖升零

虎賁右衛指揮許大成欠米陸百壹拾石捌斗陸
升零

懷遠衛指揮鄭光先欠米叁千叁拾柒石叁斗貳

升零

天津贗司實收過正耗尖米陸萬肆千貳百貳拾石

玖斗貳升零外

大河衛百戶陳啓元欠米壹拾肆石柒斗肆升零

昌平鎮餉司實收過正耗尖米貳拾壹萬捌千肆百

捌拾捌石肆斗玖升零外

掛欠米肆萬貳拾貳石肆升零內

大河衛指揮李應捷欠米伍拾伍石捌斗陸升零

淮安衛指揮李天麟欠米貳拾玖石肆斗

長淮衛指揮曲體道欠米柒石叁斗伍升零

武平衛指揮顏文煥欠米伍百伍拾肆石壹斗貳

升零

長淮衛指揮董天祐欠米壹千玖百肆拾陸石玖

斗陸升零

畱守左衛指揮謝天祐欠米叁千伍百叁拾叁石
柒斗壹合零

畱守中衛指揮喬應龍欠米壹千貳百捌拾壹石
玖斗玖升零

鳳陽中衛指揮馬守智欠米叁千玖百陸拾捌石
柒斗玖升零

鳳陽衛指揮吳與京欠米貳百叁拾肆石捌斗玖
升零

徐州左衛指揮向志欠米貳千玖百叁拾石肆斗
肆升零

德州左衛指揮魏嘉紳欠米貳千貳百石玖斗壹
升零

東平所百戶戴天爵欠米捌百壹拾石陸升零

任城衛指揮郭連壁下百戶王德政欠米貳百玖

拾貳石叁斗貳升零

濮州所千戶周建勳欠米肆石捌斗貳升

通州左等肆衛指揮張永祚欠米壹拾伍石肆斗

玖升零

德州衛指揮姚應禎欠米陸石捌斗壹升零

徐州衛指揮趙元勳欠米捌百柒拾伍石貳斗肆

升零

滁州衛指揮蔡承恩欠米壹千伍百捌拾叁石伍

斗陸升零

廬州衛指揮侯有功欠米叁百叁拾玖石柒斗壹

升零

六安衛指揮姚思舜欠米肆百肆石捌斗柒升零

高郵衛指揮伍大成欠米叁千玖百叁拾伍石肆

斗肆合零

邳州衛指揮劉世雄欠米陸百壹拾玖石叁斗陸
升零

大河衛指揮戴世恩欠米壹千捌百壹拾柒石壹
斗壹合零

泗州衛指揮王立勳欠米貳千叁百柒拾捌石柒
斗伍升零

蘇州衛指揮王用礪欠米肆千肆百伍拾壹石陸
斗捌升零

松江所百戶干城將欠米叁千伍百伍拾玖石壹
升零

鎮海衛指揮江時龍欠米壹千柒拾石壹斗玖升零
鎮海衛指揮武咸之欠米壹千壹百壹拾叁石壹

斗陸升零

密雲鎮餉司實收過正耗尖米壹拾肆萬玖千壹百

玖拾柒石捌升零外

掛欠米貳萬叁千肆百柒石陸斗陸升零內

泗州衛指揮張景文下千戶張續纓欠米柒百貳

拾陸石捌斗陸升零

鹽城所千戶阮樹藩欠米貳百玖拾柒石玖斗肆

升零

泗州衛指揮張景文下百戶張文政欠米貳千叁

百捌石捌斗捌升零

臨清衛指揮陳述職欠米柒千壹百玖拾肆石捌

斗玖升零

臨清衛指揮王永嗣欠米肆千叁百壹拾柒石叁

斗玖升零

濟寧衛指揮修維寵欠米柒千壹百捌拾肆石叁

斗壹升零

德州衛指揮姚應禎欠米壹千叁百柒拾柒石叁

斗陸升零

崇禎陸年正月貳拾肆日

貳拾陸日奉

聖旨漕糧軍國急需這各倉欠數甚多各該運官情罪可惡通
著察明降處監究比追仍行該管糧道拘審家屬變產完
官還立限去全完各官罔例陞獎該部知道

戶部尚書臣畢自嚴謹

題爲欽奉

明旨事戶科鈔出該本科都給事中許世蓋題前事內開准專

管察覈餉務本科給事中朱國棟關稱本職奉

命察覈餉務今炤年終

奏繳事竣所有前差相應關回另行差官接管等因到科准

此察得本科給事中吳南灝在任堪以差委恭候

命下行令本官前去欽遵施行等因本年正月拾壹日奉

聖旨朝廷重念邊鎮兵馬糧餉特命科臣專管察覈欲其提綱

挈要熟計周諮以圖釐弊課實近來竟失立法初意但以瑣

屑繁苛虛文塞責實於兵餉大務未見作何劑量綜稽無益

清覈徒滋煩擾甚非籌邊長策今後該部科新設察覈等差

俱著停止仍開明奏來該部知道欽此欽遵鈔出到部本月

拾捌日又准吏部咨前事文選清吏司案呈炤得戶部缺

侍郎該本部會推等因奉

聖旨戶部侍郎舊制原有定員應否必須添設還著確議奏奪
欽此隨經移咨戶部酌議去後今准該部咨回到部送司
察得戶部侍郎原有定員自天啓元年創開鼓鑄之局始
議添設錢法侍郎壹員專董其事迄今壹拾貳年於茲矣
去歲拾貳月內因左侍郎周士樸陞任員缺臣部會推循
例將傅淑訓轉左劉榮嗣轉右其督理錢法侍郎臣等公
推得蔡思充吳國仕貳員上

請奉有舊制原有定員之

旨今准戶部回稱創局之初銅本參肆拾萬今減至拾伍萬若
前此本廣利多應設大臣綜理迄今爲數無幾則專官之
設似可裁也近察原設左右侍郎近例各有專責如仍遵
舊制合無將錢法歸併原設侍郎似爲妥便案呈到部既經戶
部移會該司察呈前來如仍遵

舊制合無將傳淑訓轉戶部左侍郎專管事例舊餉劉榮嗣專管新餉兼理錢法統候

聖明裁定遵奉施行等因正月拾叁日奉

聖旨是以後錢法侍郎不必添設欽此欽遵移咨到部又准本部左侍郎傳淑訓咨稱本堂待罪右堂管新餉者數月見累累冊卷皆紙上之虛文層層稽覈亦磨對之故事以抄忽爲摘發以吹索爲精神功力多而實際少徒煩諸司之應答今叨轉左堂復管邊餉職業不過如有慨於中久矣茲者停止蚤出

聖斷眞省事省官之訂謨可行永久而無弊者也又炤事例亦屬本堂專管新奉

明旨欲洗鬻爵之陋逆計所畱亦復寥寥卽事例堂併屬駢指所有原奉專管舊餉及事例

勅印一併齎送本部煩爲

進繳等因又准右侍郎劉榮嗣咨稱本部向有右侍郎壹員而管理新餉之

命則始於崇禎叁年以月間也創之者侍郎周士樸繼之者侍郎傅淑訓已閱叁載於茲本堂叨轉承乏尚未受事隨奉有停止之

旨恭繹

明綸誠深見夫理餉之根要不在繁文多指之亂視不如畫一
若然停止允爲長策至若錢法侍郎原以省直竝督而設
者也今在外之鼓鑄槩不與聞在局之銅本亦復無幾其
中稽完欠驗錢色止壹司官儘足了事而局中多壹堂上
官輿阜書役之費紙張冊籍之煩所不能免

皇上已裁添設侍郎洞悉此事之不須此官矣爲此將原奉新
餉錢法兩堂

勅印咨送本部煩爲察照轉繳等因各咨送到部准此該臣看

得六部設尚書壹員而貳以左右侍郎非取備官原欲分理以共濟也況錢穀出入之地軍興紛煩之日尤非一手可獨籌者年來餉務倥傯

皇上加意綜核因左右以分覈新舊餉

勅印雖增而官不另設事非越俎今九邊本折毫釐顆粒無不惕然惟恐訛漏而前此新舊淆複緩急偏重得一番分理講求頭緒井井不可謂非左右堂共濟之益也而論者或以繁文爲苦臣竊料各鎮之所苦在兩堂月報季報之間省直之所苦在兩堂年終

奏繳察叅之疏大造冊多則謄寫未免忙悞察叅煩則開復未免重疊今議并兩堂報冊而省之卽以臣部一冊發司察閱轉左右再核而呈堂題覆除外錯數多者照例糾叅外其銖兩升斗之差察無別弊徑准開銷免瀆

御覽則各鎮不苦於煩碎矣省直新舊餉銀除逋借混淆開節

大計得執奏外

奏繳察叅槩從停止一端屬之巡視科院一端屬之餉院而兩堂會同臣部分別覈覆則有司不苦於頻罰矣有清楚之績無紛紜之緒何煩何費而議省茲差也向當寬緩之後設部又設科不無稍覺其擾今當振肅之餘科不察并部又不察誠恐仍滋於玩臣以爲仍之誠便也况兩堂非臣部局外之人新舊餉非兩堂局外之事

明旨所謂停止者或如另署另官之謂非如兩堂以本等之官分理本等之事者也使兩堂與臣合任事愈煩而擔當不力使兩堂而仍與臣分任則事反簡而責成更專臣非不仰體

皇上省事安邊之雅意而身在局中深虞孤掌難拍成效可惜不得不力爲請畱新舊餉左右分察萬萬不敢主停止之一說者在左右兩臣一聞

明旨輒咨求

奏繳

勅印如釋重負以卸勞怨爲左右兩臣謀甚便若爲此日部務
叢脞之虞他日軍機旁午之慮則臣未敢輕徇者蓋從
國計起見不暇從貳臣起見也至事例錢法以兩堂之精力
餘地自饒爲之亦足以匡臣部之不逮無庸以細事而滋
厭薄也況吏部題陞兩臣分管奉有

俞旨原不在

明旨停止之內臣可無贅其左右察覈新舊餉務伏乞

勅下臣部咨行左右侍郎遵炤原奉

勅印炤舊分管施行

崇禎陸年正月貳拾叁日

貳拾陸日奉

聖旨錢糧煩重報部一冊左右侍郎分覈會覆依議行勅印不
必仍舊

禮部尚書臣黃汝良等謹

題爲敬循職掌在秦言秦懇乞

聖明採鑒以存邊腹子遺以壯西北神氣事主客清吏司案呈
崇禎陸年正月初玖日奉本部送禮科鈔出陝西按察司
清軍驛傳道兼理糧斛屯鹽水利按察使王振奇壹本一
議裁站一議屯兵一議鹽法一議固原兵馬月餉一議三
邊兵馬錢糧一議旌典以弘激勵一議貢夷宜嚴貢夷每
年一次限以人數扛數委押夷序班統之防騷擾也邇來
押夷官居爲奇貨壹運分爲拾數運每運輒百餘夷人數
百扛臺沿途貨物媒利到處任意淹畱儘其供億需索稍
不如意鼓譟鈔掠莫敢誰何此害中河南陝西爲甚先年
河南按臣吳甡疏叅押夷官鮮于姓者至今賴其安靜而
陝害未歇則限數之法望

皇上勅禮部申飭之也等因具題奉

聖旨該部看議具覆欽此欽遵鈔出到部送司察得裁站屯兵
鹽法兵餉錢糧激勵旌典應聽戶兵貳部另行議覆外所
有貢夷一款相應酌議具覆案呈到部該臣等看得

中國之待夷狄有

恩信以示羈縻卽有禮法以樹維防察炤五地面進貢回夷舊
例每處起送捌名近以紫堯定不法議裁肆名共不過貳
拾名此定數也伍年一

貢此定期也自入關以至出關不得踰拾箇月此定程也在
外甘肅巡撫在內樞部擇委廉幹將官沿途伴送各府仍
遞委同知壹員挨程交割勒限償催此以嚴約束也攜帶
箱扛自外入者除進

貢方物自內出者除

尚方賞物不許額外私增此以防騷動也其有姦棍交通縱橫
需索耽延生事則聽所在有司開申撫按叅

奏問罪凡可剔弊懲姦臣部屢經條議節奉

明旨意各夷當有創心詎尚需索鼓譟肆然罔忌如陝害未歇者道臣在秦言秦聞見最真獨懇懇限數之法臣謂貢夷起送與其拒諸境內不若裁諸境外似應

嚴勅甘肅撫按於入關之初令所在官司遵炤前

旨每處起送肆名或該夷執例求增仍當設法講阻諭以

恩威不得姑息曲徇而且稽覈扛兩多擁隨從有禁夾帶私貨

有禁其經過地方立限償行每至壹處則壹處防護交割

若回夷已至該地方而應付遲延則罪在地方官若夫馬

已備而回夷勒索不行則罪在押送官騷擾顯著者該撫

按據實徑叅騷擾未著違限過期者臣部於差回日察題

罰治至經過處所尤不許市買遷延如居民乘便射利姦

棍隨從唆使者皆以漢人交結夷人貽害地方之律嚴治

無赦一切扛運供給俱炤成例除兵部填載勘令仍於回

夷經過驛站該撫按大張榜示揭諸門廡嚴行曉諭使共
遵守儻有隱匿勘合溢額需求不准應付如此該驛得執
成例以責押送押送官得執成例以拒夷使庶往來循法
不致稽延而地方獲徼安靜其於

聖明柔懷之仁

中國馭夷之體爲兩得矣臣部謹遵

旨議覆仰祈

皇上勅下申飭施行

崇禎陸年正月貳拾叁日

貳拾陸日奉

聖旨奏內回夷入貢限制禁戢稽覈等事著各該撫按嚴飭行
如有故違及押送官撥置生事的叅來重治

崇禎存實疏鈔目錄

崇禎六年正月

二十七日

吏部一本

戶部一本

兵部尚書張鳳翼一本

工部左侍郎金世俊一本

總督京營戎政襄城伯李守靖等本

巡按兩關御史傅永淳一本

又一本

二十八日

大學士吳宗達一本

戶部一本

又一本

缺官事 題推江西布政使司右叅議

奉差事竣等事 覆戶科都給事中許世蓋題河南災蠲免緩徵

逆奴犯情真等事 奏回鄉品供奴酋造車薊昌宣雲當阮險設伏

聞言義當引退等事 奏聞言杜門廢職關防繳送尚書

操練伊始等事 題同寺應解犒賞以應前賞票錢議減五文

恭報察過關外等事 題確擬姦妾王沛澤等情罪

導昌回奏事 題覆察水決工程主兵隨補完牢

天恩至渥等事 奏辭

寧兵價議感等事 題察寧兵所過州縣供應無缺係清縣經歷運玩辜職

募造支用將盡等事 題覆覈大同實用過銀准其鉅算

兵部一本

又一本

又一本

提督京營戎司禮監監書化淳本

司禮監秉筆掌內官監節務王政本

原係刑部郎中陞衡州府知府徐鴻起本

二十九日

吏部等衙門一本

又一本

吏部一本

又一本

戶部一本

兵部一本

又一本

塘報事

題准力單虛海賊出沒某師扼險發兵聲沉

遠哨官丁等事

題看山永塘報哨兵斬獲行按臣察明賞賚

塘報事

題廟島勢孤賊必圖旅黃龍守旅津淮相通占島可殲

敬陳綢繆宜先等事

奏奴將蠢動係議款項勒部確商

急缺供等事

題膳歸大庖器物缺乏嚴勅南部速行解進

感恩圖報等事

題條議治原治法款項

缺官事

題會推南京都察院右僉都御史提督操江

欽奉聖旨事

題會推河南巡撫

缺官事

題推廣東布政使司右叅政

缺官事

題推福建按察司僉事

察盤邊儲錢糧事

題覆察屯局指揮馬從鶴等紙贖報抵年例

精實雖遵部議等事

覆署理關寧太監張國元題客兵盡精事宜

密陳水師等事

題黃龍扼勒固效勒龍與周文郁合力圖登

工部一本

導昌奏事

題毛鐵煉熟減半交解省運料價仍留辦鐵

總督倉場戶部尚書錢春一本

吳永衡湯船糧等事

題江廣等衛指揮周武等漂米酌免仍追

日講官禮部左侍郎王應熊一本

孤臣無補清時等事

奏不辯糾疏推勘自明逮請乾斷罷歸

監視山西太監劉允中一本

官兵協力齊攻等事

題把牌參將領兵殺賊恢復城乞切按臣敘錄

禮部儀制司署郎事主事水隹胤本

導昌具奏事

奏詞不自具奏祠司不行關會

三十日

吏部一本

道臣久缺等事

題馮任邊才素著陞山東布政使司左布政使

戶部一本

耶鎮兵單餉夏等事

題耶鎮衛所帶徵屯糧完欠各官紀錄降革

禮部一本

賓興屆期等事

題科場事宜八款申飭頒行

都察院左副都御史王志道一本

輔臣失職等事

題內臣參疏漸廣且糾輔臣分別仍存政本

巡撫山東朱大典一本

逆賊踏海等事

題各鎮客兵借支月餉允運東江截給數萬

總理戶兩部太監張彝憲一本

傳明旨等事

題並直等處清冊見在細數

又一本

軍需孔亟等事

題察算工程錢糧磨數造冊未完應否前往執驗

監視大同太監劉文忠本

邊情事

題墩軍失傳烽火賊夷竊入守備均應治罪

三題者如
監視山西太監劉允中一本

酌議修邊實著等事

題平陽等衛班軍折銀本邊修工

官制計之曰量又一本

疆事正在協籌等事

奏辦撫臣疏乞詰嚴賜處分

中主事
監視薊鎮東協太監張國元一本

直抒得等事

題與撫臣議練兵併隸標兵可否該部酌議

辭興將車又一本

遣將買馬等事

題驛騎等營將往迤西買馬中飭撫監開禁餘馬

冬月具奏回籍國里畢平命頒其步步使將五平府日創
祇安州高州轉味轉歸日對兵將為車日主事本主冬平
若順平五日其察臨開演日具告使將本日臨直縣計武
降卒轉味轉畢命來平五日臨本主其州前知轉味轉入
野轉入中萬各畢命畢平畢士本平命日創既南文寧其
中效刻日本中效刻番曾歸平冬命及海旅工賊州其
對南知事新市效日有等里來呈使將馳回州畢其工四
台平縣東直地諸議計本金筆文斯到員姓合當非前察
變通知育軍文變前吏日來呈馳回工西中效刻日本本
吏將尚書日平本吏等對

吏部尚書臣李長庚等謹

題爲缺官事文選清吏司案呈炤得江西布政使司右叅議
分守湖東道駐劄廣信府金肇元陞任員缺合當推補察
得前缺原係布政司官管理案呈到部炤例推舉得江西
布政使司右布政使潘曾紘年叁拾玖歲浙江湖州府烏
程縣人中萬曆肆拾肆年進士本年拾月除河南汝寧府
新蔡縣知縣肆拾柒年伍月調本府光州商城縣知縣天
啓貳年正月考察調簡貳月具告到部本月調直隸保定
府安州高陽縣知縣捌月陞兵部武庫司主事添註叁年
叁月具奏回籍調理肆年拾貳月起送到部伍年貳月除
補兵部車駕司主事柒年柒月陞本部職方司署員外郎
事主事捌月寧錦大捷敘錄奉

旨陞任之日量加壹級本月

三殿告成奉

旨陞壹級本部覆奉

欽依俟陞任之日加陞貳級玖月奉

詔實授拾月拱衛敘錄奉

旨加河南布政司右叅政職銜炤舊管事本月填補河南布政司右叅政兼按察司僉事提調學政崇禎元年正月奉

旨清汰貳月本部覆奉

欽依應汰叅政以河南按察司副使管提學道事本年捌月

潘封敘錄本部題奉

欽依加本省布政司右叅政兼按察司僉事炤舊管事貳年肆月奉

旨注削寧錦三殿加級以河南按察司副使管提學道事閏肆

月河南巡撫丘兆麟題畱本部覆奉

欽依陞河南布政司右叅政兼按察司僉事炤舊管事叁年捌月陞福建按察司按察使肆年拾貳月陞江西布政司右

布政使兼按察司副使管屯水利堪以陞任擬將本官陞
補江西布政使司左布政使管理前項地方事務恭候
命下本部給憑行令到任管事

崇禎陸年正月貳拾肆日

貳拾柒日奉

聖旨是

戶部尚書臣畢自嚴等謹

題爲奉差事竣謹述道路目擊災亂情形仰祈

聖恩速賑緩徵以固腹心事河南清吏司案呈崇禎伍年拾貳月貳拾陸日奉本部送戶科鈔出戶科都給事中許世蓋題稱臣自夏抵河南南陽

天降霖雨陸旬不止平地水深數尺繇裕葉而東有衝去其村落者有衝陷其城廓者百姓葬魚鱉之腹不知幾千人矣秋禾爲水淹飄麥種無地可佈嗷嗷待哺賣兒鬻女幾聚爲人市聞此時又有掘草根而度日者鳩形鵠面之狀生計日促不逃散於四方則展轉於溝壑兼之催科愈迫而死亡無日腹心之患莫甚於此矣懇乞

皇上勅下撫按責令有司徧察饑荒之尤處當徵預徵暫行寬緩急急煮粥賑濟庶小民有續命之膏而元氣或可少存也臣適報

命渡河以北復見懷衛等府一經流寇殘蹂之地十室九空四望蕭條之景煙火斷絕且聞被害諸縣業經兩月錢糧未納分毫亦當施以賑救之

恩恐依山據險之流寇聞風涵入惟有緩徵一法庶安堵者全其命逃竄者招之來不則逃亡之屋空懸而供輸之戶遠遯腹心空虛尤可痛憫懇乞

皇上勅下撫按清察河北各縣逃亡之尤處責令有司惟正之供寬之麥熟預徵之數暫停弗行此又保民固本之方而帝王用一緩二之術也又如宗祿充餉一事去任撫臣郝士膏欲博倖括急公之名計無所出察遠年宗祿餘剩之虛數類括以報

皇上不知胥日遠歲深入亡戶絕之欠數竟非見貯在庫之實銀乞

皇上大沛洪恩將遠年積欠暫爲停止此又培養元氣之一端

也萬一緩徵之後邊餉告急不妨責戶部借

請大僕光祿貳寺銀兩權宜以應俟明年徵輸解到一一償補則腹心固而邊烽又可無慮若乃糲粥賑濟倉穀亦易告乏食之於前者不復繼之於後乞

勅撫按責令有司今後贖罪俱炤市價罰穀入倉以備饑荒賑救仍前收折色銀兩充囊肥己則民命全而吏弊又得以清矣等因崇禎伍年拾貳月貳拾叁日奉

聖旨據奏河南災患情形殊可憫念疏內各款該部看議具奏欽此欽遵鈔出到部送司察得疏內開銷鉛價一款事隸工部應聽該部議覆外及察宗祿充餉一事於崇禎伍年捌月內該河南撫按樊尚燝李日宣會題宗祿餘銀除天啓陸年以前奉
恩詔赦免外自天啓柒年起至崇禎叁年止共算該解部積欠餘祿銀拾貳萬陸千餘兩內將

唐府所蠲祿銀每年貳千柒百貳拾兩見帶貳徵俱賜

恩免

徽府絕祿銀每年叁百貳拾伍兩免其帶徵自今爲始炤舊開徵布政司小麥等項銀壹千捌拾玖兩貳錢難以議免炤舊徵解等因該本部覆奉

俞旨通行欽遵在案察自天啓柒年起至崇禎叁年止實該解部銀拾壹萬叁千捌百貳拾兩除崇禎伍年伍月內解到銀叁萬兩實欠銀捌萬叁千捌百貳拾兩未經解到并疏內緩徵賑饑貳節相應具覆案呈到部該臣等看得中州爲天下之腹民情安危所關不止壹省科臣疏開河以南田廬漂沒及河以北流寇殘毀之狀痛心賊目請蠲請賑皇上亦旣惻然軫念矣臣部以養民爲職者也不能捐廩發粟奉行德意而忍爭此不費之惠哉但河南逼近

畿輔輸納最爲應手前此災疫如息縣等處加派量有減免
近日水荒如重災拾捌州縣議折臨德貳倉拾分之伍無
倉米者減叁釐加派之壹以示同仁次災伍拾柒州縣將
會議貳拾款內才行換帖湊解紙贖貳款恐其濫興詞訟
剝及窮民准與停免俱壹年卽止則是臣部緩急之額未
免稍縮而兩河逃亡之屋徼惠

皇仁亦已侈矣科臣有見於此故於新舊正供不言減免而言
停緩夫緩一分民間受一分之賜停一月民間樂一月之
寬相應

勅下撫按清察河南重災拾分及河北殘破最苦州縣見徵預
徵暫行緩至麥熟開徵先將州縣分數職名開送報部有
司考成亦略視此分別則追呼之寬稍可慰中澤之鳴矣
宗祿充餉一項該撫按屢次核報臣部再四察追其天啓
陸年以前槩已蠲免惟天啓柒年起至崇禎叁年止應行

徵解除伍年解到叁萬兩外尚欠捌萬叁千捌百餘兩自崇禎伍年爲始原限叁年通完收入老庫以備緩急之需似難蠲免但此項銀兩強半拖欠在民合無如科臣所請亦行稍緩將未完者自崇禎陸年爲始仍作叁年徵解則以紓徐爲寬假而蒸黎均荷其賜矣夫軍興方急而在在緩徵臣部豈不爲缺額慮卽科臣亦預代臣部慮而設通融太僕光祿之一策以濟其窮顧越俎每至於角口而止渴難冀於望梅臣部誠萬不得已以仰暢

皇仁而非真有贏餘以爲德於窮乏也至煮粥賑饑自是救荒良法罰贖納穀可佐旦晚盈虛自是良有司實政臣部業已屢行申飭是在撫按司道畱心此項爲官評第一義庶良吏統勸而災民有蘇矣既經科臣條議前來相應覆

請恭候

命下臣部移文河南巡撫及都察院轉行巡按河南監察御史

勘明覆

請施行

崇禎陸年正月貳拾壹日

貳拾柒日奉

聖旨依議

兵部尚書臣張鳳翼等謹

奏爲逆奴入犯情真先事綢繆宜必乞

勅邊臣急操勝算以扼狂氛以固疆圉事職方清吏司案呈近
閱關東塘報節據回鄉之口言奴酋造戰車驗火器製盔
甲修弓矢備糧米點閱牛鹿其西犯也必矣關外剗城薊
昌一帶及宣雲諸處所在當防無所不防則兵分而力薄
奴專窺壹路則兵合而力堅此時戰守機宜間不容髮臣
部不能踰度而

皇上亦久假便宜督撫諸臣計無俟稟成於

廟算當遠偵確探奴之馬步幾何精銳幾何利器幾何我之馬
步精銳利器幾何果一一相當足以制奴之死命則爲之
列堂堂之陣布正正之旗大將援枹六師奮臂功收一戰
雪恥除兇若猶未也仍應堅壁清野以避其朝氣出奇設
伏以擊其情歸目前緊要之圖則在扼絕險隘埋伏空營

積峙芻糧收斂人畜謹防姦細固葺城垣連絡聲援多儲
火器使奴不能得志則饑飽勞佚之數判而勝敗分矣兵
法曰知彼知己百戰百勝此今日制奴之大略也但聞外
軍機變於呼吸事無中制權自外操針芥少差毫釐千里
伏乞

皇上勅邊臣審度情形蚤定大計毋苟安旦夕以致臨事倉皇
封疆幸甚

崇禎陸年正月貳拾陸日

貳拾柒日奉

聖旨奏內事情俱切密備要著卽密行各該督撫鎮道上緊力
圖相機制勝不得空言飭防無裨實計如有疎虞國法不貸
爾部星速馳諭

工部左侍郎臣金世俊謹

奏爲聞言義當引退杜門深恐曠官懇乞

聖明將臣先行解任以無誤冬政事臣孤蹤踽踽親見

堯舜刻苦砥礪竭智畢能以仰圖

報稱苟利

國家遑恤勞怨然以親老身病具疏乞身者數矣屢奉

諭畱

天恩深重雖烏鳥之私甚切而犬馬之戀良深止之而止擬得

間再

請而會有代庖之

命尚書未至右侍郎久臥臣隻身署部印務在肩無可委卸卽

以真苦真病具疏乞休未蒙

允放黽勉從事去冬拾壹月幸尚書周士樸受事臣擔負已弛

卽欲力申前

請而以

聖節屆期萬國

高呼豈其侍從之臣而敢忽然求去政擬新春具疏求遂烏私
而叅疏及矣臣既已被言自宜席藁未敢求去但臣有左
侍郎關防壹顆凡外解錢糧掛號銷號及提督工程俱臣
職掌臣聞言杜門不敢入署恐文移稽閣職業曠廢伏乞
皇上將臣先行解任所有關防壹顆繳送尚書暫收卽簡賢才
以佐冬政容臣束身靜聽

崇禎陸年正月貳拾肆日

貳拾柒日奉

聖旨商賈事情前已有旨金世俊不必遽請解任該部知道

總督京營戎政襄城伯等官臣李守綺等謹

題爲操練伊始軍馬宜調謹列條款以期

聖明採擇事崇禎伍年拾壹月拾柒日該臣等具題前事緣繇
奉

聖旨京營選銳訓練期稍強壯威必立法詳妥方能釐弊振新
本內裁役占估變價恤買補及責成將領察籍賞罰各款有
裨戎務著總提協實心力行併給糧宜覈差徭宜豁器械改
增通著詳議具覆該部知道其酌費票錢貳事還著另行察
議具奏欽此欽遵除各款聽候該部詳議具覆外其酌費票

錢貳事臣等仰遵

明旨備細從長察議得營中標把雪筐梆鈴燈燭水牌釘繩操
冊公文紙張工食并科場考驗布花口糧等項皆營中必
用而不可少之物也既有一物之用卽有一物之價其能
免於費乎府庫竝無別項錢糧可堪應用臣等不但措處

無從又恐官軍借題生擾所以條議項款惟沾沾以此爲
皇上首陳之耳荷蒙

皇上恤軍念重慮有苛求

勅令臣等另行察議渥哉

皇恩拾萬之衆無不手額感奮者然

命臣等曰察曰議或於府庫之外別作撥尋或於緩急之間那

移湊處今察練兵營內派有同寺應解犒賞銀陸千兩此

亦在所必需而陸續通融猶爲稍緩臣等議將此銀以應

前項諸費而營軍之有猾操事故扣除還官之銀抵備犒

賞之數其間有餘不足臣等再作調停但犒賞行於操練

之時卽或練成停賞而前項諸費永不可免則同寺之銀

亦必如膏額解而後可也其各軍所扣還官等銀統俟年

終奏繳一一科算登銷奉聽

皇上裁奪庶幾營軍不必壹文之錢而標把等件自無不備之

用矣至於票錢壹串不在營而在衛衛官管放月糧其實
支文冊執結等項種種瑣繁凡有干涉衙門處處投遞向
原題

准每軍出錢壹拾叁文委不足用而衛官因其不足科歛反多
所以臣等酌量多寡之間奏

請以貳拾文爲率正恐其科歛無一定之數祇以累軍耳蒙
皇上軫恤窮軍不蒙

俞允而今之衛官亦無有不窮乏者安能爲之賠墊乎軍爲
皇上之軍而官亦

皇上之官也爲軍領糧而累及於官官固無所取辦臣等亦無
所撙察不得已每軍議減伍文則壹拾伍文似亦不可缺
者以領糧之際各輸公用之錢衆擎易舉而累不獨在一
官也此外如多索壹文臣等察訪得出定行重治至於所
干涉衙門亦當仰體

聖明軫恤官軍之念各於簡便禁戢稍加意焉是亦不費之惠也春操在即事事將需伏乞

皇上勅下該部酌議具覆以便遵奉施行

崇禎陸年正月貳拾貳日

貳拾柒日奉

聖旨該部酌議具覆

巡按兩關御史臣傳永淳謹

題爲恭報察過關外餉銀馬乾津運收放米豆并拖欠數目
事崇禎陸年正月貳拾日准遼東撫臣會藁開稱崇禎伍
年拾月拾捌日准戶部咨該本部題專理新餉山東清吏
司案呈奉本部送戶科鈔出該臣題前事究擬姦委王沛
澤等侵欠米豆緣繇本年米月初壹日奉

聖旨該部覆議具奏欽此又該巡按兩關監察御史傳永淳會
題前事米月初叁日奉

聖旨已有旨了該部知道欽此欽遵該本部尚書畢自嚴等覆
議具題本年拾月初陸日奉

聖旨邊海錢糧姦委王沛澤等侵蝕動以數千百計法應重懲
示儆乃僅擬配杖承問官好生耽縱姑不究還著駁行該撫
按從重確擬速奏其應追各贓一面嚴行監比勒限完納仍
具完過實數報部以憑稽核并江撫借支米豆著該餉司詳

察有無實據不得朦溷開銷欽此欽遵鈔出到部擬合就行
爲此合咨前去煩爲遵炤

明旨內事理卽將王沛澤等侵冒情罪從重確擬速奏應追各
贓一面嚴行監比勒限完納仍具完過實數報部并江撫
借支米豆著該餉司詳察有無實據不得朦溷一體遵炤
施行等因到臣准此該臣案行寧前道將王沛澤等侵冒
情罪從重確擬速詳以憑具奏應追各贓一面嚴行監比
勒限完納仍具完過實數以憑會報并江撫借支米豆移
會餉司詳察有無實據不得朦溷開銷去後隨據寧前兵
備道僉事降伍級戴罪管事陳新甲呈蒙臣案驗該本道
復將王沛澤等侵冒一案從重確擬招詳具呈一問得壹
名王沛澤年叁拾伍歲山西人繇吏員於崇禎元年捌月
內除授遼東廣寧後屯衛經歷狀招沛澤於崇禎貳年間
與先存今故經歷葛維寧先未被擄倉大使劉本恒俱蒙

錦右糧廳朱通判委在唐家莊收糧沛澤明知海運艱難糧料重務只合經心炤管及時曬晾爲是不合漫不經心怠惰偷安不顧軍前急需致遭雨水汜爛損壞共少米肆百柒拾柒石玖升玖合豆貳千壹拾陸石伍斗肆升比葛維寧性實狠貪行同鼠竊不顧顆粒皆珠一味侵漁作弊共欠米捌百捌石叁斗柒升玖合叁勺豆壹千肆百柒拾玖石貳斗柒升劉本恒不奉部票容情私借盜賣作姦欠正數米陸百石豆叁千叁拾玖石貳斗貳升至崇禎叁年間海運將到劉本恒希圖將新抵舊好得那移出納仍鑽謀糧委與另案問結倉大使葉世萃焦元震劉光源丁應薦經歷徐自新今在官蕭日乾俱充唐家莊委官職司收放徐自新葉世萃焦元震劉光源丁應薦一味營私搬運不逮至本年捌月內逆虜犯搶劉本恒被虜擄去徐自新等各名下糧料燒燬多寡不等乘機冒破濶報侵欺指望

一併開銷當蒙寧前道陳僉事與巡撫丘都御史委理刑
陳推官躬親踏勘再四察覈的確呈蒙巡撫丘都御史題
奉

欽依將徐自新等分別擬徒追贖發落在案徐自新欠米貳千
叁百肆拾肆石壹斗捌升柒合柒勺豆貳千貳石肆斗柒
升葉世萃欠米壹千捌拾貳石肆升叁合豆壹千陸百伍
拾捌石貳斗貳升陸合焦元震欠米柒百伍石肆斗壹
千壹百壹拾柒石貳斗陸升伍勺捌抄劉本恒欠米壹千
叁百玖拾捌石玖斗叁升豆叁千叁百捌拾肆石玖斗劉
光源欠米叁百肆拾石叁斗伍升豆玖百貳拾柒石捌斗
玖升壹合伍勺捌抄丁應薦欠米肆百柒拾捌石捌斗叁
升叁合陸勺在官楊廷元在筆架山收糧已收在岸俱皆
搬運除前招審明外因作搬運腳價欠豆叁千壹百伍石
柒斗肆升玖合玖勺見有腳價未發可以抵算此外蕭日

乾欠米貳百捌石柒斗捌升玖合今已完訖本年玖月內
葛維寧蒙登州撫院調去所欠米捌百捌石叁斗零壹
千肆百柒拾玖石零無從設處却將自備工本煎出鹽斤
詳允抵數當官交與在官經曆察明時變價代陪比伊亦
不合虛應故事不行設法疏通鹽政壅滯至今分釐不納
升合不償另有在官高登科卽高應文李登科不在官已
成獄李登選并先存今故朱夢鯉節年俱蒙前屯糧廳委
在本城與中後所等處分投收糧高登科視軍儲爲兒戲
置官糧於度外爛壞豆壹千肆百陸拾石陸斗捌合已經
該廳呈允責令變價還官高登科不合拖欠逾欺竟不上
納拖延又豆壹百貳拾捌石詐言折耗滿望額外開銷李
登選盜賣官糧百般浪費欠米貳千壹百伍石陸斗柒升
豆捌百伍石柒斗業經該廳門擬監守自盜真犯死罪詳
允待決朱夢鯉欠米壹百玖拾伍石貳斗豆貳百玖拾石

肆斗壹升先該解比病故寧遠監內李登科不合收放不
清欠米叁百拾石壹斗伍升豆壹千柒百叁拾柒石捌斗
柒升又有不在官江顏伊係正武營委官借支前糧廳米
叁千貳百陸拾石肆斗叁升豆貳百陸拾陸石玖斗貳升
已送關內戶部折算尚有補單有車左營先存今故委官
朱登先代各丁預借月米貳百肆拾叁石隨蒙調防塔山
各兵俱在淩河陣沒無從扣抵在官軍匠局委官李亨借
得該廳月米叁拾陸石亦不合不行按月扣還比不在官
婁應科係婁將官親丁奉委守城奉文支米貳拾石不曾
補有紅單再有先存今故火器營委官張學曾借月米貳
百玖拾玖石至今陣亡無處責償在官張應元係中後所
城守營領糧委官亦不合先代各兵名頭借領去米貳百
貳拾肆石有在官陳仲義係中後所遊營委官不合罔上
行私支去米肆百伍拾玖石肆斗玖升豆壹百玖拾柒石

米斗貳升各各掛欠經年營運肥已以致倉廩空虛軍兵
枵腹雖奉憲檄嚴催各委視同故紙致各該廳徹底清察
開揭在案崇禎伍年肆月內蒙本道陳僉事憲票蒙巡關
王御史憲票備仰理刑廳將軍開犯官葛維寧等拖欠官
糧卽擬各犯應得罪名確酌報道以憑轉報等因蒙此該
本廳陳推官行提沛澤等到官研審前情明白察擬內除
徐自新葉世莘劉光源丁應薦焦元震伍員則已經奉

旨發落難以重擬者也李登選則已擬大辟而無可加者也劉
本恒已經被擄無從提究者也朱登朱夢鯉張學業已物
故又無親族難以代擬者也蕭日乾則前欠而今完楊廷
元以腳價抵算皆可免擬者也其餘如葛維寧今雖聞死
於登鎮但前有察明時代其認完卽不能以維寧之罪罪
之一杖亦不能免至王沛澤等除行各原委糧廳炤數勒
限嚴追外或以不謹而致汔爛或因侵耗而致虧欠此倉

委之當擬者也或以支借而折算不清或以冒領而脫鬴不償此營委之當擬者也在不謹者擬徒無俟再計查明時原以代認薄杖其餘倉委徐自新等詐作損失已經燒糧

欽案發落惟高登科等侵耗缺額以監盜律擬營委支借陳仲義張應元等各以冒支律議李亨欠數比應元不及相應末減擬杖招解到道覆審無異該本道看得糧料係貔貅續命鐵騎騰飽之資豈供猴冠侵漁與魍魎盜鬴之物如崇禎貳年分經歷王沛澤鑽委收糧與船戶通同插和致汜爛米肆百柒拾柒石零豆貳千壹拾陸石零屢比未見完納所當按律擬徒仍勒限追比者也經歷葛維寧狼貪無厭監盜米捌百捌石零豆壹千肆百柒拾玖石零免脫登州而以其煎鹽託經歷查明時變價代償維寧死否未確所當責令明時炤數陪補而明時亦不能無罪者也大

使劉本恒虎視益恣監盜米陸百石豆叁千叁拾玖石零
 未已也又鑽充叁年分糧委至本年捌月內逆奴犯錦燒
 燬糧料本恒被擄除應開銷外尚欠米壹千叁百玖拾捌
 石零豆叁千叁百捌拾肆石零本恒雖死有伊叔劉光源
 共事所當責令光源設法賠償者也至如叁年分經歷徐
 自新等燒糧一案已經奉

旨察明分別徒贖惟自新所欠米貳千叁百肆拾肆石零豆貳
 千貳石零葉世萃欠米壹千捌拾貳石零豆壹千陸百伍
 拾捌石零焦元震欠米柒百伍石零豆壹千壹百壹拾柒
 石零劉光源欠米叁百肆拾石零豆玖百貳拾柒石零丁
 應薦欠米肆百柒拾捌石零楊廷元欠豆叁千壹百伍石
 零蕭日乾欠米貳百捌石零內蕭日乾已完似應免擬楊
 廷元有腳價可抵已奉

旨免擬而徐自新等既已擬罪所當炤數勒追者也此錦糧廳

所屬猴冠侵漁之確案也如天啓末年分小委高登科卽
高應文膽大包身與船戶通同貓鼠非折乾則插和以致
該廳呈報變價豆壹千肆百陸拾石零迄今抗納又侵盜
貳年分豆壹百貳拾捌石希圖折耗開銷又小委李登科
素慣鼠竊侵盜米叁百拾石零豆壹千柒百叁拾柒石零
貳犯所當以雜犯擬徒仍炤數追補者也又問擬真犯死
罪斬罪犯人李登選侵盜米貳千壹百伍石零豆捌百伍
石零旣已成獄所當勒限追還者也又領糧委官張應元
假公濟私冒支米貳百貳拾肆石陳仲義冒支米肆百伍
拾玖石零豆壹百玖拾柒石零李亨冒支米叁拾陸石掛
欠經年不納參犯所當分別徒杖仍炤數追陪者也他如
關內正武營委官江顏借支米叁千貳百陸拾石零豆貳
百陸拾陸石零察係貼防關外借支原非侵冒見行關內
餉司銷算如崇禎元年委官朱夢鯉冒支米壹百玖拾伍

石零豆貳百玖拾石零雖以追比斃獄仍應責令家屬陪償如叁年分車左營委官朱登代各兵預借月米貳百肆拾叁石今登與各兵俱登鬼錄相應開銷又婁將官親丁婁應科等支米貳拾石察係奉文守城給與原非冒支相應開銷又元年分火器營委官張學借支各兵月米貳百玖拾玖石業已陣亡且係借支相應開銷此前糧廳所屬翹翹盜竊之確案也除寧糧廳所屬另文申報外既經理刑廳分別招擬前來理合呈報題

奏施行緣繇呈詳巡撫方都御史蒙批糧料關係軍儲各蠹侵耗至此殊可痛恨第侵耗果止此數所擬果否當辜各犯是否俱在關外刻下作何究追事干題

奏尤宜慎詳仰該道覆核速報蒙此該本道遵行復察覈實詳報間又蒙本院憲票炤得王沛澤等一案原奉

旨提追議補據該道呈詳招繇到院並未說明各犯果否提到

曾否追陪若干所欠米豆作何議補礙難含糊具

奏除批行覆覈去後係干

欽件不便久稽仰道察炤先今事理覆加詳覈妥確報院以憑

覆核具

奏等因蒙此遵該本道復察看得犯官王沛澤等拖欠軍儲
察數已確見今本道逐月親比或有已經追完者或有半
追上納者或有自備工本煎鹽抵償者或有自備車牛屯
種完補者或有先擬大辟而難以遽追者或有被虜擄去
而責之親屬陪償者或有營兵借支追後陣亡無從扣還
者或有見斃杖下而無親屬代完者總之此輩或係猴冠
或係白丁先年鑽委收糧恣行花費積累數年蹴難完納
其各犯罪名相應炤刑廳議擬仍姑寬一面俟本道設法
追陪非刻期所能歸結者再察經倉徐自新葉世萃等伍
員業已奉

旨發落難以重擬餘犯罪名既定合請本院一面先行會

題一面本道比追完納至於拖欠糧料確數并續完未完應

銷應豁者款項繁雜難入詳文另造簡明清冊呈送憲裁

庶

欽件不致久稽而錢糧續有歸著除呈詳關院會

題外緣繇呈詳巡撫方都御史蒙看得

國家竭海宇物力多方飛輓以餉嚴邊戍士不啻參拾鍾而

致壹石乃王沛澤等以姦胥市棍濫廁冠裳跡已類於沐

猴至其營充倉委恣意侵漁欲遂同於谿壑汜耗數各千

百按律追擬何辭所當炤數嚴追責令賠償完日分別發

落者也李登選雖已擬辟罪無可加所侵米豆仍應嚴比

江撫察係貼防借支業經關內銷算朱登張學代兵預領

念俱死事應與奉文守城之婁應科姑准開銷業經察核

詳明謹備造奏揭恭呈

御覽等因本年柒月初壹日會同巡按傳御史具題奉

聖旨該部覆議具奏欽此又該巡按兩關傳御史會題前事柒

月初叁日奉

聖旨已有旨了該部知道欽此欽遵戶科鈔出到部送司案呈
到部蒙戶部覈議看得寧錦糧料水輓陸輸不知費幾許
物力幾許跋涉誠不啻粒粒民膏顆顆軍命也姦委王沛
澤等罔顧法紀恣行侵蝕或以千計或以百計以有限之
邊儲供羣姦之耗蠹雖間有監盜侵冒汔損之不同而按
律追擬各有應得情罪無容寬假者也除徐自新葉世萃
劉光源丁應薦焦元震既經另案奉

旨分別徒贖發落難以重擬李登選擬辟盡法劉本恒既經被
擄朱登朱夢鯉張學俱經物故法無可加外其王沛澤以
主守擬徒高登科李登科以監盜擬徒陳仲義張應元以
冒支擬流李亨查明時姑從杖懲是否情罪盡協法律允

符事關刑名應令刑部再行確覆惟是侵欠米豆除蕭日
乾欠米貳百捌石追陪已完楊廷元欠豆叁千壹百伍石
腳價可抵并江顙借支米叁千貳百陸拾石豆貳百陸拾
陸石行令關內餉司銷算又朱登借支月米貳百肆拾叁
石張學借支月米貳百玖拾玖石業皆陣亡妻應科等領
米貳拾石原係奉文守城給與以上借欠米豆應如撫按
議姑准開銷外如貳年分委官經歷王沛澤浥損米肆百
柒拾柒石玖升玖合豆貳千壹拾陸石伍斗肆升查明特
代認葛維寧監盜米捌百捌石叁斗柒升玖合叁勺豆壹
千肆百柒拾玖石貳斗柒升劉本恒欠米陸百石豆叁千
叁拾玖石貳斗貳升又叁年分欠米壹千叁百玖拾捌石
玖斗叁升豆叁千叁百捌拾肆石玖斗徐自新欠米貳千
叁百肆拾肆石壹斗捌升柒合柒勺豆貳千貳石肆斗柒升
葉世萃欠米壹千捌拾貳石肆升叁合豆壹千陸百伍拾捌

石貳斗貳升陸合焦元震欠米柒百伍石肆斗豆壹千壹
百壹拾柒石貳斗陸升伍勺捌抄劉光源欠米叁百肆拾
石叁斗伍升豆玖百貳拾柒石捌斗玖升壹合伍勺捌抄
丁應薦欠米肆百柒拾捌石捌斗叁升叁合陸勺天啓柒
年小妾高登科欠豆壹千肆百陸拾石陸斗捌合又侵盜
貳年豆壹百貳拾捌石李登科侵盜米叁百壹拾石壹斗
伍升豆壹千柒百叁拾柒石捌斗柒升李登選侵盜米貳
千壹百伍石陸斗柒升豆捌百伍石柒斗又領糧委官張
應元冒支米貳百貳拾肆石陳仲義冒支米肆百伍拾玖
石肆斗玖升豆壹百玖拾柒石柒斗貳升李亨冒支米叁
拾陸石元年朱夢鯉冒支米壹百玖拾伍石貳斗豆貳百
玖拾石肆斗壹升以上應追米豆共叁萬壹千捌百壹拾
壹石捌斗零據道臣陳新甲詳稱逐月親比或有已經追
完或有半經上納或有自備工本煎鹽抵償或自備車牛

屯種完補夫以侵餉積姦而聽其農商射利從容議補已屬寬政所當

勅令該道督同各該管糧官嚴行監比勒限完納并各犯紙贖工價米價共銀肆拾伍兩壹錢一併追完報部充餉庶數萬石緊急軍儲不致遂成烏有徒貽經年不結之案也既經撫按具題前來相應覆請恭候

命下臣部移文該撫按將各犯應追米豆依限追完奏奪施行等因崇禎伍年玖月貳拾陸日具題本年拾月初陸日奉聖旨邊海錢糧姦委王沛澤等侵蝕動以千百計法應重懲示儆仍僅擬配杖承問官好生飭縱姑不究還著駁行該撫按從重確擬速奏其應追各贓一面嚴行監比勒限完納仍具完過實數報部以憑稽核并江撫借支米豆著該餉司詳察有無實據不得朦朧開銷欽此欽遵鈔出到部備咨到院准

此案仰該道遵炤

明旨將王沛澤等侵冒情罪從重確擬速詳以憑具奏應追各
賊一面嚴行監比勒限完納仍具完過實數報院以憑會
報并江撫借支米豆移會餉司詳察有無實據不得朦朧
開銷一體遵炤施行等因本年拾貳月初叁日又蒙本院
案驗催同前事該本道遵卽復提王沛澤等到官細加覆
審併移文餉司詳察江撫借支米豆俱各察明在案該本
道看得邊海錢糧真民間之膏血而行間之命脈也王沛
澤等侵漁動經千百本道每一追比恨不食其肉而寢處
其皮敢自耽縱以長姦當日據刑廳招擬王沛澤僅擬王
守不謹徒罪者以其見有汜爛米貳百石汜爛豆玖百叁
拾石在囤也高登科李登科雖有監守自盜之律而又僅
以雜犯擬徒者也陳仲義張應元則所引冒支軍糧計贓
准竊之律也查明時李亨僅擬杖者以明時代人承管而
非其侵欺李亨冒支僅叁拾陸石故姑從末減也今奉從

重確擬之

旨復該本道按律擬議如王沛澤原欠米肆百柒拾柒石玖升玖合雖有浥爛米貳百石餘尚少貳百柒拾柒石零非其侵欺乎原欠豆貳千壹拾陸石伍斗肆升雖有浥爛豆玖百叁拾石餘尚少壹千零捌拾陸石伍斗肆升非其侵欺乎時僅追完鹽銀壹百肆拾叁兩叁錢尚不及拾分之壹所當改擬真犯死罪奏

請定奪者也如李登科原欠米叁百壹拾石壹斗伍升今止追完拾壹石貳斗伍升尚少欠米貳百玖拾捌石玖斗原欠豆壹千柒百叁拾柒石捌斗柒升今止追完叁百柒拾壹石伍斗尚少豆壹千叁百陸拾陸石叁斗柒升亦當改擬真犯死罪奏

請定奪者也如高登科雖欠豆壹千肆百陸拾石陸斗捌合察係元年分已該前任通判程崙申詳前道畢自肅每石准

變價伍分在案共該銀柒拾叁兩叁分今已追完壹拾肆兩尚欠伍拾玖兩叁分又高應文卽高登科原欠豆壹百貳拾捌石今已追完銀折豆玖拾伍石貳斗叁升尚欠豆叁拾貳石柒斗柒升前擬雜犯准徒刺配伍年似無可加相應炤舊陳仲義原欠米肆百伍拾玖石肆斗玖升今已追完壹百柒拾柒石柒斗伍升尚少米貳百捌拾壹石柒斗肆升原欠豆壹百玖拾柒石柒斗貳升今已追完玖拾陸石尚少壹百壹石柒斗貳升前以冒支擬徒律無可加但應改擬有力折贖張應元原欠米貳百貳拾肆石冒支之律已盡其罪且米又追完相應炤舊稍力徒贖至經歷查明時代認葛維寧原欠米捌百捌石叁斗柒升玖合叁勺今已如數追完原欠豆壹千肆百柒拾玖石貳斗柒升今俱如數追完有實收在卷雖代認不能無罪姑念所欠盡已完納相應炤舊擬杖至李亨冒支糧僅叁拾陸石且

又追完亦應炤舊杖做至於正武步右營委官江慙及察
該營於崇禎貳年貼防關外共原借米叁千貳百陸拾石
肆斗叁升豆貳百陸拾陸石玖斗貳升拾月分應支米壹
千伍拾伍石豆捌拾壹石陸斗拾壹月分應支米壹千伍
拾伍石豆柒拾柒石柒斗貳升拾貳月分應支米壹千伍
拾伍石豆捌拾石肆斗業卽移會關內餉司詳察有無實
據去後隨准餉司王鰲永回稱江慙支領崇禎貳年拾月
拾壹月拾貳月米豆關內前餉司刁化神任內竝未開銷
只有拾月分米豆係前任刁餉司給單坐註關外杏林倉
關支及察關內報冊明註本司給單關外開銷其拾壹月
拾貳月米豆竝無冊領到部總未開銷總之此營冬季叁
箇月關內竝不開銷應於支領處關外詳請補銷爲是等
因到道准此隨該本道覆核得正武步右營委官江慙原
屬關內後因貼防關外就便借支米共叁千貳百陸拾石

肆斗叁升豆貳百陸拾陸石玖斗貳升內除拾月應支米
壹千伍拾伍石豆捌拾壹石陸斗拾壹月米壹千伍拾伍
石豆柒拾柒石柒斗貳升拾貳月米壹千伍拾伍石豆捌
拾石肆斗關內以關外之米未報關銷關外以關內之營
亦未報銷今已反覆詳察有據似應關外餉司照數開銷
並無濶冒情弊其餘欠米玖拾伍石肆斗叁升豆貳拾柒
石貳斗業已追完還倉在案至於被虜劉本恒欠貳年分
米陸百石叁年分米壹千叁百玖拾捌石玖斗叁升已責
伊叔劉光源代陪完過米捌百伍石已經放營訖又詳允
咨部被虜燒燬米伍百伍拾伍石伍斗又奉文變價囤底
泡爛米伍百柒拾陸石玖升伍合每石貳錢伍分共銀壹
百肆拾肆兩零貳分叁釐柒毫伍絲又追完米陸拾貳石叁
斗叁升伍合原欠貳年分豆叁千叁拾玖石貳斗貳升叁年
分豆叁千叁百捌拾肆石玖斗內詳允咨部被虜燒燬豆

貳千陸百壹拾玖石伍斗又奉文變價囤底浥爛豆壹千伍百玖拾石每石肆分共銀陸拾叁兩陸錢又追完豆貳千貳百壹拾肆石陸斗貳升以上本恒前後所欠米豆除開銷變價外餘盡責光源追陪完訖取有實收在案餘各犯所欠米豆已該本道每月叁比如再追完另行續報外除蕭日乾楊廷元炤舊免擬徐自新葉世萃劉光源丁應薦焦元震另案奉

旨已結李登選已辟劉本恒已虜朱登朱夢鯉張學已故炤舊免擬外今將王沛澤等取問罪犯外結得每銀壹兩值鈔捌拾貫招結是實陸名高登科年肆拾柒歲李登科年貳拾捌歲俱前屯衛人陳仲義年伍拾歲中後所人張應元年肆拾歲山西人李亨年叁拾陸歲寧遠人查明時年肆拾歲南直人各招同貳名蕭日乾年叁拾伍歲楊廷元年叁拾玖歲俱南直人各供同一議得王沛澤李登科所犯

俱合依侵盜沿邊沿海錢糧肆百石俱炤本律監守自盜者斬真犯死罪奏

請定奪高登科依監守自盜併計贓論罪肆拾貫律斬係雜犯准徒伍年陳仲義張應元俱依冒支軍糧入己者准竊盜論壹百貳拾貫罪止免刺各杖壹百流叁千里李亨查明時俱依不應得爲而爲之事理重者律杖捌拾俱有

大誥減等各杖柒拾王沛澤李登科追糧完日另候處決高登科係初犯於右小臂膊刺盜官糧叁字炤徒年限發衝要驛遞擺站滿放陳仲義杖玖拾徒叁年審有力炤例折納工價贖罪張應元杖玖拾徒貳年半審稍有力炤例折納工價李亨查明時各審有力炤例納米贖罪完日與供明蕭日乾等各省發監候伏候招詳允示施行一炤出王沛澤李登科係重犯高登科係雜犯各免紙陳仲義張應元李亨查明時各該官紙銀叁錢陳仲義該贖罪銀拾兩捌

錢張應元該贖罪工價銀玖兩李亨查明時各該米價銀
叁兩伍錢俱追收貯庫候文支銷仍於王沛澤名下比追
米玖拾柒石玖斗柒升玖合豆壹千零捌拾陸石伍斗肆
升爛米貳百石爛豆玖百叁拾石李登科名下追米貳百
玖拾捌石玖斗豆壹千叁百陸拾陸石叁斗柒升高登科
名下追米折銀伍拾玖兩零叁分又追豆叁拾貳石柒斗
柒升陳仲義名下追米貳百捌拾壹石柒斗肆升豆壹百
零壹石柒斗柒升其江賴米叁千貳百陸拾石肆斗叁升
豆貳百陸拾陸石玖斗貳升已經察明似應關外餉司炤
數開銷餘無再炤等因到臣據此該臣覆看得糧料關係
軍需

律令尤嚴邊海姦妄王沛澤等甘爲雀鼠恣意侵漁雖多寡數
或懸殊按法均宜重創察王沛澤侵欠米豆共壹千叁百
餘石李登科侵欠共壹千陸百餘石貪腹已盈屢追未納

改從大辟尤屬非辜高登科未完無幾律應刺配陳仲義姑改有力折贖示懲張應元查明時李亨業已全完杖似非縱江慙以駐防就近支領關內原未開支委無濶冒應准銷算劉本恒身雖被擄所欠如遭虜燒燬及汜爛變價俱已察明業經咨部應准開銷其應追者業責劉光源代償已經完納應與已故之朱登朱夢鯉張學姑免議除未完各數嚴限追比外等因到臣等謹遵從重確擬

明白會同巡撫遼東寧錦等處地方提督軍務兼管備倭都察院右僉都御史方一藻據法改擬具

奏伏乞

皇上勅下該部覆核施行

崇禎陸年正月貳拾肆日

貳拾柒日奉

聖旨該部知道

巡按兩關御史臣傅永淳謹

奏爲遵

旨回奏事崇禎陸年正月貳拾日准薊遼督臣會藁開稱據密雲道兵備副使降貳級馮師孔呈爲恭報主兵助修水決工程事蒙總督傅右侍郎憲票前事卽察西協主兵助修工程果否堅整定限文到伍日取結據實呈報以憑會奏等因又蒙巡關傳御史憲牌同前事又准監視鄧太監移會前事該本道隨移西協協守副總兵睦自強察明去後今准該協會稱遵卽備行各路察報去後今據牆子路參將王世國呈稱行據兩關提調曹尚仁周家謨各回稱察得提屬沿邊關口主兵助修邊城及各項水決工程俱如式修完堅固竝無草率擬合呈報又據曹家路都司鍾鳴高報稱察得本路主兵參百零壹名本年春防助修貳等軌城壹拾肆丈參等石城壹拾壹丈又吉家莊主兵伍拾

貳名修築欄馬石牆貳拾玖丈伍尺并各處工程作木壕塹俱各通完堅固擬合呈報又據古北路叅將石柱國報稱行據守提古道行等回稱崇禎伍年分主兵助修沿邊被水淋衝工程等項炤依原開數目逐一勘明俱各堅整擬合呈報又據石塘路叅將曹存性報稱察得本路主兵助修沿邊關隘被水衝決券洞橋城月牆壕塹品坑石城等工及安設柵木地簽等項俱各堅整如法擬合呈報各緣繇具結到協會覆到道准此察得夏秋之交虜警正殷大雨淋漓各路城垣壕塹衝圯之報狎至本道奉檄駐石塘督催肆路應築者築應鑿者鑿應葺壘者葺壘應安設者安設俱已次第告成今復行察勘堅整饒倍往歲牖戶綢繆良足以禦侮矣擬合詳覆等因到臣據此卷察先准兵部咨該薊遼總督曹文衡題前事等因奉

聖旨這主兵助修工程果否堅整著新督臣同監按察明具奏

該部知道欽此欽遵備咨前來隨牌行密雲道確察去後今據前因該臣察得去秋霖雨為災邊工所在告圯隨圯隨補主兵之力居多覆察俱果完牢足資保障臣等冬春巡閱亦時時目擊之諸弁固未敢草率以干大法也既經該道察明詳覆前來等因到臣臣謹會同監視薊鎮西協糧餉兵馬邊牆撫賞等事

御馬監太監鄧希詔總督薊遼保定等處軍務兼理糧餉經略禦倭兵部右侍郎兼都察院右僉都御史傅宗龍合詞具

奏伏乞

聖明垂鑒焉

崇禎陸年正月貳拾肆日

貳拾柒日奉

聖旨該部知道

大學士臣吳宗達謹

奏爲

天恩至渥臣力已窮圖報無能瘵曠滋懼謹再申前
請以祈

允攷事臣以庸愚衰病具疏乞休字字惓誠毫無矯飾伏蒙
溫旨諭畱卽日

批答臣叩頭恭誦可勝感激夫葵藿傾陽犬馬戀主異類且然
臣具有心知何愛膚髮顧臣於此思之最熟矣凡人臣有
才而不爲國家用非忠也明知無可用之才而尸位素餐
不自引退幾以國事爲僥倖尤不忠之大者也臣蒙

皇上拔置政地不爲不久矣使果有遠識殊能足裨幹濟必且
裕儲振武水旱盜賊之無虞吏稱民安刑罰催科之不擾
而今皆未能也四郊多壘一夫不獲古人引以爲恥爲辜
密勿之臣自當首受其責毋容旁諉也且政幾至重喉舌出

納動關善敗安危原非可嘗試而臆決者伏觀我

皇上聰明睿智首出千古每

發一謀揆一策片言隻字之間猶必

詳審再三折衷至當故如絲如綸萬里誦

明明后焉臣之庸愚卽千慮何有一得而沈年齒久衰形神交

瘁世未有職在看詳章奏之官目不能視手不能書心不

能思而可望披閱無誤擬議得宜勝其任爲愉快者才苦

日少病苦日多

天實限之臣亦無如之何矣夫力田必傭疆以治室必任工師若

惰農之蕪萊不勤拙匠之輪奐無色卽欲貪冒廩餼苟延

時日主者逐之惟恐弗速矣

皇上自爲

社稷計宜令敏才強幹之賢當濟蹇亨屯之任治効日臻將

端拱受成焉真庸真病如臣旣無能佐時艱而分

睿慮三禡之反豈待臣自

請哉臣再瀆

宸嚴無所逃罪然竊附於辭榮避祿推賢讓能之義亦所以効

忠於

陛下也伏祈

聖明垂鑒立

賜罷斥臣雖不能樹績於當官猶庶幾蓋愆於末路感荷

鴻恩沒齒弗諉矣

崇禎陸年正月貳拾陸日

貳拾捌日奉

聖旨卿忠誠匪懈才優幹濟昨諭畱已明何乃復有此請豈朕
所望機務殷繁著遵旨即日入直以慰眷倚慎勿少延該部
知道

戶部尚書臣畢自嚴等謹

題爲寧兵慣諱成習逃回鎮城事邊餉司案呈崇禎伍年拾貳月貳拾壹日奉本部送戶科鈔出山西巡按監察御史李嵩題前事內稱據山西按察司呈蒙前巡按羅御史案驗奉都察院勘劄准兵部咨職方清吏司案呈崇禎伍年貳月貳拾玖日奉本部送兵科鈔出山西巡撫宋統殷題前事本年貳月貳拾柒日奉

聖旨前劉允中疏稱餉缺兵諱宋統殷又說多方措餉供給無缺是否實情著羅世錦察明具奏餘已有旨了該部知道欽此本日又奉本院勘劄准戶部咨同前事俱移咨備劄羅御史依奉案行本司蒙此於肆月初伍日移行寧武等道察議去後續准寧武道副使胡沾恩回稱行據忻州申稱察得領兵白臣等官肆拾貳員軍丁貳千壹百伍拾名共支米叁拾叁石伍斗壹升馬柒百玖拾伍匹共支料貳拾

叁石捌斗伍升草柒百玖拾伍束往返炤單支給並未缺
餉靜樂縣申稱察得正月內汪將官兵回縣壹日而給貳
日之糧草續蒙巡寧道票又給柒日糧草倏聞鼓譟北回
後有寧兵劉敏元領兵至給糧草貳日聞東鄉百姓報警
亦擁北回因賊發兵而官兵畏賊皆散徒支若許錢糧未
效一臂捍禦今蒙行察委無缺餉各緣繇又准守南道副
使潘光祖回稱行據臨縣申稱卷察孫總兵領官肆拾貳
員軍丁貳千壹百玖拾捌名到縣支過行糧貳日共支米
壹拾叁石叁斗伍合銀壹百叁拾柒兩捌錢捌分馬柒百
玖拾陸匹支豆壹拾伍石陸升銀肆拾貳兩伍錢壹分
草陸百玖拾肆束銀壹拾肆兩壹錢肆分除支貳日行糧
外收過犒賞折色銀叁拾兩俱取有領狀在卷又據永寧
州申稱孫總鎮兵馬經過本州支過米貳百玖石叁斗柒
升豆壹百捌拾石貳斗叁升貳合草肆千陸百貳束又米

折銀肆百貳拾肆兩肆錢肆分豆折銀壹百玖拾貳兩壹錢叁分捌釐草折銀柒拾柒兩玖錢捌分又寧鄉縣申稱察得孫總鎮領兵千總劉進忠等官伍拾叁員軍丁貳千貳百柒拾肆名馬捌百肆拾伍匹支米叁拾石捌斗壹升豆叁拾玖石壹斗壹升草捌百肆拾伍束又支折色銀貳百玖拾陸兩貳分肆釐又准巡寧道副使張廷玉回稱行據陽曲縣申稱察看得孫總鎮下標營都司劉敏元帶回親丁柒拾叁名馬貳拾叁匹繇本縣經過共支米貳石叁斗肆升共支豆壹石叁斗捌升草肆拾陸束隨到隨給炤票支應訖並無缺餉短少又據交城縣申稱察得孫總鎮領官肆拾貳員軍丁貳千壹百玖拾捌名共計叁日官軍貳項共支米壹百貳石陸斗玖升馬柒百玖拾陸匹每匹日支豆叁升草壹束共支豆柒拾壹石陸斗肆升共支草貳千叁百捌拾捌束又據徐溝縣申稱察得孫總鎮於本

年伍月拾伍日繇縣經過竝無支給糧料草束原無缺乏
又據祁縣申稱察得孫總鎮信牌差官兵壹拾貳員名繇
縣經過支用行糧米貳斗壹升料豆貳斗壹升草束束又
據崞縣申稱察得寧武孫總鎮帶領委官解聖學等征南
官兵貳千壹百柒拾員名計支叁日共支米玖拾玖石伍
斗肆升馬羸柒百捌拾匹頭共支豆柒拾石貳斗草貳千
叁百肆拾束又據嵐縣申稱隨察孫總鎮繇縣經過領官
兵壹千伍百玖拾叁員名馬柒百捌拾匹支糧料肆日支
米玖拾柒石柒斗陸升豆玖拾貳石玖斗貳升草叁千壹
百貳拾束又折支壹日銀陸拾貳兩叁錢叁分領兵官白
臣領兵叁百壹拾貳員名馬壹百伍拾叁匹計支貳日米
玖石陸斗陸升豆玖石壹斗捌升草叁百陸束炤單俱已
支訖又准巡東道左布政使呂遜回稱行據平陽府呈稱
據靈石縣申稱官軍南北往回支米肆拾石壹斗壹升豆

肆拾柒石伍升草壹千伍百陸拾伍束竝無缺乏又據霍
州申稱官軍南北往回及住貳拾日支米壹百肆拾柒石
玖斗貳升柒合豆貳百貳拾陸石玖斗捌升草柒千陸百
肆拾束竝無缺乏洪洞縣申稱官軍支米壹百壹拾叁石
玖斗捌升伍合豆壹百叁拾柒石貳斗貳升草叁千叁拾
玖束竝無缺乏臨汾縣申稱官軍支米陸拾柒石肆斗伍
升伍合豆壹百壹拾捌石捌斗草伍千叁百貳拾捌束烘
炒叁拾捌石又支糧料草束折色銀壹百貳拾伍兩玖錢
捌分捌釐竝無缺乏蒲縣申稱官軍支米貳百壹拾陸石
貳斗貳升伍合豆壹百陸拾伍石捌斗玖升草肆千玖百
玖拾捌束竝無缺乏大寧縣申稱官軍支米玖拾陸石柒
斗貳升豆玖拾石捌斗柒升草叁千貳拾肆束竝無缺乏
吉州申稱官軍支米叁拾柒石伍斗陸升豆叁拾伍石壹
斗叁升草壹千壹百陸拾肆束又在鄉寧縣支本州銀糴

米肆拾捌石叁斗陸升竝無缺乏鄉寧縣申稱官軍支米
柒拾石伍斗壹升伍合豆伍拾捌石陸斗肆升草貳千貳
百捌拾捌束毫無缺乏河津縣申稱官軍支米貳百伍拾
玖石肆斗肆升豆貳百伍拾柒石貳斗捌升草捌千壹百
叁拾柒束竝無缺乏萬泉縣申稱官軍支米壹百貳拾玖
石肆斗貳升豆壹百叁石捌斗草叁千肆百陸拾束竝無
缺乏猗氏縣申稱官軍支米肆拾捌石玖斗玖升豆肆拾
陸石叁斗捌升草壹千伍百肆拾陸束竝無缺乏夏縣申
稱官軍支米肆拾肆石陸斗伍合豆貳拾壹石玖斗肆升
草叁千玖拾叁束竝無缺乏聞喜縣申稱官軍支米壹百
壹拾叁石豆捌拾捌石草伍百壹拾束竝無缺乏絳州申
稱官軍支米壹拾伍石伍斗豆貳拾捌石玖斗草壹千捌
百貳拾陸束竝無缺乏等因到道各回到司該本司署印
左布政使甯道立彙看得欲鼓勦防之敵愾必先士馬之

飽騰孫總鎮之提兵而南也應需芻餉無論奉本院再三之憲檄各州縣不敢違悞取究即使怠若職而不知供窘於力而不能給彼如林如虎之旅肯聽之乎今據各州縣申報米豆有數目本折俱分明想所經郡邑靡不饜所欲而往矣矧餉司貳月間發給肆年分拾箇月糧銀叁萬伍千兩有奇亦足內贍家口外裹餵糧乃無端譁潰何爲者哉業已潰矣舍糧草缺乏題目有大於此者耶借題目以聳聽聞以撫罪過併以陷主將寧武兵之機智已熟徒令人撫膺浩嘆耳不然主客兵將南北軍丁是非壹營胡至寧武兵而偏稱乏絕也除徐溝縣未支糧草察明速報去後續據徐溝縣申稱本縣伍月間以前彼時遵蒙省城門禁仍置檔木等項嚴加晝夜防範流寇逃兵間蒙孫總鎮於本年伍月拾伍日因城門關閉從縣西關外正路徑過竝無進城亦無差人支給糧料草束本縣預備時不敢悞

等緣繇具申到府呈報到司據此該本司署印左布政使
嘗道立看得孫總鎮統兵馳援自省而南捌拾里爲徐溝
縣未有軍馬行捌拾里不需糧芻者也未有閉門拒阻不
一索討肯從城外徑過者也彼之失誤供應自吐已明署
印太原前衛經歷張駿烈之罪可勝誅乎但彼時兵將俱
無後言苟可相安似亦無容深求矣等緣繇呈報到臣據
此看得逆賊縱橫以來征勦官兵接踵而至各州縣措辦
糧料無非欲士馬飽騰冀收滅賊之效也維時原任總兵
孫顯祖統兵南下所至郡邑皆稱供應無缺卽各軍借口
內顧餉司又有月糧給發豈非贍家之資乎總之寧兵狡
悍假此以飾譁逃之習耳近據寧武道呈報譁軍首惡已
誅陸拾壹人從此或可稍戢驕風乎至於孫顯祖劉敏元
另奉有勘議之

旨見今按察司勘問俟詳到日另

奏其徐溝縣兵曾經過卽飾言未支糧料不過欲掩其失悞之愆耳彼時署印太原前衛經歷張駿烈惡能無罪雖云兵無後言亦當量處者也等因拾貳月貳拾日奉

聖旨該部覈議具奏欽此欽遵鈔出到部送司除總兵孫顯祖劉敏元應俟該撫回

奏聽兵部議覆外其缺餉事情相應察覆案呈到部該臣等看得自流寇發難以來晉中官兵一無足恃怯於辦賊勇於索餉所過州縣一聞兵到無不竭髓血以飽懽心明知

御批

聖旨

不能殺賊但恐官兵藉口糧缺以重其罪戾耳至寧武之兵尤慣用此故智者今察在餉司發過安家銀叁萬伍千餘兩在各州縣給過糧料草束各有冊卷數目明明供億無缺矣而寧兵之卸過於地方自飾其譁逃之習者不顯然耶除孫顯祖劉敏元另聽兵部勘議外其首惡兵丁就誅者已允當厥辜矣祇有徐溝縣署印經歷張駿烈坐視

援兵經過城外閉門自守不聞供應雖各兵幸無後言實難免違玩之咎所當炤違悞軍興之例革職爲民者也既經按臣察明具奏前來相應覈議覆奏恭候

勅下吏部將經歷張駿烈炤例議處施行

崇禎陸年正月貳拾叁日

貳拾捌日奉

聖旨吏部知道大臣體國急公文武軍民俱應一視本內竭髓血以飽懽心是何語以後還宜慎覈

戶部尚書臣畢自嚴等謹

題為募造支用將盡改餉委難收還懇乞

聖明初部的議撥給以信

明旨事邊餉司案呈崇禎伍年拾貳月拾柒日奉本部送戶科鈔出大同監視御馬監太監劉文忠題前事內開崇禎伍年正月初肆日准戶部咨該戶科鈔出宣大總督張宗衡題前事等因奉

聖旨這銀兩買過馬匹造過器甲是否實在著巡按御史同監視察驗奏來至募造抵扣年例該部前時何不題明卽著酌議具覆欽此欽遵備咨到臣臣謹會同巡按御史胡志藩復行撫道諸臣將募造銀兩買過馬匹打造過軍器用過銀兩一一察明作速送監以憑察驗去後隨據分巡冀北道王則古冊開銀兩數目各委職名到臣該臣察得督臣所

請募造銀貳萬兩給發各委官蘇元等共領過銀壹萬柒千伍

百陸拾玖兩柒釐又察得原題疏內開稱見存銀貳千肆
百叁拾兩玖錢玖分叁釐此銀於督臣題奏後又陸續發
給各委買馬及打造軍器修理城守置買物件支用其買
過馬匹造過軍器臣亦炤前察驗內有不堪者亦炤前駁
減前後各項共實用過銀壹萬陸千陸百壹拾叁兩陸錢
貳分叁釐柒毫伍絲都司庫見在未發銀柒百玖拾兩捌
錢貳分肆釐伍毫以上共銀壹萬柒千肆百肆兩肆錢肆
分捌釐貳毫伍絲各委名下前後減駁下剩銀貳千伍百
玖拾伍兩伍錢伍分壹釐柒毫伍絲共合貳萬之數其駁
減下剩銀兩內有總兵王國靖奉督臣明文畱用打造銀
壹千兩陸錢玖分待造完器械另行銷算其餘應於各委
名下追還伏乞

勅下撫按作速炤數嚴追交還司庫以作正項支銷等因拾貳
月拾伍日奉

聖旨該部知道欽此又該巡按直隸監察御史胡志藩題同前事正月初五日奉

聖旨該部覈議具奏本內各委剩減銀兩著該撫按炤數嚴追交庫作正支銷欽此欽遵鈔出到部通送到司除減剩銀兩卽移文該撫按炤數嚴追外其買用過銀兩相應覈覆案呈到部該臣等看得督臣張宗衡題

請募造銀貳萬兩已於伍年正月內奉

旨抵扣貳年分舊欠年例矣今監視劉文忠會同按臣胡志藩將發過銀兩買過馬匹造過器械并察造作不堪復行駁減價銀備悉開列前件具奏前來臣等逐一覆核共實用過銀壹萬陸千陸百壹拾叁兩陸錢貳分叁釐柒毫伍絲見在都司庫內未發銀柒百玖拾兩捌錢貳分肆釐伍毫各委名下前後駁減下剩銀貳千伍百玖拾伍兩伍錢伍分壹釐柒毫伍絲內有畱用見在打造銀壹千兩陸錢玖

分另行銷算餘應追補以上數目與原發銀貳萬兩項款
相合相應准其銷算應開除者開除應追補者追補同見
在貯庫銀作正支銷既經監視會同按臣題議前來相應
具覆恭候

命下臣部移文該鎮撫按監視一體遵奉施行

崇禎陸年正月貳拾貳日

貳拾捌日奉

聖旨是應補的嚴限追比作正支銷

兵部尚書臣張鳳翼等謹

題爲塘報事職方清吏司案呈奉本部送准山東巡撫朱大典塘報據登州監軍道今戴罪僉事宋之儁報稱本月拾肆日遵令攻城職卽遣官隨撫按兩院監視監護太府各督陣官併本道家丁於拾伍日子時出牆攻打從寅至辰奉令撤兵隨准總鎮金國奇陳洪範鄧玘劉澤清塘報報稱叛逆自連敗歸登將及伍閱月雖賊衆屢戰被斬元兇李九成相繼就殄金鱗可俟然官兵久暴長圍霜雪露處非計且時值春融冰泮賊必出海遯逃准監護高起潛親臨城南相視要地成謀既定復准撫監按道商議僉同糾衆築立砲城逐日用砲迭番攻打以撓賊隨約各鎮官兵帶車梯窰賊釘鑊槍砲火箭噴筒等器俱於本月拾伍日參更時分參面一齊進攻該撫監各道躬督職等及立功總兵吳襄督理攻具副總兵丘磊併各鎮營領兵副參遊

都等官親率官兵奮勇直抵城下雲梯俱已豎起城上賊用砲銃火箭火罐矢石交下如雨自丑至巳城之上下被我砲聲火光如雷如電震動天地打倒棗口傷賊無數我兵頗有殘損是以不能攻下幸賴掛榜山天齊廟所築新壘砲火抵對鐵騎暗伏徐徐收兵無大傷壞其在陣傷亡官兵俟察明另報是役也非我之不力實賊之火器太多且恃險得勢故不能輕易攻下嗣後日漸風和正賊揚帆之時職等馬步勢不能飛渡而為邀截惟催調舟師斯為得濟等因又據副將王武緯牟文綬王之富參遊倪鸞馬曠李錦標牟朝陽李楠等塘報報稱職等各率本營遊都中十把等官王濟胡順華等王世龍劉奉舉等祁三奇趙文元等何秀王從貴等馬煜馬元慶等覃世勳鄧九韶等各煇信地直抵城下先令兵士搬運草土填壕車梯雲梯等攻具隨豎城上被賊火礮箭砲滾木雷石如雨職等奮

不顧身鼓衆上梯俱被賊打退我兵砲手箭手火箭架梁旁攻死賊無數攻至辰時繇旱城東門突出馬賊百餘名職等直前追勦賊仍回城職等隨卽奉令收兵等情又據前鋒副總兵祖大弼塘報報稱職奉令拾伍日肆更時發兵貳百名同年壬貳副將兵丁齊集攻城去後職帶領馬兵相聯設伏彼時梯排等器將豎城頭間有賊火砲火礮密如星雨及至天明賊從東門馬步齊出約貳百餘徑奔紅廟職率叅謀劉廷弼劉芬守備祖大培并中千把等官唐朝弼等率兵截殺壹處賊死傷甚多餘賊抱頭奔城奉令撤兵等情又據標下中軍遊擊劉良佐報稱卑職奉令統率標下馬步兵丁於拾伍日丑時督催各營官兵馳架排木車并雲梯大砲器具等項直抵旱城西南角填壕我兵奮勇布梯上城登梯城架被賊用火礮木石擁打我兵用大砲火箭齊攻打死穿紅蟒甲賊首壹名勢發如雨賊

不能探望連攻拾數次賊砲彈愈盛攻至己時遵奉憲令
撤兵回營再行大舉其有功將士并傷亡官兵馬匹察明
另報等情到院據此看得逆賊自殺圖己者之後防閑益
密而獲難民與出降之口悉言春和亟謀遯海如出一詔
義難坐視其去況入春已深砲城已築攻具已齊以天時則
不可不攻以地利則可以攻以人心則又樂於攻於是會議
僉同擇拾伍日攻取自丑時各營鎮將督率兵丁一齊擡
架梯車直衝城牆砲火震天奮擊數次賊城之上死傷甚
多本院同監視監護中軍道廳躬環甲冑各董標官兵將
用命爭先唯城內所蓄砲火最烈賊據以拒我加以矢石
如雨勢不能上斯時再下嚴令恐我兵損傷必多不得不
暫輟以圖後舉耳竊見各鎮將俱言賊若遯海非陸兵可
及大聲以水兵爲請先是本院屢疏

請發自今觀之賊勢重大非得江淮以南水犀陸卒不可除

具疏另題外乞速爲主持必得全給始免有濟理合塘報
等因到部送司案呈到部看得賊踞堅城又饒火器攻之
誠未易下據報出東門邀我兵者僅壹貳百騎則賊之精
銳可覘矣今宜設法誘之或更番迭擊或攻東示西俾賊
晝夜不得休息乃可出其不意一鼓而下若剋定攻期與
并力一朝則賊得豫爲備而我士馬必多損傷非得策也
至於募泗人以焚其戰船尤爲喫緊之著該撫屢請江淮
水犀今又加至陸朱千恐一時不能遽得如許若關寧天
津之舟臣部先已飛檄驚墊之後當次第揚帆在三鎮宜
各以師行之期報知東撫俾水陸呼吸相應可也既經塘
報前來理合具本題

知等因崇禎陸年正月貳拾叁日本部尚書張鳳翼等具題貳
拾肆日奉

聖旨本內設法誘賊併募泗焚舟事宜著馳諭該撫監鎮按相

機密行江淮水兵應否量行調援還著確議速奏欽此又該
鳳陽巡撫李待問題爲官兵獲船降民踵至謹訊實報

聞事崇禎伍年拾貳月貳拾玖日午時據兵部差官鄭國先送
到本部咨該監視登島太監呂直題前事奉

聖旨逆黨中投降者撫恤縛獻者重賞自可漸孤賊勢仍須亟
圖撲滅毋延至春和海通別滋蔓逞津島淮揚水師張援協
勦兵部速行通飭欽此欽遵備咨到臣該臣看得叛賊困斃
登城計必旦夕就殲而出入水城恣無忌憚則航海之謀
不待智者而後知也淮揚一帶正當南下之路宿兵嚴防
日惟凜凜先是部覆山東撫臣疏欲臣整棚舟師會哨擒
堵奉有

俞旨臣隨將見防兵督發壹千名委遊擊王三重守備王世昌
等分前後哨出境會哨於膠州卽墨之間相機堵剿隨具
疏題

報訖察江北境上鶯遊山去登城水程貳千玖拾里乘風飽帆
數日可至猝非風便則又不可以日計者臣所發分哨之
兵卽境上見防之兵蓋必聲息可以相通調度可以相及
而後彼此接應可以有濟故哨之期會不敢越遠夫臣屬
水兵合淮揚兩府僅肆千貳百餘名沿海沿江碁置拾壹
營自鶯遊迄廖角背以達於瓜儀永生延袤壹千柒百里
在在可入臣蒿目震鄰分調陸兵出海添防計壹歲之間
移海就陸移陸就海兵實苦於不足向者增募之疏勢非
得已頃江南撫臣移咨謂近來海賊拾數船出沒南北交
界必當調狼山各兵回營控禦協勦臣心韙其良圖而力
艱於狼顧至水荒民窮內地蠢動春明運迫漕艘戒嚴捉
襟露肘殷憂又非一端憶先年入衛之役地方苟安故可
按營抽調今災歲阻饑時事艱危比前大是不同恭釋張
援協勦之

目亮

聖明蚤已洞燭淮上之多故淮力之單虛以堵禦爲聲援而非
令遠赴貳千里之外且孤軍深入似又非千兵所能馳援
也事關軍機不敢不具疏明言再乞

皇上加惠重地察臣增募前疏實迫事勢宜爾准臣速募臣將
各名數盡募水兵以增壯哨防庶緩急有賴此又及時綢
繆不容再須更俟者也等因崇禎陸年正月貳拾貳日奉
聖旨該部知道欽此又該本官題爲塘報事崇禎伍年拾貳月
初伍日准兵部咨准山東撫院朱大典巡按山東監察御
史謝三賓爲塘報事等因到部該本部題奉

聖旨報內福山等處倖賊事情亦見地方官效力有備著該撫
監按察明以憑彙敘仍一面通飭將吏於沿海處所增防集
銳務扼擊有資以禦突逞前諭不必專去攻城正欲相機設
謀多方取勝何云將士意懶著嚴行飭勵不得借端泄諉其

築臺浮城等事該撫監鎮酌安行漕撫整師堵剿著該部速行移會欽此欽遵備咨到臣臣隨行見防贛榆遊擊王三重選兵伍百名見防黃河叁口守備王世昌率所部兵叁百名見防東海所名色把總申大材率所部兵貳百名分前後兩哨速令整棚器具收拾火藥前往膠州卽墨等處與東省巡防兵船彼此會哨計此地離淮上已壹千餘里離江北境上已伍百餘里計江北防口甚多水兵原自有限向不得已疏

請召募今沿海一帶在在缺防而江北水荒饑饉之餘流離載道出沒靡甯高寶之續爲憂方大頃江南撫臣又報海賊拾數船從江南轉而之北矣臣既憂外復憂內既顧遠又復顧近必使牧圉有以自固而於接應亦可相及所以酌量哨信以爲東方之聲援如此相應具疏題

報等因崇禎陸年正月貳拾叁日奉

聖旨該部知道欽此欽遵到部送司案呈到部看得江淮水犀

東撫屢疏籲

請臣部奉有張援協勦之

旨已差官呈繳淮撫俾之整搦會哨據該撫李待問題覆官兵
獲船并塘報兩疏內稱已督發壹千名委遊擊王三重等
前後出境會哨於膠州即墨之間矣唯疏稱兩府僅兵肆
千貳百餘名分防壹千朱百里今所發分哨之兵卽境上
見防之兵慮淮力單虛不敢越遠是第可張聲援而欲責
以多方夾擊正未足恃也且淮撫又因江南海賊出沒鯤
鯨爲狼山慮似有不能舍己耘人者臣愚以東撫之疾呼
不第計登正以計淮萬一賊得揚帆而去淮揚一帶處處
宜防何如及今齊集舟師扼險堵截之爲得也淮撫宜再
發壹千餘名多帶火器與先發之兵飽帆疾趨會同津遼
水師三山廟島責之北兵養馬皇城島責之南兵分汛扼

勦仍彼此策應賊駕舟而出必用南人正可以江淮之兵
爲招而每船多帶善泅者鑿沉其舟賊可坐縛此在淮撫
密計行之至於狼山南接吳淞委宜控禦東撫有調發南
京水營及吳淞水兵之請今一時不能遽應合無

勅下操江憲臣及江南巡撫各整頓舟師壹千名儻遇狼山有
警卽時調發以應淮撫之急可也其淮上增募事宜俟該
撫按議妥前來再爲酌處旣經奉

旨速奏相應覆

請伏候

命下遵奉施行

崇禎陸年正月貳拾柒日

貳拾捌日奉

聖旨依議著淮撫再發水兵一千名多帶火器併王三重兵疾
趨登賊會同津遼水師分汛扼勦不得少延致誤事機仍將

發兵日期先行馳奏其操江及江南該撫俱著炤數整集舟
師以備狼警不時調發爾部飛檄嚴飭

兵部尚書臣張鳳翼等謹

題爲遠哨官丁斬虜全勝事職方清吏司案呈奉本部送准
山永巡撫楊嗣昌塘報前事內稱本月貳拾叁日申時准
山海總兵官左都督尤世威塘報切炤奴使乞款三逐羞
憤愈深必有突犯之謀准撫院監視手本指示方略又見
前鋒塘報駱駝山等處俱有達賊結連往西確有入犯情
形若差撥零星小哨未敢遠出隨會商撫院監視該道選
撥各標下有馬漢夷丁併監視內丁共壹百陸拾名統以
內丁營都司完應春祀總羅岱任得功伯戶督陣大旗加
銜守備龔佐於正月拾壹日自關啓行拾貳日到界嶺口
出邊適遇東協副將張時傑下內丁同永平道標丁共叁
拾名亦出遠哨會合壹處拾叁日天降大雪收斂兵馬僻
澗山溝藏避止著壹貳名登高瞭望拾伍日雪住往前東
北且行且哨間蒙撫院差官王永福馮尚義齎到犒勞羊

酒又蒙本鎮差官邵憲尤有德傳到軍令卑職同各官丁
領賞奉令莫不感奮又往前爪探約離邊捌玖百里地名
賞都那木賽河套竝無大舉動靜差丁登高四下瞭望遠
見山溝內暗伏有達賊百餘正截我兵歸路職卽傳令各
該官丁我等深入重地攔死疾戰則生各該官丁莫不以
一當十奮勇直前衝砍賊見我兵勢猛上出潛入林中箭
如雨下我兵不敢深入窮搜又慮別有誘伏收兵結隊察
撫院標下斬獲陸穎監視標下斬獲肆穎又內中軍下壹
穎本鎮標下捌穎關內道標下斬獲叁穎永平監軍道標
下東協張副將下各壹穎驍騎左營王副將下叁穎共陣
斬賊級貳拾柒穎我兵全勝飛報等情到鎮據此除一面
差撥官丁接哨進口將所獲功級令赴撫院監視該道察
驗核實外理合塘報等因到院又據關內道陳瑾塘報相
同據此案炤本年正月初叁日先該本職爲嚴哨防以重

邊計事內炤奴使三至三逐憤逞定在春初必先遣款虜
習知道路者間行窺伺覘我之密疎而因以逞其突犯在
我必哨之最遠探之極確遇壹貳生口卽擒獲以歸百拾
零賊卽斬馘勿遺彼奴不得嚮導難知虛實寧敢輕爲犯
闖等因會行監鎮道不時挑選官丁出口遠哨去後今據
前因看得冬春以來奴孽誘款於東明酋乞賞於西情形
閃爍難測零醜窺探可虞本職他無所知惟以遠出疊哨
勦絕嚮導熟夷爲主一時監鎮道將鼓勵同心頗奮一往
之氣今哨至賞都乃大寧會州之間所謂商都湯免者也
賊夷東西往來聯絡必於此地首春深雪之中突斬貳拾
柒級彼知我兵無時不出無遠不到或者傷鳥聞弦驚魂
屏跡不敢復垂南牧之涎矣除有功官丁俟驗明再報給
賞外理合塘報等因到部送司案呈到部看得獻歲之首
會哨兵將遠至賞都斬獲至貳拾柒顆卽其爲奴賊與明

酋俱未可知而先聲或可以寒其膽矣所獲功級應行該
按臣察明賞賚以鼓士氣仍嚴飭該鎮併中西兩協各督
率哨丁出塞遠偵無致疎虞可也既經塘報前來理合具
本題

知

崇禎陸年正月貳拾柒日

貳拾捌日奉

聖旨報內事情已有旨了斬獲首級著按關御史察明卽行賞
賚以示鼓勵仍著該撫鎮嚴飭路將遠偵必備勿徂小捷致
有疎虞併中西二協一體呈速馳飭

兵部尚書臣張鳳翼等謹

題爲塘報事職方清吏司案呈奉本部送准山東巡撫朱大典塘報崇禎陸年正月貳拾壹日據萊州監軍道楊作楨登州監軍道宋之儒呈蒙本院發下拏獲出城犯人貳名朱友才僧人祖正到道該兩道會審得朱友才供稱係永平府撫寧縣人先於崇禎肆年間在東江戶部宋郎中下領餉千總蒙宋戶部送在黃總鎮下做巡捕守備前來理餉廳銷算錢糧寄住登州適遇遼賊作叛陷在登城至今壹年有偽副將全傑強虜撫寧縣人溫三才閨女爲妻因而與友才相依居住至今正月拾捌日因賊人收拾上船乘守城人少將青布壹疋將褲帶接上弔下城來內遺下妻陳氏子女貳人見在城內未曾帶出帶出玉盃壹對再三審問稱說蚤飯時候撞遇壹人拏玉盃壹對將伍錢銀子錢收買帶出希圖多賣銀錢過活僧人祖正供稱係山

西太原府文水縣人自拾壹歲出家先在五臺山羅猴寺
學經至崇禎貳年到登州彌陀寺住至今叁年適遇賊陷
登城今正月拾捌日孔有德請經鎮船有肆拾衆僧人赴
城外永阜寺請經衆僧隨經進城祖正暗藏在天棚上候
衆僧俱進城去方纔脫身走出在關內王副將營門各等
情吐報在官該兩道會看得朱友才黃總鎮巡捕守備也
前來清算餉銀寄住登城身陷賊中繼而拋妻棄子縋城
逃出不得已之情言之近真至於僧人祖正隨僧出城暗
藏潛逃亦背叛歸正之一念也似應從寬以開招降之路
等因到院據此看得逆賊自龔正祥謀露而後賊上稽防
最嚴無得逗網而出者賊中消息杳然拾柒日之晚南門
走出一人西門逃來一僧細審一爲朱友才則東江守備
也據云守梁各賊搬行李家眷上船得空墜城而下孔有
德意欲駐登耿仲明云再遲津淮水兵一到便難出海遂

將各船派定先送家眷到廟島後載精兵收拾各島遼人
搶了旅順然後去搶朝鮮城內精兵尚有萬餘老幼婦女
共肆伍萬馬已盡殺鬻食矣僧爲祖正言因出城搬經躲
避得脫有僧肆伍百衆俱督令過海餘情與朱友才大略
相同也貳人之言情景似真蓋賊衆船少非作數番運不
能盡渡而長廟貳島爲登州門戶一葦可航賊先踞之則
我無灣泊之灣我先踞之則賊失犄角之援今淮兵津兵
各止壹千東西相望爲勢甚孤若能會哨合艚同佔廟島
使賊不得揚帆北向而與島衆相合則坐困之勢也除嚴
檄鎮將申飭沿海地方倍加嚴防堵截外多調水師合力
援剿以遏蔓延萬不可緩之著也今據前因理合塘報等
因到部送司案呈到部看得賊謀遯海其情似真長山廟
島海中孤嶼止可暫踞不能久處度必圖旅順而朝鮮非
所慮也旅順近奴賊一路之便可勾奴而我恢復之張本

知

失矣黃龍兵多船少出海不足而守旅有餘賊自來而取之特易耳如復有疎虞龍尚得辭其責哉津淮關寧島伍路之兵聲氣俱宜相通而以先占廟島長山爲第壹功但賊帆一近以砲憑高擊之立成齧粉矣既經塘報前來理合具本題

崇禎陸年正月貳拾柒日

貳拾捌日奉

聖旨據報賊謀遁海情真著嚴行津淮關寧等水兵會集長山廟島扼據殲勦黃龍著鼓勵將士嚴防恐備如遇賊至盡力奮擊務奏全捷以膺殊賞其圍城將士還著密謀鼓銳乘機攻取不得但恃水師致有疎悞該部通行馳飭

提督京營戎政司禮監秉筆太監臣曹化淳謹

奏爲敬陳綢繆宜先宜急一得以備

鑒採以稍慰

宵旰於萬一事竊惟

國家富全盛之時何患此小醜逆我顏行乃自己已虜患之
後流寇叛兵相繼竊發且皆到處爲害咸莫能爲制禦臣
每伏觀

睿慮焦思未嘗不慎激填胸思得其故此無他非高視畏難卽
但習苟安誠能遇事卽爲實做則制禦之策當不外此今
聞奴將蠢動急宜徹土之際敢將一得特拈以祈

天語提醒如有可

採乞

勅樞部密切確商按款嚴立程限責成各該撫監鎮按着實力
行庶於邊事微有裨補稍慰

聖懷於萬一也爲此具本開坐於後

討開

一廣哨法古師行百里必有千里之耳今沿邊未嘗不講哨探然惟恃騎兵於法未盡蓋我之騎兵少遭遇賊每爲所乘多遣恐自疲其力應於騎兵之外另募機巧步兵厚其賞賚質其家屬令偕屬夷或夷丁晝伏夜行深入賊地雜於賊部務得真實情形如遇緊急卽令於所值墩臺傳烽且賊零衆入犯日行亦有程途兼令密帶毒藥預於賊所駐牧必繇之處毒其水草不但制賊且便於接引回鄉但要陸續遣察毋爲所欺可耳伏候

聖裁

一焚鹽場關外沿海一帶有鹽場聞其地爲奴虜煮鹽所在向來每蓄柴草俟貳叁月間聚衆燒煮蓋

奴人馬駝俱不能缺鹽誠令關寧撫監設法鼓舞
島旅各兵潛行焚毀此亦絕其糧草遺意然而不
可緩也緩則燒鹽夷眾恐難下手又養善木一帶
地土肥腴聞係西虜耕種資奴者方今農事將興
亦當令寧錦撫鎮挑選精騎密往搗巢如前年奪
獲

初書故事彼種地之夷必不能敵我前鋒猛士如奴知來追我
已收兵入境久矣此不但佚而勞之抑亦令奴知
中國非坐而待攻者矣此貳事尤在該部速為飭行伏候

聖裁

一覈修築千里長邊修築固非易舉今但於應修改
修處所務更舊套務立新式如宣大邊牆多有樹
枝頑石堆壘徒費金錢向曾奉

旨責令修築高廣堅固務可容人安器迄今不知果否奉行坐

聖裁

宜嚴爲察覈勒令奏報至於各邊方臺俱有稜角
恐爲賊砲所摧今若有應建改建處所必令建築
圓臺惟用軟梯不畱門穴臺上安設需用戍卒器
具務期如法仍多貯藥礮火器以遏其攻更須不
時嚴察詳驗始不悞事伏候

一嚴守禦方今奴孽請款不得狡心必忿而東西賊
叛亦未卽蕩平則邊腹城堡不論衛所郡邑倍宜
加緊向經諸臣條議屢奉

嚴旨責成至今未見奏報何處奉行堅固嚴備緩急可恃遐想
前年虜警近時流叛地方凡有殘破則文武將吏
往往俱寘重典此政徂習玩視之炯鑒也與其甘
心受過曷若畱心拮据今宜責成撫按分責司道
凡所管城池俱嚴立限期修葺完固除邊鎮城堡

設有兵馬外其腹裏府州縣城應用一切火器防守之具俱要全備各該衙門應用阜快民壯等役俱要遴選精壯樸實者爲之平時演練緝捕有警一面兼間鄉兵登陴防守一面督促鄉村搬運積蓄歸入城中如離城寫遠當擇民衆大村勸令民自築垣有警民自爲守附近小村亦令搬入如此則賊進無所乘退無可掠自可坐困已此爲堅壁清野法在昔邊鎮猶知戒嚴目今如秦晉齊豫江北一帶尤當推廣力行然非勒限奏報殿最考成則亦徒托之空言耳伏候

聖裁

一禁透販向來沿邊關口雖有私販之禁無奈所司奉行不嚴以故射利姦民冥頑無忌近聞虜地甚歉此正

天厭其惡而我之禁令尤宜加嚴不但鋼鐵硝黃卽布帛菽粟
茶葉等類併宜痛禁一毫不得潛通私易違者遵
諭治罪目今登叛未平撫監精神方用圖賊其島鮮路徑尤當
加意可也伏候

聖裁

一嚴選練

祖宗朝一鎮額兵自足一鎮之戰守一鎮錢糧自足一鎮之供用
今自虜警以來添新兵加新餉請討器馬以致

國帑匱乏海內虛耗若因循日久又視新如舊則邊事不知
所終矣向雖經兵部議分肆陸精嘗其於舊軍可
矣若新兵糧厚難容以嘗混抵今又頗聞參協新
兵驕惰不肯操練舊軍冒新故伍多虛今宜速飭
督撫監鎮各官時時著意不得但憑申報儻一誤
事後悔無及至於宣大山陝各鎮其自認精兵數

目果否名名見在箇箇堪戰不得因循自諉懼怨
自誤虛捏欺

君也亦宜責令督撫監鎮時時著意不得但憑申報可也伏候
聖裁

一誘賞數今插首既非卜石兔之部落則何以知順
義王之額賞雖爲姦民搬唆勾引其中必有影射
未盡但得確知插首所知之數所省諒亦不貲今
宜星馳密

諭監視王坤卽行誘詰趙雲鳳趙承恩等惟令實供原語插首
賞數歲共若干較之見行歲省若干但定後來數
目不追已往糜費如各犯實供准從末減知一鎮
則他鎮可以類推庶賞數既得則虜情亦可旁及
周知又不獨省費而已伏候

聖裁

一謀廣寧夫廣寧乃河西要害復之則拒河爲守而關外多一藩籬然前鋒之兵不宜輕往也聞各島兵卒曾多經奴仇苦其人勇悍可用但向來駕馭非人耳若登叛就擒後卽令能將鼓舞其間選布預定相機乘時裹糧馳入其城堞尚在畧加葺理設以火器自足爲守如彼到時關寧惟量以糧器接濟奴知來攻守而勿戰若能守至伍陸箇月奴勢必不能畱奴退除優行陞賞外仍將彼處地土聽其將及兵開墾以爲世業遼平卽倣以衛所之制亦無不可如曉諭明白彼自知愈於受餒剗參之苦而肯來矣此實以進取寓安插一舉兩便之術也伏候

聖裁

以上數事不過就臣庸愚聞見之所及且多人

所已言者若責成切當自收其效臨事鈔用又
存乎其人尤希該部單款飭行不必通錄全文
可耳

崇禎陸年正月貳拾柒日

貳拾捌日奉

聖旨該部看議速覆本內三協新兵不練舊軍虛伍事情併著
密察具奏

司禮監東筆太監兼掌內官監印務臣王文政等謹

題爲急缺

上供呈乞題催勒令造解以濟急需事據營造庫等作行監工
官李忠等呈前事內稱恭炤

上用雲龍膳卓盒盤銅鐵器物等件俱係供備

御用舊例拾年壹題南京辦造解進向以缺乏於萬曆肆拾年
拾月內本監循例題造

膳卓盒盤及銅鐵木器鮑燈等器物共計肆拾玖萬壹千伍
百伍拾件座俱已奉

旨下部移咨南京內官監經管衙門造辦解運以備供應案察
題行以來已經貳拾餘年原題器物止解壹半所欠太半
屢催未完無論供應

上用不敷矧今

膳歸大庖取用壹切銅鐵木器更屬繁多見今庫貯空匱無以

應用萬難再緩呈乞題催等因到監據此看得

雲龍膳卓盒盤及銅鐵等器宜及時成造以恭備

尚方停造有年朝夕必用解辦久乏輸將庫貯今已匱缺貳拾年之題辦祇以半完積歲月之供需取討已竭則造辦之滯滯與起解之稽延經管各官有難辭責屢催未到今直然肩獨不思

上供器物時刻難延稽悞缺供罪將誰執怠玩縱恣莫此爲甚且今

膳歸大庖需用器物更倍往昔既經具呈前來相應具題伏乞勅下工部嚴咨南京工部察係何官經管輒致稽遲漫視

上供耽延至此卽將題辦未完器物勒令造辦按運速行解

進不許再稽時日其所造器物等件務要如法做造堅緻毋致粗薄仍將造解各官姓名開載解物本內以憑責成察

驗庶積玩可依而供應不悞矣

崇禎陸年正月貳拾陸日

貳拾捌日奉

聖旨上供器物久催不完延玩殊甚著行南工部詳察經管職
名具奏一面勒限造辦速解務期如式精堅仍將造解各官
開列明白以便察覈違者叅處該部知道

原任刑部山西司郎中今陞湖廣衡州府知府臣徐鴻起謹
奏爲感恩圖報憂著危微瀝殫愚忠敬陳治原治法仰祈

聖鑒採納事臣初以成均學正承

旨戴俸隨封送

惠府到藩蒙

聖恩循例授臣刑曹主事郎中遞陞轉授今官臣陸載永統雖
以清理刑牘爲職不敢出位言事而感恩深切每有一得
之愚隨即披肝入

告臣往因追比運解而不得奉進擇人肆款以清儲帑之原蒙

皇上恩諭部覆飭行續蒙

恩差恤晉求多平反而不得奉進

聖諭句解詩歌以宣化導之原又蒙

皇上恩勅有司欽遵訓迪臣此貳者其於治天下猶千章之蔭

得其一枝九鼎之味嘗其寸臠耳猶且感荷

皇恩山海不棄涓埃然於

聖治已覺有寸補矣乃今見

皇上望治之心日切而何邊境有未息之烽煙潢池有弄兵之

赤子禁獄多姦宄之術揚萬方之謳歌未萃

九重之宵旰倍殷臣蚤夜思維更得治原之要樞有三治法之

急著有九正欲瀝嘔進陳而忽有出守衡陽

思命臣愈加感切但恐離

闕日遠則菲蓋難入

楓宸是以不敢匿意避嫌赤心剖奏以仰報萬一伏祈

皇上獨斷燭臣先計而毅然行之何謂治原之要樞百姓嬉遊

天下治平之原也臣工整飭黎民衽席之原也法度修明

羣臣奉職之原也此參者當知其爲要樞而不可纖毫屑

越者也何謂治法之急著我

皇上御天立極天下想望太平往因勅曾加餉有司不能傳宣

德意方且博羨餘恣衙蠹此盜賊所繇起而萑苻多夜警也臣誦漢臣賈誼一策切以爲民心可虞盜賊不足慮也易曰后以施命誥四方計無如

皇上諭心膂之臣首議曉諭天下前此加賦者爲民保婦孺養軍者免百姓履陳危謂宜改遼餉曰平遼新餉旋示以寇平卽止而又嚴酷吏之橫征禁暴役之需索務求所以安集其流離隄防其竄死令天下曉然知

聖天子愛養百姓之心民自有寧死而不爲盜賊此爲安內攘外急著之一也我

皇上首隆敬

大法

祖誠絜庶政之要圖矣然考古有政修而蝗出境者有言善而星退舍者在郡國之長且然況

九重之德意與玄冥之降鑒嘗相交通何今日之災祲尚未彌

耶臣祈我

皇上謂天無心以百姓之心爲心

高皇帝之祐後無憂以黎民之憂爲憂而庠饑溺若推之慮惕捧
盈若蹶之警

恩命兵荒所在先行蠲賑此真應天以實不以文矣但恐有司
積弊屯膏流離者仍是流離沾被者百無一二更祈

皇上勅命地方撫按題劾嚴懲俾百姓實實承

恩庶兵荒之地先登衽席海內蒼黔聞風歌咏是格玄彌綬急
著之二也我

皇上踐祚之初時行蠲賑誠以薄稅歛爲愛民要政矣詎自兵
興以來百姓寔於逋竄有司困於催科逮降罰嚴而官若
與民讎敲朴繁而民又若與鄉井離轉樂土爲流離昔

高皇帝當草昧征伐時且無年不蠲賦每蠲至數郡乃

皇上享昇平之世有四海之富顧勢若有不暇給者何也今稅

額雖難遽請復舊謂宜令有司每年只催完本年不得先期豫徵滋生怨懟是緩徵甦困急著之三也天下歲額嘗解外鹽課有增稅務有增清驛遞汰冗員比賦逋諸所撙括亦既無遺策矣而何大農猶告匱耶得毋開源節流兩者踈於並舉宋臣司馬光曰善理財者不過頭會箕歛耳今軍興費侈凡百工料復多耗蠹漏卮無當江海不能滿其藏卽今

嚴勅當事季報歲報寧無銖積鎰累之耗乎此侵彼攫寧無借急切以虛糜竟未收壹貳爲實用乎謂宜徹底清察必慎營造毋使

上受加餉之浮名而民受銷靡之實困是理財清蠹急著之四也我

國家邊腹撫道例有諸弁防禦平居無事誰不謂赳赳桓桓自負可當一面及試用之茫然也邇漢空幕南之庭唐控

陰山之虜豈必借才異代要在用之得人耳

皇上拊髀求賢誠如漢高立封趙子弟肆人爲將我

太祖得黔中卽令平難之人世守其土自足以鼓豪傑之氣矣謂

宜

特勅撫臣延訪智勇無雙如登壇舉鼎其人者每府確舉壹貳
人試果奇才卽以知人之賞賞之而濫及庸劣者罰必不
貸是選將練兵急著之五也我

國家自奴酋犯順以來計畝加餉以致增之又增彼民也苟
可爲

國家除殘去暴卽剗心剖腹何辭不意奴酋未滅潢池先警
加餉之蠲免無期司農之告匱日甚或解餉未見實用於
遼左而度支旁分於他給夫漢唐盛時皆以府庫充實然
後可以鞭笞四夷臣愚計將所加之餉特

命新餉司專管其事一切工作兵興不得輕動待積蓄充盈然

後選將厲兵一舉成大討之功誠爲滅奴急著之六也我
國家重用科目加意遴選凡祈得士爲

國家藉楨幹爲

社稷護靈長第受任者多負

國恩如前此逆案罪不容誅嗣後失守封疆法難赦宥乃邇
來逮繫何多也卽諸臣自干迷謬重違

雨露之恩膏難免

雷霆之震折竊惟關係重大者監候確擬可也其餘註誤等刑
用脫桎梏毋令久困於隸夫獄卒之手固所以養士大夫
之恥心實所以培

國家之元氣況古亦有脫繯綬而爲名卿者則夫慎重於下
獄之初昭雪於沉銅之後如蕭望之鄒陽諸人是聯腹心
手足急著之七也我

皇上諭恤獄囚念蚤楚之下何求不得誠

天地好生之盛心運祚綿長之至計但

皇上登極之初鑒舊政徂於因循故新規務爲綜覈如運解之
侵欺胥吏之舞文種種捍網法難寬宥今亦漸就振刷而
囹圄猶然如市桎梏猶然若林無亦刑官洽於深刻多以
剔鞠爲能捕役以訪緝倖功或有未究其賊真證確者

皇上誠一念及於此寧止下車之泣已哉謂宜辨賈以求真釋
重以從輕寧誤出毋寧誤入悉爲清察是省刑恤命急著
之八也吏兵貳部用人屢奉不拘資格之

旨誠得古立賢無方良意矣乃上之

功令愈竣而下之徑竇愈開此其積習之弊可知也謂宜令吏
部察自道府以及州縣正官非肆伍缺不得遽推而所出
之缺置簽於一筒右侍郎主之補缺之人置簽於一筒左
侍郎主之左侍郎掣簽呼某人名右侍郎掣簽應補某缺
尚書方註某人推補某缺則司官止開其人與缺而不得

典染以滋物議其餘寮佐等員司官亦炤此例於郎署公
共行之若兵部之推遷亦炤此法是推任公平急著之九
也此九者雖無甚奇偉之談可聳

天聽然實爲平定天下之急著而不可頃刻緩者臣待罪西曹
飲水陸載莫展一籌往曾以運解擇人恭繹

祖訓貳疏妄陳竝荷

溫旨又前蒙

皇上恩准

惠王特薦臣勞加陞壹本下部感恩旣深銜結無地今爲出
守外吏

陞辭不遠是以不識忌諱謬抒其愚伏乞

聖明矜治原治法畱神力行臣伏處天末將快覩

雲龍風虎見於一堂而熙皞昇平垂憲萬世矣臣愚幸甚天下

萬世幸甚

崇禎伍年拾貳月拾貳日

陸年正月貳拾捌日奉

聖旨這本意在効籌語多沿襲該部知道

吏部等衙門尚書等官臣李長庚等謹

題為缺官事炤得提督操江兼管巡江南京都察院右僉都御史唐際盛回籍守制員缺已經具本題

知炤例會官推舉除科道官例不推舉外臣等會同各部都察院通政使司大理寺公推得太僕寺卿馬鳴世順天府府丞張至發俱堪任前缺伏乞

聖明於內

簡用壹員

計開

馬鳴世

張至發

崇禎陸年正月貳拾捌日

貳拾玖日奉

聖旨是馬鳴世陞南京都察院右副都御史提督操江兼管巡

江寫勅與他

吏部等衙門尚書等官臣李長庚等謹

題為欽奉

聖旨事炤得巡撫河南等處地方兼提督軍務都察院右僉都御史樊尚燦回籍守制員缺奉有速推堪任的來用之

旨令炤例會官推舉除科道官例不推舉外臣等會同各部都察院通政使司大理寺公推得太常寺少卿玄默陝西按察司按察使王振奇俱堪任前缺伏乞

聖明於內

簡用壹員

計開

玄 默

王振奇

崇禎陸年正月貳拾捌日

貳拾玖日奉

督軍務寫勅與他

吏部尚書臣李長庚等謹

題爲缺官事文選清吏司案呈炤得廣東按察司副使兼布政使司右叅議分守嶺西道駐劄高州府城張鑛陞任員缺合當推補察得前缺原係布政司官管理案呈到部炤例推舉得浙江按察司副使王際逵雲南按察司副使閔謹俱堪陞任廣東布政使司右叅政管理前項地方事務伏乞

聖明於內

簡用壹員

計開

王際逵

閔謹

崇禎陸年正月貳拾柒日

貳拾玖日奉

聖旨有點的依擬用

正有點

（Faint vertical text columns, likely bleed-through from the reverse side of the page. The text is mostly illegible due to fading and ghosting.)

吏部尚書臣李長庚等謹

題爲缺官事文選清吏司案呈炤得福建布政使司右叅政兼按察司僉事分巡建南道兼兵備分理軍務何萬化終養員缺合當推補案呈到部炤例推舉得浙江布政使司右布政使王庭梅年肆拾肆歲直隸松江府華亭縣人中萬曆肆拾壹年進士本年捌月除刑部河南司主事肆拾伍年伍月陞本部福建司署員外郎事主事本月陞江西廣信府知府泰昌元年捌月回籍守制天啓叁年肆月起送到部本年伍月復除江西饒州府知府陸月陞山西按察司副使并陞兵備肆年玖月回籍守制柒年柒月起送到部本年玖月復除浙江按察司副使分巡杭嚴道崇禎貳年正月加陞本省布政司右叅政兼按察司僉事炤舊管分巡杭嚴道叁年陸月陞本省按察司按察使溫處兵備肆年柒月陞本省布政司右布政使堪以陞任擬將本

官陞補福建布政使司左布政使兼按察司副使管理前
項地方事務恭候

命下移咨該部炤例請

勅本部給憑行令到任管事

崇禎陸年正月貳拾陸日

貳拾玖日奉

聖旨是

戶部尚書臣畢自嚴等謹

題為察盤邊儲錢糧事陝西清吏司案呈崇禎伍年拾貳月
拾捌日奉本部送戶科鈔出巡按陝西監察御史張應星
題稱屯田糧草俱係供邊急需若催徵完納士飽馬騰自
可折衝禦侮察鎮番衛指揮等官馬從鸞等身司印屯之
責全無急公之義經徵天啓柒年起至崇禎貳年止各屯
衛糧草涼州衛未完糧叁百肆拾叁石玖斗壹升零未完
草玖萬玖千叁百貳拾玖束永昌衛未完糧玖百叁拾叁
石叁斗貳升零未完草肆萬陸千捌拾陸束零鎮番衛未
完糧肆百肆拾陸石伍斗玖升零未完草捌萬壹百肆拾
陸束零古浪所未完糧壹千貳拾石捌升零任其逋負士
馬將何所賴均屬有罪議將馬從鸞高希盛等拾叁員各
擬杖示懲俱係官各罔例納米折銀贖罪計各該米價銀
叁兩伍錢又各該官紙銀貳錢伍分罔數追貯涼州衛官

庫抵充甘肅年例其未完糧草勒限追徵等因崇禎伍年
拾貳月拾肆日奉

聖旨戶部知道欽此又該巡按陝西監察御史張應星題同前
事內稱錢糧器械皆沿邊急需鞏昌衛千戶等官葛滕貴
等均承印屯局務之司俱無經理幹濟之才糧草逋負置
若罔聞軍器虧缺付之不理他如椿朋之緩催均係之拖
欠種種因循以致鞏昌衛未完草價銀肆百伍拾貳兩貳
畝銀壹百玖拾陸兩壹錢肆分半具銀貳百壹拾叁兩伍
錢玖分零均係銀陸百肆拾兩伍錢陸分零又未完本衛
軍器局軍器貳萬貳千伍百肆拾伍件秦州衛未完地畝
銀叁百玖拾捌兩伍錢伍分零草價銀肆百陸拾捌兩陸
錢貳分椿朋銀貳百柒拾貳兩玖錢均係銀肆百柒拾肆
兩壹錢玖分零禮店所叁年共未完軍器壹千捌百柒拾
貳件靖虜衛未完糧玖千肆百叁拾柒石陸斗伍升零草

肆萬朱箇壹百叁拾壹束地畝銀貳百肆拾柒兩陸錢肆
 分零又未完本衛軍器局軍器柒千叁百捌拾件椿朋銀
 壹千玖百陸拾肆兩肆錢肆分零肉臟銀壹千玖百貳拾
 肆兩玖錢臨洮衛未完屯草折糧壹千伍百貳拾貳石伍
 斗肆升零蘭州衛未完糧叁千玖百玖拾捌石肆斗叁升
 零地畝銀貳拾貳兩捌錢玖分丁徭銀肆百壹拾叁兩壹
 錢玖分零椿朋銀伍兩捌錢零河州衛未完屯草折糧壹
 千陸百叁拾柒石陸斗捌升零丁徭銀陸百伍拾壹兩叁
 錢陸分零地畝銀捌百壹拾玖兩伍錢貳分椿朋銀壹千
 伍百陸拾捌兩貳錢貳分甘州中護衛未完地畝銀叁拾
 陸兩捌錢玖分零洮州衛未完軍火器械壹萬壹千肆百
 件未完糧貳千貳百貳拾玖石伍斗肆升草價銀壹百捌
 拾肆兩柒錢玖分零岷州衛未完糧捌千玖百柒拾叁石
 壹斗貳升草貳萬壹千玖百伍拾壹束西固城未完糧叁

千捌百陸拾壹石柒斗柒升零草捌千柒百陸束軍器肆
千伍百貳拾壹件隋州所未完糧捌千陸百叁拾柒石貳
升草價銀伍百肆拾玖兩捌錢叁分零地畝銀貳百捌拾
捌兩玖分零朋合銀壹百叁拾肆兩壹錢文縣所未完糧
壹萬貳千肆百石叁升草貳萬叁千柒百叁拾叁束零朋
合銀壹百叁拾伍兩叁錢陸分均徭銀陸拾伍兩肆分零
地畝銀壹百伍拾玖兩貳錢捌分零軍器貳千玖百壹拾
件均不上緊督催以致逋負未完議將葛滕貴陳光祖等
柒拾伍員各擬杖示懲俱係武職各炤例納米折銀贖罪
完日還職計各該罪贖銀叁兩伍錢又各該官紙銀貳錢
伍分勒限追完類解甘固管糧衙門扣抵年例未完銀糧
草束軍器等項行令各官勒限追徵完納打造等因崇禎
伍年拾貳月拾柒日奉

聖旨戶部知道欽此欽遵鈔出到部送司卷察崇禎叁年拾貳

月內該陝西巡按御史張應辰題叅甘固貳鎮管屯指揮千百戶等官馬從鸞葛滕貴等催徵屯衛糧銀草束及監造軍火器械未完分別招擬等因奉

旨下部該本部察議具覆崇禎肆年正月初肆日奉

聖旨是馬從鸞葛滕貴等著行該巡按御史提問擬罪柳汝松郭昌祚等依原擬發落其侵沓拖欠糧草等項併紙贖折價等銀俱著嚴限追完仍報部以憑察覈該衙門知道欽此欽遵移文通提到官依律問擬去後今該巡按御史招擬前來相應具覆案呈到部該臣等看得屯衛糧草乃三軍之命脈軍火器械爲營伍之急需俱當按時徵解如期成造方免有濟乃馬從鸞葛滕貴等均叨屯局之任全無幹理之能任糧草之逋負聽軍火之虧缺庚癸可虞赤拳何賴旣隳厥職法難輕貸據各擬杖示懲均不爲枉旣經按臣招擬明白具題前來相應依議覆

請恭候

命下臣部移文陝西甘肅巡撫及各都察院轉行巡按御史察
將甘肅貳鎮營屯管局指揮千百戶等官馬從鸞高布盛
彭民式王賜爵鍾鳴曉彭允壽金聲振陳晟官郭士俊朱
鳴鳳楊光烈張鳳王鳴鸞葛滕貴陳光祖史載勳王昌祚
霍凌漢周良輔李茂才張嘉声馬承業韓國璽趙榮宗張
嶽王柄田見龍張承爵尹爾吉郭鳳鳴于光耀蔣世芳孫
洪基胡獻琛石埕王元臣喬廷棟李世龍蔣勵劉策世王
偉趙國祚李東莫如爵陳奇傑馮國泰杜光先魏建勳時
定國莫負爵張煥奎寬化民間漢鼎路守轍牛國棟趙師
範陸君佐朱祚永匡元勳朱錦田懋德張加謨栢廷棟宗
邦馮志堯楊遇春單楨陳之震陳啓略龐騰龍洪威閻民
望武國衛韓宗愈張金榜賀承芳馬化龍劉宏聲張堯卿
陶應龍李天植殷定國陳光祖龍允中劉金馬繼臣田逢

霖蘇建猷以上共捌拾捌員各擬杖罪炤例納米每員贖米柒石折銀叁兩伍錢共銀叁百零捌兩又各該官紙銀貳錢伍分共銀貳拾貳兩以上通共紙贖銀叁百叁拾兩各追完報部扣抵甘固貳鎮年例銀兩其未完糧草銀兩并軍器等項行令見任經管官勒限追徵打造完日報部察考仍移文兵部及管糧郎中一體知會施行

崇禎陸年正月貳拾叁日

貳拾玖日奉

聖旨是未完錢糧并軍器等項著該撫按責成見任經管官勒限催徵製造不得稽延

兵部尚書臣張鳳翼等謹

題爲精嘗雖遵部議兵力強弱殊懸閱視已得情形便宜難
膠鼓瑟臣謹再酌議仰候

聖裁以鼓壯勇以飭邊備事職方清吏司案呈崇禎伍年拾貳
月拾柒日奉本部送兵科鈔出監視薊鎮東協署理關寧
御馬監太監張國元題前事內稱崇禎伍年拾壹月貳拾
陸日准兵部手本職方清吏司案呈奉本部送兵科鈔出
本部題前事內稱該臣題前事等因本年拾月貳拾日奉
聖旨該部覈議具奏欽此又該臣題爲設法訓練邊兵以壯疆
圉事等因本年拾月貳拾日奉

聖旨兵部看議速覆欽此欽遵各鈔出到部送司案呈到部本
年拾月貳拾玖日本部署部事左侍郎楊一鵬等具題拾
壹月初貳日奉

聖旨原奏客兵旣食厚餉欲得盡數選練精強今以貳名爲火

匠兵是否必堪荷戈似與貳嘗不異且屢議紛更將士何繇
遵守分操練藝哨探瞭望等事允宜飭行若合操離信誰爲
哨守豈以空言飭警便無疎虞還著確議具奏欽此欽遵鈔
出到部送司案呈到部本年拾壹月拾貳日本部署部事
左侍郎楊一鵬等具題奉

聖旨客兵須逐名皆精方能實裨勦擊據稱火匠貳項軍中必
不可無前張國元具奏時豈未念及僅云臨時荷戈終非確
論事關兵制最宜畫一其間作何定法併分操合操須求長便
萬全還著監視同該撫再行詳酌妥確來說欽此欽遵等因
到臣臣隨移文撫臣酌會去後於拾貳月初柒日准巡撫
山永右僉都御史楊嗣昌手本前事開稱爲煇貳嘗修工
之議不欲虛擲貳嘗小補邊牆之意也免分貳嘗之議更
欲練成拾精急捍牧圉之謀也均之爲

國急者宜先本院已擬輟參路之嘗從貴監之議計在邊之

兵無壹不當鼓勵求精矢第恐旁觀未審併悔始議之心故不得不娓娓詳之而今貴監回文節節委晰豈云參酌萬一從茲不復貳參直煩徑具奏

聞耳其山求之備匠有必不容少之火器軍裝南北之建城有必不容己之脅齒鼎足則或仍其貳或畱其壹又斟酌於衝緩之間而爲分別久暫之計者奏內所借聲名免致部科重駁也今准前因擬合回覆煩爲察酌具題等因到臣該臣看得今日邊兵旣聚其全力以戍守又欲養其全力以勦援守則期於匹馬不入援則期於陷陣摧鋒則名名求精尚嫌數少而奈何敢言嘗也本部旣有肆陸精嘗之議撫臣楊嗣昌請進陸精爲捌蓋不欲拂本部之議也臣初亦不敢復議及臣再一細閱始知軍政原不可割裂名實原不可中分始敢冒昧陳說蒙

聖明洞見萬里

俞旨從中部晰朗若日星真高拱穆清而疆場利弊悉如觀火
矣今已與撫臣楊嗣昌細細詳酌仍將石燕建參路客兵
盡免雜役歸伍訓練惟祖軍老弱之餘則不妨摘其肆分
以供修築等項挑其陸分以備戰守蓋新兵有不精者則
直行革換且食餉旣原可以名名望精祖軍成額已定勾
補不易不能名名盡精於祖軍中挑其精兵可也於新兵
中故設嘗兵則不可也此臣區區愚見不避忌諱而重爲
申請者也至於火兵匠役戎伍中有此事卽有此人原係
定例就其中仍求精建荷戈之士卽臨戰之時依然在伍
不因分精嘗而始設亦不因不分精嘗而可廢者也至於
邊牆應修原有班軍之成例其山海一路臣暫時署理不
敢僭越妄言但新議建築南北兩城原議卽役貳嘗而包
修鎮城外羅城東面百餘丈又係臣所建議此貳項工程
皆一時暫修之工任撫道量工撥派又何必拘拘於貳制

精嘗哉總之臣不欲有精嘗之兵者蓋欲名名求精所以杜軍中虛弱推諉之弊也而邊牆緊急之工如今歲參路半派額軍界嶺青山冷口倒塌石牆城垣則川黔之兵全營修築併不費帑藏行糧蓋有限之工程隨宜酌派何所不可其兵則盡精兵也又何必列出嘗兵之名以滋多弊哉今與撫臣楊嗣昌既已酌量停妥理合回奏其邊兵合操之說恐一離信地哨瞭不及則臣前題額設臺兵烽軍遠近瞭探橫撥豎撥之數原不入操而所謂合操之地則又不過就近山坡極遠不過貳叁里便者卽在邊牆之下守望者不廢其嘗而駐操者仍不離其地臣前疏亦已題明該部所覆特以叮嚀申飭其再覆疏中亦已分割明悉當亦無逃

聖鑒矣蒙塵

聖衷併應核實具奏等因崇禎伍年拾貳月拾伍日奉

聖旨奏內火匠卽係精兵旣與該撫議妥併修工合操事宜該部有議具覆欽此欽遵鈔出到部送司案呈到部看得臣部肆陸精嘗之議原因邊兵虛弱已甚借此爲整頓之始該撫楊嗣昌進陸精爲捌已得精而益精之意矣今監臣以客兵須名名皆精卽火兵匠役盡屬精健荷戈之士不必復拘二嘗惟祖軍多老弱不妨撮肆嘗以供修築而其餘陸分亦挑之以備戰守是將來祖軍亦漸將日趨於精戎伍生色疆圉其有賴乎若邊牆緊急之工隨宜酌派更見趨事赴公之勤惟合操一議瞭哨之兵原不入操難以強齊其餘守望諸兵而隨地簡練此亦枕戈臥鼓之嘗在邊臣自應申飭行之不必屑屑請

命於

廟堂也旣經奉

旨看議相應覆

請合候

命下遵奉施行

崇禎陸年正月貳拾叁日

貳拾玖日奉

聖旨是還著該督撫監鎮嚴飭實行

兵部尚書臣張鳳翼等謹

題為密陳水師進剿事宜伏候

聖裁事職方清吏司案呈崇禎陸年正月貳拾伍日奉本部送該本部題覆前事內稱該臣等炤得黃龍之不能用其眾臣部蚤已知之是以先時有易帥之

請而難其代細加諮詢業得貳叁人而周文郁亦與其選特未奉更置之

旨未敢輒陳而今遼撫方一藻之疏亦慮及此其所舉周文郁統攝關寧水師與臣部前疏意亦懸合今不但關寧水師也即津門陶曾齡之師亦當聽文郁調度而黃龍部下兵雖多船甚寡聞止拾陸艘何以飛渡臣等以為黃龍量選精銳儘此拾陸艘之載并付周文郁統領與關寧津兵合為一軍相機扼要分布而黃龍帥其眾坐鎮旅順伺賊有逸出投旅者即殺而分其輜重且以獻功正不必以壹大帥止統拾陸艘與

文郁等爭能於風濤中矣若餉犒一節據計臣畢自嚴手書了
無難邑但謂自京解發緩不及事卽於關寧月餉中如數那
給容卽補之卽布帛亦聽寧撫權宜不必部中設處則竟當
初下該撫如議措給便令周文郁齎去可耳文郁行期宜速待
初恐稽時日卽以

明旨爲

初使諸將奉行足矣其銜卽以副總兵管事俟有成績加敘此疏奉
旨卽日議覆緣昨紅本於申時接到移會戶部回覆已在戌時
連夜屬藁不得不至今日伏惟

聖明鑒宥既經奉

旨議覆臣等謹會同太子太保戶部尚書臣畢自嚴等合詞覆
請伏候

命下遵奉施行等因崇禎陸年正月貳拾伍日兵部等部尚書
等官臣張鳳翼等具題本日奉

聖旨周文郁著以副總兵署鎮事併陶曾齡水兵俱聽調度俟
有功加敘犒餉及布帛等項卽著關寧該撫先行如數措給
該部作速解補至黃龍屢奉扼勅之旨今又令分兵併付文
郁是否妥便還著再行確議速奏欽此欽遵到部送司案呈
到部炤得黃龍屢奉扼勅之

旨決歲以來未見分毫明效前者旋出旋回總以拾數隻兵船
不足建大將旗鼓而孔賊垂涎旅順又往往見於謀者之
言大海邈茫橫無涯際萬一舟師不遇賊而賊反窺旅順
之關遼人正在危疑變動殊爲可慮臣部議畱黃龍坐鎮
良有深心況島船拾陸艘計載兵不過數百但

勅龍擇才略部將壹人領之與周文郁連檣竝進合刀圖登足
矢龍駐旅順西可以防孔賊東可以禦逆奴中可以填撫
遼人實爲便計既經奉

旨確議相應覆

請伏候

命下遵奉施行

宗禎陸年正月貳拾玖日

本日奉

聖旨黃龍鎮旅必備賊至立殲昨已有旨責成其別遣部將分
領舟師同周文郁協勦事宜併著飛檄嚴飭行

工部尚書臣周士樸等謹

題為遵

旨回奏事虞衡清吏司案呈崇禎陸年正月貳拾肆日奉本部
送工料鈔出本部題為建鐵屢參未到召買竭蹶難供懇

乞

嚴勅趲運以資局廠打造事內稱察催福建拖欠歷年應解課
料貳鐵屢經參罰尚未趲到并乞仍畱福建應解虞衡司
料銀一項炤舊辦鐵解部等因本月貳拾叁日奉

聖旨閩省鐵課每歲應解貳拾玖萬有奇并價銀水脚會典開
載甚明疏內銀鐵數目俱減其半是何緣故若炤原額銷算
該省積欠更屬不貲還著明白回奏併償催事宜另奉來行
撫按藩司果能實心督覈何患侵延風力官不必議委欽此
欽遵鈔出到部送司奉此相應備察回奏案呈到部該臣
等察得本部須知內開載福建每年額解課鐵貳拾玖萬

玖千壹百伍拾伍斤零炤賦役全書每斤給價壹分計價銀貳千玖百玖拾壹兩伍錢伍分每斤給水脚銀肆釐該銀壹千壹百玖拾陸兩陸錢貳分如遇有閏年分加解鐵壹萬柒千捌百陸拾伍斤零計價銀壹百柒拾捌兩陸錢伍分該水脚銀柒拾壹兩肆錢陸分肆釐此課鐵之舊額也又每年應解虞衡司料銀肆千陸百陸拾玖兩貳錢陸分陸毫陸絲該辦鐵叁拾壹萬壹千貳百捌拾肆斤零扣剩水脚銀叁百壹拾壹兩貳錢捌分肆釐同鐵解部此料鐵之定例也又察得本部於天啓貳年叁月內題爲裁革陋規等事內稱外解建鐵議用煉熟鐵條半准折耗以其所省運價當煤炸工料在解役既寬其重負而部中所省煉鐵工料併與所收熟鐵之用更多卽當移咨撫按行經管員役炤議煉熟方准驗收起解等因隨奉

熹宗皇帝聖旨是欽此嗣後該布政司起解課料貳項鐵斤俱係

遵焙煉熟每年課熟鐵壹拾肆萬玖千伍百柒拾柒斤捌兩零如遇有閏加解熟鐵捌千玖百叁拾貳斤捌兩零每年料熟鐵壹拾伍萬伍千陸百肆拾貳斤零以須知舊例計每年毛鐵陸拾萬有奇以題

准折煉計每年該熟鐵叁拾萬有奇此該省以毛煉熟減半之緣繇也若夫辦鐵之價毛熟數雖不同煉熟鐵壹斤須用毛鐵貳斤於原額初無所減所省運價之半業已充作煤工在解役免煩重之苦在本部免加煉之費此當日題煉本意蓋自天啓貳年以來解者以煉熟之數解催者亦以煉熟之數催未之敢異也至於每年料鐵隨解扣剩水腳銀兩亦一仍須知之舊臣部向來察參鐵斤而不及水腳者以鐵到則水腳隨到從其重者而言亦非敢有遺漏也臣等方遵奉

明旨敕陳儼催事宜於本月貳拾日接福建巡按御史劉調羹

揭帖內稱先委解鐵通判王惟讓病篤准告回籍隨行延平府通判顏可及遵炤作速僱運及沿途察催各委起解到部交納去後除將委官未完鐵數檄該司依律定罪上緊催完督運外將經管延平府前任知府林聯綬署印推官陳紹美南平縣前任知縣吳襄寧洋縣知縣俞之魴尤溪縣前任知縣王之慶永安縣知縣許士奇署古田縣印按察司知事陳嗣清等呈報以憑議處等因到部閱其具揭之期乃在去年拾貳月始知王惟讓之行以病中止而顏可及之代不知的於何時起程如果能沿途察僱窮各委途次挨延之故逐程督併鐵斤豈有不前之理

明旨所以專責於撫按藩司者真得繫領提綱之法而撫按各官無容推諉矣所有林聯綬等既經御史開列前來相應一體罰治以示薄懲更祈

皇上嚴勅該省撫按藩司嚴行督解之官挨催蚤竣毋再以病

請其未解者亦設法督完若通延如故先議及撫按藩司而後及於府州縣并將臣等所

請虞衡司料價仍舊買鐵解部一節

俯賜俞允庶局廠打造之需有所恃而召商往來之費亦可省

矣恭候

命下臣部通行各該衙門遵奉施行

崇禎陸年正月貳拾陸日

貳拾玖日奉

聖旨知道了虞衡料銀炤舊買鐵解部依議該省鐵課積欠甚多明係藩司濫委婪解全無督覈以致恣意侵耗殊可痛恨著該撫按嚴行詳察在途的責成頗可及逐程攢押未完的勒限比追此係軍器急需如再玩延撫按藩司官一體參治林聯綬等卽議處來說

總督倉場戶部尚書臣錢春謹

題爲異水衝溺船糧懇察印帛題豁以全貧命以廣

皇恩事據京糧廳主事周天祚呈稱蒙本部批據漕儲道錢士
晉呈詳奉批小患漂流謹酌量減免等緣繇批廳該職察
看得方今倉庾告匱儲峙空虛漕糧上關

國計卽顆粒皆欲收爲實用其敢輕商蠲免爲耶無奈昨年
河伯爲災馮夷作祟微直大江有胥溺之慘卽閘河以北
疇能無之況此番殊有甚焉者察午夏未旬萬艘齊集值
瀛西洪水忽發浸至磕觸振蕩閃忽沉淪情綦可憫兼復
悚凜於

欽限嚴迫每每破浪衝風爭先恐後一逢巨測遂人力莫支漂
失洵屬有繇矣惟是官旗不無先行侵沒假託漂流妄希
倖免者然而其漂流之日之地之州縣印帛不可欺也該
職逐一磨驗取漕儲道已覈詳冊再加汰削蓋愼之又愼

減之又減大抵量准其三分之一而所准數中炤例止應免
十之六不惟僞視者靡所容卽真寔者亦寧嚴無寬寧少
無濫要使若曹知

皇恩自徧

國法尤嚴爲兩得耳呈乞再加覆覈察例具題等因到臣該
臣察得議單開載漂流船糧在大江漂流者爲大患河道
漂流者爲小患大患漕臣爲政小患倉臣爲政自倉臣裁
革往奉有倉場衙門代題之

旨嗣後遂屢屬臣衙門察覈具題矣第今日何時太倉一年之
蓄纔足支一年之用若復墮各弁之姦欺虧本運之漕額
如

國計何臣不敢不慎重也所以旣行漕諸道察勘復委京糧
廳覆覈庶幾僞不能售矣然令真者有誰因誰極之歎亦
豈所以體

皇上欽恤之仁乎臣察昨年小患較之前幾歲猥爲不同蓋自
陸月初貳日以後水漲颶狂排山倒岳風帆無力槁櫓難
施覆溺漂流驚心駭目據其顛連之狀聞其呼籲之聲方
求破格而臣猶拘舊例行廳酌減三分准一諸弁尚存乎
見少臣等恤軍體

國兩作躊躇計不得不出於此耳既經該廳具呈前來相應
炤例具題伏乞

勅下戶部酌覆咨行臣倉場衙門察炤漂失之數如例量免尖
耗攤補儻仍掛欠勒限追完庶優恤之典不虛而希冀倖
免之弊亦杜矣

計開

金吾後衛千戶周武下旗甲伊應湖壹船於柒月初
拾日行至鄒縣地方陡遭橫水猛風沉溺船
糧除撈救外據稱漂失米肆百貳拾伍石告

有鄆縣知縣盧榮春印炤該漕道擬免叁百石今酌免壹百肆拾壹石壹斗

濟寧衛旗甲李化龍壹船於陸月初拾日行至高家套地方暴風驟雨船隻撞碎據稱漂失粟米肆百壹拾陸石貳斗伍升有薊州主事張鐔錄詳今酌免壹百叁拾捌石壹斗玖升伍合
 龍虎衛指揮蕭鳴鳳下旗甲劉逢春李大漢葛應元叁船於陸月貳拾陸日行至張家灣地方突遭颶風沉溺船糧淹死家屬水手劉永李伍等陸命據稱共漂失米壹千玖拾石叁斗告有通州知州李一爵印炤該漕道擬免玖百捌拾石今酌免叁百玖拾壹石玖斗柒升玖合陸勺

金吾前衛千戶李承祖下旗甲陳萬祿壹船於陸月

初朱日行至張家灣地方驟雨溜水沉溺船糧據稱漂失米肆百貳拾伍石告有通州知州李一爵印炤該漕道擬免叁百石今酌免壹百肆拾壹石貳斗陸升陸合

紹興衛千戶汪國禎下旗甲丁延二五壹船於陸月拾陸日行至武家廟地方突遭颶風淹死駕軍張才壹名據稱漂失米叁百玖拾伍石有通州知州李一爵繇詳該漕道擬免叁百石今酌免壹百叁拾壹石壹斗肆升

紹興衛百戶徐應麒下旗甲任成周壹船於陸月初貳日行至鄞縣地方突遭龍風洪水寸板無存淹死男女貳口據稱漂失米肆百壹拾肆石肆斗有鄞縣知縣盧榮春繇詳該漕道擬免叁百叁拾石今酌免壹百叁拾柒石伍斗

例升捌勺

台州衛千戶黃應台下旗甲王繼思沈大賓貳船於
陸月貳拾捌日行至香河地方時值汎水颶
風撞碎船糧據稱漂失米陸百捌拾伍石肆
斗肆升告有本縣知縣吳一元印烙該漕道
擬免肆百石今酌免貳百貳拾柒石伍斗陸
升陸合捌鈔

江陰衛指揮徐如鯤下旗甲劉科壹船於陸月貳拾
肆日行至香河地方陡遭惡風沉溺船隻據
稱漂失米叁百壹拾玖石捌斗有本縣知縣
吳一元繇詳該漕道擬免叁百伍石今酌免
壹百陸石壹斗柒升叁合陸勺

水軍左衛指揮顏可畏下旗甲朱學易壹船於陸月
貳拾捌日夜行至東樂鄉地方陡遭暴風驟

雨據稱漂失米肆百陸拾柒石告有通州知
州李一爵印炤該漕道擬免叁百石今酌免
貳百伍石肆升肆合

又旗甲楊子孝壹船於陸月初拾日行至南營
地方驟雨水發據稱漂失米陸百肆拾伍石
告有本州知州李一爵印炤該漕道擬免肆
百石今酌免貳百拾肆石柒合貳勺

杭州前衛指揮楊芳譽下旗甲謝科芳壹船於陸月
貳拾肆日行至香河地方陡遇旋風柁蓬損
柁盪裂底棧據稱漂失米伍百陸拾肆石叁
斗玖升告有本縣知縣吳一元印炤該漕道
擬免肆百石今酌免壹百捌拾柒石叁斗柒
升柒合肆勺捌鈔

滁州前衛指揮蔡承恩下旗甲耿有真壹船於陸月初

朱日行至香河地方偶遭大水將船滾壞淹
死人拾貳口據稱漂失米肆百伍拾陸石告
有本縣知縣吳一元印炤該漕道擬免叁百
石今酌免壹百伍拾壹石叁斗玖升貳合

台州衛千戶吳胤昌下旗甲師保官壹船於朱月初
肆日夜行至鄞縣地方偶遭洪水旋風寸板
無存淹死駕軍師繼祖壹名據稱漂失米肆
百玖拾伍石告有本縣知縣盧榮春印炤該
漕道擬免叁百柒拾石今酌免壹百陸拾肆
石叁斗肆升

杭州前衛千戶朱膺紱下旗甲陳賢策壹船於陸月
拾貳日行至鄞縣地方旋風折桅登時沉沒
淹死軍人陳應元等貳名據稱漂失正米肆
百玖拾玖石肆斗肆升伍合有鄞縣知縣盧

榮春錄詳該漕道擬免叁百伍拾石今酌免
正米壹百陸拾伍石捌斗壹升伍合柒勺肆

抄

又旗甲李月殷壹船陡衝老岸折棧沉水據稱
除撈救外漂失正米伍百壹拾陸石肆斗該
漕道擬免叁百捌拾石今酌免壹百柒拾壹
石肆斗肆升肆合捌勺

廬州衛指揮趙之璞下旗甲蕭成登壹船於陸月初
玖日行至通州地方洪水颶風衝滾船隻淹
死運軍高應時等叁名據稱漂失正米陸百
叁拾肆石柒斗告有本州知州李一爵印炤
該漕道擬免伍百石今酌免正米貳百壹拾
石柒斗貳升肆勺

儀真衛指揮劉佐堯下旗甲郭應詔壹船於陸月初

叁日夜泊武清地方突遭山水泛漲除撈救
外據稱漂失米伍百捌拾伍石告有本縣知
縣姚擇揚印炤該漕道擬免肆百石今酌免
壹百玖拾肆石貳斗貳升

蘇州衛指揮劉繼祖下旗甲胡道隆壹船於陸月初
貳日夜泊住鄆縣地方山水頃發老船滾下
衝撞沉溺據稱除撈救外漂失米伍百壹石
叁斗肆升告有本縣知縣盧榮春印炤該漕
道擬免叁百捌拾石今酌免壹百陸拾陸石
肆斗肆升肆合捌勺捌抄

海寧所千戶劉國祚下旗甲張思冲壹船於陸月初
壹日行至鄆縣地方山水大作衝滾船糧淹
死男婦肆口據稱漂失米伍百壹拾叁石陸
斗叁升告有鄆縣知縣盧榮春印炤該漕道

擬免叁百石今酌免壹百柒拾石伍斗貳升
伍合壹勺陸抄

武昌衛指揮張國勳下旗甲徐福壹船於陸月初陸
日夜行至楊村地方暴水衝流據稱漂失正
米叁百壹石有管河通判王濟繇詳今酌免
壹百石

溫州衛百戶秦仕昇下旗甲陳茂春壹船於陸月初
叁日行至河西務關上遭暴水急流漂滾老
船據稱漂失米肆百叁拾叁石貳斗捌升壹
合告有地方印炤該漕道擬免叁百伍拾石
今酌免壹百肆拾叁石捌斗肆升玖合貳勺
玖抄貳撮

溫州衛指揮陳希道下旗甲趙棟孝壹船於陸月初
貳日夜行至河西車營地方暴風大雨據稱

漂失米陸百貳拾石伍斗告有武清縣知縣
姚擇揚印炤該漕道擬免叁百石今酌免貳
百陸石陸合

以上計原漂米壹萬壹千肆百叁石捌斗柒升
陸合今酌免米叁千捌百陸拾陸石壹斗捌
升捌合叁抄貳撮

崇禎陸年正月貳拾陸日

貳拾玖日奉

聖旨戶部覈議具奏

日講官禮部左侍郎臣王應熊謹

奏爲孤臣無補

清時煩言徒聒

宸聽再申哀控祈

賜罷歸稍理前詞仰干

聖鑒事臣於本月拾柒日再具疏願

恩褫放自維奉職無狀未効涓埃之忱以致人言頻加徒煩

旒纁之聽固不如蚤去一日之爲安也於時未覩科臣馮元飈

再糾之章也據疏謂臣於囑選囑考貳事只以不必瑣辯

應之夫以夢想不到之冤風馬牛不相及之事當作何辯

惟願

賜一勘耳天下事貴得情法無懸坐推勘之下真虛自明今法

更有嚴於勘者在科臣

請而行之惟所根究臣前疏固云但一事近實甘伏斧質矣終

不置辯也元飈又以臣力辭佐銓爲自居從來詞林遷轉部堂會推在吏部開送繇閣臣

朝廷之用舍不敢知而貫魚之資次則有定資既有定何嫌預辭譬如六科轉京堂無全捨實資單採白望之理凡此相沿成規豈盡非

祖宗之法乎臣同年同官屢以序應及臣相告臣力壅代辭發於誠款似與世之講捨懷者小異覲者不辭辭者不覲恬競之間水鑑斯別而反謂壞設銓之法科臣待論理或未融大臣被劾只著省己不許強辯固爲

祖制然言官論事毋得徇私誣罔非

肅皇帝詔乎奏事不實者抵罪亦

祖制也今臣曰不敢瑣辯惟求勘覈則以爲情窮語塞矣及臣曲諒其心曰爲人也不得已也又以爲橫啞爲箝口辯不可不辯不可所謂大臣者宜何居焉但當懷忍辱鎗効耐彈

綿爾已至黨局貳字生平不解構煽之術有死不爲屢奉
皇上明詔百爾有位洗心蠲習共偕大道臣方拭目師濟雖
奏奉階之平若得科臣果爲

國非爲人實世道之幸臣坐失言之罪亦奚辭夫壟利招權
已不堪列在夷變之司藏機構禍豈可容於

堯舜之世臣以孤蹤孑立被此滔天惡名童叟皆嗤而

日月之光猶未燭其疵狀鵷鷺之列尚許點其清塵獨元颺壹
人深嫉坐忤真爲能舉其職乞

皇上遂允所

請立彰

乾斷蚤去臣一日庶煩言可息

君父之心亦寧矣

崇禎陸年正月貳拾陸日

貳拾玖日奉

聖旨講明在即王應熊著遵屢旨速出供職不必堅請該部知道

監視山西糧餉兵馬邊牆撫賞等事太監臣劉允中謹

題爲官兵協力齊攻血戰大獲全勝恢復邑城馳報捷音事

正月貳拾貳日據臨縣督陣把牌陸進朝硬弓謝智才等塘報正月貳拾日申時朝等督同汾州營叅將劉光祚夷漢丁搭雲梯勾杆從縣城東南角樓水門一擁齊上張總兵督兵從西南角樓扒上劉光祚將東南門大開趙民懷領兵殺入艾萬年伏於北門之外內外夾攻將賊殺盡城已恢復除斬獲首級俟察明另報外理合先行塘報等情到臣該臣看得逆賊豹五據城兩月攻之不下者蓋臨邑有倚山環水之險而民間尤多蓋藏之富其得以逸待勞之勢也然諸將無日不薄城下雖其矢石亂下兵丁攻之愈力初五日燒其欄砲木植初柒日焚其西南角樓臣敕把牌諸將一意環攻於是貳拾日官兵奮力登陴內外夾擊賊盡就戮頓復邑城此實仰藉

皇上之威靈將士之用命也既經塘報前來相應馳報上聞其斬獲功次乞

勅按臣從實察勘炤例敘錄施行

崇禎陸年正月貳拾貳日

貳拾玖日奉

聖旨前許鼎臣疏參劉光祚通賊有據已經奉旨提解這報內又稱恢城係光祚首功軍前功罪豈得懸殊至此劉光祚暫免提解著該巡按御史確察明白據實馳奏不得徇該部知道

禮部儀制司署郎中事主事臣水住胤謹

奏爲遵

旨具奏事崇禎陸年正月拾柒日該本部祠祭清吏司署郎中事主事車夢瑤奏前事貳拾日奉

聖旨前祠祭司移咨吏部明稱議處一節係隸銓政是豈止察姓氏今奉旨回奏乃借端飾詞且既知罰例職屬儀司何故前不關會徑咨吏部車夢瑤先經疎率今又支飾姑著罰俸三箇月莊廷臣著罰俸三箇月儀制司官如何不自具奏該部知道欽此欽遵臣捧繹不勝驚愕不勝惶懼隨將該撫具題科鈔部覆一一覈察皆崇禎伍年拾月間事也其奉察明議處之

旨則在本年拾月貳拾日其奉司官明白奏來之

旨則在本年拾貳月初貳日是皆在臣未履任之先也臣謬蒙聖恩叨轉儀制司蓋於拾貳月初肆日

命下而於初陸日到任也臣衙門職掌

卹典誠係祠祭司罰例誠係儀制司然必行關會始便具奏

皇上已洞燭其隱臣復何敢贅顧臣司之所以不自具奏者實
繇於此謹據實直剖仰祈

聖鑒曲賜

慈宥至章奏規則內明開題奏各官須一一親自察閱不得漫
委書役夫撫臣唐暉固有察閱之責也敢爲摘出併候

聖裁

崇禎陸年正月貳拾陸日

貳拾玖日奉

聖旨水佳胤既未經關會姑免究唐暉察閱章奏殊爲疎率以
後還須恪慎該部知道

吏部尚書臣李長庚等謹

題爲道臣久缺乞

勅慎擇速推以飭戎務事文選清吏司案呈崇禎陸年正月貳拾伍日奉本部送吏科鈔出提督軍務兼理遼餉巡撫天津等處地方兵部右侍郎兼都察院右僉都御史今戴罪鄭宗周題前事內稱竊惟官不可曠而治兵之官尤不可一日曠天津兵備道臣葉宰自崇禎伍年拾月拾陸日守制回籍業經撫按具疏題

請奉

旨下部迄今肆閱月矣臣靜聽部推尚未有人夫詰戎覈餉防海護漕繫惟道臣是任況當夷寇之耽耽寧容屏翰之落落果官之難其人與抑人之難其官與頃雖藉督餉道臣鄭寅暫爲署理然運期已迫方圓未易竝畫缺人廢事恐關係因不獨在津門也伏乞

皇上軫念重地

勅下吏部慎擇謨猷克壯饒有邊才者速行推補仍令刻期到任管事等因陸年正月貳拾肆日奉

聖旨津鎮重地道臣何得久缺著速推堪任的勒限受事該部知道欽此欽遵鈔出到部送司今察有湖廣布政使司右布政使馮任謨猷素著綽有邊才見今齎捧事竣可以刻期受事及察本官年伍拾肆歲浙江寧波府慈谿縣人中萬曆叁拾伍年進士本年陸月除直隸蘇州府吳江縣知縣肆拾壹年伍月擬陞工部主事本月填補本部屯田司主事添註本年玖月改補本司主事管理易州山廠肆拾伍年伍月陞營繕司署員外郎事主事本年陸月陞屯田司署郎中事主事添註專管墳工來月陞四川成都府知府天啓元年肆月陞陝西按察司副使莊浪兵備叁年玖月陞陝西布政司右叅政西寧道肆年叁月被劾本年伍月

本部覆奉

欽依以原任陝西按察司副使炤不及例降壹級用陸年拾壹月廿鎮敘功奉

旨補官時加陞壹級崇禎元年肆月起送到部具奏奉旨酌議補用本部覆奉

欽依以參政補用遇缺推補本年陸月復除山東布政司右參政兼按察司僉事武定兵備叁年叁月陞廣東按察司按察使本年陸月山東撫按沈珣高捷題議本部覆奉

欽依改山東按察司按察使巡察海道兼理監軍事務本年拾壹月登萊巡撫孫元化具題本部覆奉

欽依兼管東江監軍事務肆年伍月陞湖廣布政司右布政使堪以陞補案呈到部既經督臣具題該司察呈前來相應覆

請令無將馮任陞山東布政使司左布政使兼按察司副使天

津兵備兼管糧餉恭候

命下臣部移咨該部炤例請

勅臣部仍給憑行令到任管事遺下員缺另行銓補

崇禎陸年正月貳拾捌日

叁拾日奉

聖旨是

戶部尚書臣畢自嚴等謹

題爲鄖鎮兵單餉寡鄖習軍騎吏竄懇乞

聖明

天語申嚴以便竭力整頓以彌地方隱憂事湖廣清吏司案呈
崇禎伍年拾貳月貳拾日奉本部送戶科鈔出鄖陽撫治
都察院右僉都御史蔣允儀題鄖鎮所屬湖廣河南陝西
參省衛所屯糧以崇禎肆年爲正徵以崇禎元貳叁年及
天啓陸柒年爲帶徵分別各官完欠勸懲緣繇崇禎伍年
拾貳月拾伍日奉

聖旨戶部知道欽此欽遵鈔出到部送司案察萬曆肆拾肆年
題

准屯糧考成事例欠壹分者管屯官住俸督催掌印官罰俸叁
箇月欠貳分叁分者管屯官降俸貳級掌印官住俸俱戴
罪督催欠肆分伍分者管屯官降職貳級掌印官降俸貳

級俱戴罪督催欠陸分朱分者管屯官降職貳級革任差
操掌印官降職貳級戴罪督催欠至捌分者管屯官降職
貳級調邊衛係邊衛者調極邊衛俱帶俸差操掌印官降
職貳級革任差操以上任俸降俸等官通候完至玖分以
上任俸者方准開俸任過日期補支降俸者准復原俸不
准補支降職者准復原職不准通理凡降俸降職官俱以
題參

命下之日爲始錢糧完報之日爲止其帶徵銀兩每年限完貳
分如欠千兩者解貳百兩欠萬兩者解貳千兩今察疏開
所屬經管各官原無帶徵而正徵全完拾分者有正徵全
完拾分帶徵完逾分數者例應紀錄內南陽府署鄧州印
通判陳泰階壹員已入民糧疏中不行重錄如漢中衛掌
印指揮羅流芳管屯指揮秦承業并分催左中前後肆所
千百戶彭俊方圖盧胤祿胡世臣寧羗衛掌印指揮胡承

基丁堪以上各官因經徵崇禎叁年屯糧未完先該撫臣
梁應澤炤例察參分別降職議調邊衛差操覆奉

欽依通行在案今察疏開指揮等官羅流芳等奉參之後各變
產措完正帶俱如額全完已在敘錄之中例應開復外至
於正徵欠壹分以上帶徵全未完例應奪俸壹年原無帶
徵正徵欠叁分以上例應降俸貳級戴罪督催帶徵未完
正徵欠柒分以上例應降職貳級革任差操據例議覆相
應具題案呈到部為炤鄭鎮屯糧係三軍急需額賦經管
各官自當殫力催徵故如期完解者可昭急公之勸催科
玩愒者難免慢令之辜

功令森然毋庸稍假今同知等官吳廷禎等糧完敘錄指揮等
官羅流芳等并應開復印屯等官王用衛等參員溺職應
參既經撫臣具題及該司察呈前來相應覆

請恭候

命下臣部各行鄖陽撫治將崇禎肆年分正徵崇禎元貳叁年
及天啓陸柒年分帶徵屯糧各官完及分數者如襄陽府
陞任同知吳廷禎松滋縣知縣費應宿南陽衛管屯指揮
王憲邦瞿塘衛掌印指揮丁運昌管屯指揮任聯芳漢中
衛掌印指揮羅流芳管屯指揮秦承業與肆所分催千百
戶彭俊方圖胡世臣盧胤祿寧羗衛掌印指揮胡承基管
屯指揮丁堪與伍所分催千百戶周鳴鳳苗彥興沈永魁
李附鳳李世洪沔縣千戶所印屯千戶楊繼勳忠州千戶
所掌印指揮羅以旌管屯千戶劉生春貳拾壹員相應一
併紀錄內指揮等官羅流芳秦承業彭俊方圖胡世臣盧
胤祿胡承基丁堪捌員原降職級准其開復竹山千戶所
兼印屯百戶王用衛壹員正徵欠壹分以上帶徵全未完
應奪俸壹年遠安千戶所兼印屯百戶蔡懋元壹員原無
帶徵正徵欠叁分以上應降俸貳級俱戴罪督催夷陵千

戶所兼印屯百戶余思忠壹員帶徵未完正徵欠柒分以
上應降職貳級革任差操通候正徵完至玖分以上帶徵
每年各完貳分應聽撫臣察明具題方准開復本部仍咨
吏部兵部知會施行

崇禎陸年正月貳拾陸日

參拾日奉

聖旨是

禮部尚書臣黃汝良等謹

題爲

賓興屆期文體宜正敬陳未盡條款乞

賜明旨申飭以還醇風以隆

聖治事儀制清吏司案呈到部看得科場年分所有應行事宜
歷年禮臣具有條陳申飭自萬曆肆拾陸年禮臣何宗彥
等條爲貳拾款

頒行中外至天啓肆年復經禮臣林堯俞等具題崇禎叁年復
經禮臣李騰芳等具題俱奉

旨通行申飭外其於

賓興

大典內簾外簾之約束考官士子之防維可謂至詳至密無復
遺漏矣今歲又當大比之年臣部已於去歲先期將前開
科場條例刊刻成書移文兩京十三省炤用榜示著實遵

行去後惟是文體一項關係最鉅

皇上深軫生心害政之慮

功令甚嚴而多士久沿壽張爲幻之風宿習難醒卽前禮臣科場條例中間亦言及而邇者南禮臣李孫宸等言之尤爲諄切然必明開條款著爲章程如川行之有堤防方可遏其橫奔潰決之勢如車驅之有軌範方可止其詭遇獲禽之思不則泛泛悠悠轉眼復如庚午往事卽懲創之亦已後矣臣謹擇其切要列爲捌條乞

賜明旨申飭

頒行庶幾標表在前諸士自知景赴嚮會而稽覈在後

文治自可革故鼎新矣候

聖裁

壹曰崇經孔子刪述六經垂訓萬世及門之徒皆身通六藝漢承秦火之餘以明經取士當時大儒若董仲舒劉向

蕭望之韋賢輩皆兼通數經我

國家雖分經取士然未嘗不貴其博涉淹通也蓋

天地間名理畢具六經不惟大事業出其中卽大文章亦莫能外
乃今士人於本經已多鹵莽至於他經全不涉眼朝夕記
誦只是坊間俗刻何所施用若能分其精神以鑽經味道
文采韞藉必自可觀從今場中試卷首貳叁場有能博涉
經書融會旨趣者亟收之其浮華不根俚淺無味者無取
也

貳曰依傳夫傳註爲六經羽翼當日大儒若二程朱熹蔡
元定胡安國陳浩輩皆精心理解提要鉤玄闡前聖之壺
奧惠後學以梯航

聖祖頒之學宮以爲程士法式諸士依其成言自可發揮妙義何
乃明棄師說鑿空求奇尋曲徑而背周行忽範型而幾躍
冶悖違

以字而字不過語助辭耳乃舍大義不講而拈拈於無要緊之一字餽釘不已則支離甚也又往往以案牘之俚語溷聖賢之微言不曰按則曰局不曰轉一語則曰又一境試看經傳中曾有此否則猥鄙甚也又於題旨不可析者而強析之題字不可離者而強離之則又割裂甚矣凡此體要之不存皆士人踰閑蕩桺之先證也從今取士須遵隆萬間法程如昔年禮臣王弘誨所刊舉業正式者爲準違者不得溷收伍曰達辭孔子曰辭達而已矣言貴達意也易曰風行水上渙天下之至文言貴自然也沈約亦云文章有三易句易讀字易解使事易知也乃近日有一種不可解不可讀之文字其實暗澁不通而耽僻者反喜之曰須有幾分不通方爲好文字試觀自唐虞三代以及漢唐宋諸大家會有此文字否惟殷盤周誥詰屈咎牙說者謂出於伏生年老之譌授其後新莽效之作大誥以欺世

夫學新莽之文字已陋矣學新莽之心術將若何此其弊又甚於軋茁矣自今諸士爲文惟取達意自然其暗澁不可方物者必斥不錄

陸曰讀史夫

天地間名理具在六經而往古來行實載在列史士人苟能廣攷博覽考古知今則事變糾紛自能鑒觀其竅會人材參錯何難證嚮於品題故諸葛亮有云才須學也爲學史言也乃今士人但知塗飾鉛槧自甘蔽塞聰明其歷代史書固難責以遍觀盡識卽通鑑綱目亦何可不寓目經心臣居山時閱邸報章奏有以漢光武爲漢武帝者有以燕許大手筆爲太宗時弘文館學士者傳之四方寧無失笑以此居官任職其冥冥貿貿可知從今試卷須遍閱式參場必其洞晰今古博雅成章者方准收錄若舛錯虛浮徒以塞白卽首場可觀勿錄也

朱曰革偽夫書有真偽旨趣自別在有識者何難鑒裁自
經書列史外諸子百家竝存

天壤間其可供文人薈撮者儘多如老莊列荀楊王管韓淮南呂
覽武經左傳國語戰國策楚詞說苑新序史通諸書意義
深長文詞藻雅諸士若肯時加揆閱三冬四餘儘自足用
乃近有一種偽書淺俗猥庸讀之如嚼蠟令人厭唾間所
載帝王周孔之言竝不見經傳只是憑空杜撰不意有無
識之人津津稱引之幾以飾詐驚愚誣民惑世其於真正
大文字反蔑如也棄周鼎而寶康匏擲隋珠而珍魚目此
詐偽得售之象也豈

盛世所宜有乎從今士子貳參場有偷竊偽書者必黜至於三
乾之書不妨泛涉其趣不必明徵其詞若用之首場亦遵
制必斥也

捌曰識務語云識時務者在乎俊傑

國家以文章取士正欲於毫穎間覘其經濟冀得識時務之
俊傑而用之耳近來士子平日全副精神只用在首場文
字至於貳叁場不過臨時鋪張塗抹一切世務何曾經心
主司時日有限一入彀中卽爲桃李鮮肯畱意真材前場
取中方尋後場前場偶落後場卽有賈董真才何繇物色
士之驚浮華而闊實用則始進之路然也合無從今取士
參酌後場其有練習彝章通曉時務如天文地理兵農禮
樂屯鹽鼓鑄律令河渠之類能舉大義而中機宜者卽前
場平平亦亟收之若虛謬無當卽前場可觀亦弗錄也至
於文事必兼武備在此時尤爲要緊諸士中有能淹貫七
書及百將傳而發揮中竅者尤當亟收之遠可備中樞節
鉞之選近可資郡邑保障之需在主司於策士遴才時加
之意耳

以上捌款卑卑無甚高論然因時揅弊盡制曲防不得不

出於此如農畝之有畔布帛之有量使人無越思而有定
準庶文體可祛僞還醇士風可反邪歸正於治道未必無
小補矣然要在內外諸臣恪爲遵守俟試事完日解卷到
部有與條款背違者容臣部會該科著實摘叅重則黜革
輕則罰科其考試官與提學官亦炤叅罰多少量議處分
功令在

上臣等母敢瞻徇也伏乞

勅下臣部豫先行文兩京十三省轉行各府縣刊刻榜示使知
悉後懲前母致如往事紛紛多士幸甚寓內幸甚

崇禎陸年正月貳拾肆日

參拾日奉

聖旨致治急需人材取士宜先德行近來專尚文詞已失

祖宗初意乃制義又趨浮詭士風吏治安得不至窳敝奏內各款
於文體有裨依議嚴飭行今後科場較閱務得純正典雅宗

經據傳傳綜古今通達治體者亟與收錄若奇袤險譎空疎
浮誕其品可知竝從擯斥如有故違僥倖入彀者士子考官
一體連坐

都察院左副都御史臣王志道謹

題爲輔臣失職內臣越職懇乞

聖明立爲處分以振

乾綱以尊

國體事竊惟

皇上差委內臣不過察覈錢糧兵馬物料而已原非假以大臣

小臣官評吏議也邇年以來叅疏日

上論劾漸廣糾科道如高倬胡良機馬思理等若干人糾六曹

如江之遠王忠孝王淪初等若干人外則糾方面如王弘

祖馮師孔孫止孝孫士髦等若干人糾督撫重臣如曹文

衡等若干人內則糾六曹卿貳曹琬金世俊等若干人今

且糾輔臣矣此臣所謂越也夫

國家之設輔臣不但責之以叅贊廷議也

宮中府中陟罰臧否皆無非職掌若使內臣糾覈方面以侵

撫按之權而輔臣不問內臣糾覈御史以侵掌院之權而
輔臣不問內臣糾覈六科給事中以侵掌史垣之權而輔
臣不問內臣糾覈卿貳執政浸浸乎口含

天憲手持

朝綱而輔臣尚不問則將焉用彼輔臣哉詩不云乎楊園之
道依於畝丘言自卑而高也陵夷之漸日甚一日始而忌
芻馬終而迫堂簾遂使內臣得以操其長短肆其刺詆勢
所必至無足怪者且中外諸臣其糾內臣者多矣如魏呈
潤趙東曦金鉉孫肇興曹荃周鏞等輕者紛紛去

國重者下獄置對而輔臣不能救也豈真入

告出不使人知耶將欲問而不能耶抑能問而不欲耶臣仰見
皇上

天地之心內臣外臣原自一視至公也近來內臣所糾輒蒙報可
其糾內臣者未見一行輔臣何不舉而一體言之以成

天地之公臣仰見

皇上

日月之炤顯覈密察各有本末至明也就內臣中間有奉法循職
及擅權越局者原自不同輔臣何不舉而分別言之以成
日月之明臣仰見

皇上雨露之澤體悉羣臣無所不周至仁也今之建言者與被
言者或放歸田里猶可引分自安或薄示降罰猶可勉力
補過至下法司下

詔獄如馬思理高倬王忠孝孫肇興等實無不赦之罪而有可
原之情輔臣何不一舉而以解網爭之以速

雨露之澤若此數事中外無不以之責望輔臣而尤以之責望
首輔首輔於此必極力擔當乃可安其位如再默默憤憤
何以仰副

明主知遇諄諄喻畱之意哉內臣之得失漸莫敢言南北之水

火構鬪已極固廷臣之患亦非內臣之利也雖然猶可言也士氣易激亦易靡名誼易爭也勢利亦易合也自今以前固患其爭自今以後尤慮其合也合則角口且化爲稱頌不可言也履霜堅冰繇來者漸不見其形願察其影皇上清明在躬

睿炤如神何隱不燭豈待堯言抑臣心所不安不敢有隱於君父之前且備員執法不但輔臣有以道事

君不可則止之義卽微臣亦有陳力就列不能者止之分也

崇禎陸年正月貳拾伍日

參拾日奉

聖旨內臣旣撤復遣豈朕本懷祇因外廷蒙玩相仍不得不一察飭前諭旨甚明王志道職司憲紀未見率屬急公實圖幹濟乃撫拾多端任臆牽掇殊屬率妄卽如察覈錢糧兵馬物料有弊應否不發旣發應否不懲處分各官皆有本末是否

盡錄內臣凡參過內臣的應否勿論溺職通不宜處都著一
一明白奏來該部知道

巡撫山東臣朱大典謹

題爲逆賊踞海島餉難通懇

勅該部察帑充給以固衆心以孤賊勢事竊惟登城之與東島
祇隔一水聲援相倚乘風二日可達故島兵餉銀議於登
州支給誠便之也自遼叛倡亂阻絕不通解復以來文移
漸達節准部咨有所需島餉著戶部作速撥發不許稽誤
之

明旨該戶部仍議於東省畱餉內的量支給覆奉

俞允先是臣曾會同監視登島內臣呂直議先給貳萬兩鎮臣
黃龍以遭颶回舟旅順無憑關領嗣後又同監視各有公
文移會該鎮催差的當將官帶兵赴登領餉去後至拾貳
月中旬准該鎮手本支餉緣繇內有逆賊狡猾所領餉銀
寧緩勿急寧遲勿錯等語隨喚委官扣問領餉過海是否
妥便委官謂無重兵防護不敢擔承適被陷東江中軍龔

正祥密稟至矣云賊望見島船肆隻泊灣子口知爲旅順
支餉委官已遣賊黨皮達子領船拾隻往皇城島候劫等
情用是前項餉銀不敢輕發以中賊計入春臣將委官量
行賞犒令其還島移兵就餉或冀旦晚撲滅運道可通耳
通者環攻未拔冰釋風和必且放舟出海拾捌日接獲出
降原任東江都司朱友才供稱龔正祥等皆已被害賊計
趁兵船未至乘空遁海有先搶旅順後往高麗之舉雖未
可盡以爲真然而逆賊一日未殲則海氛一日未淨海氛
一日未淨則島餉一日未通夫此餉銀固島兵所望爲續
命之膏者而可長作望梅之想乎臣蚤夜圖維無術援此
救救之衆竊思各鎮客兵借支東省月餉已拾叁萬餘兩
准戶部咨截補還東省銀叁萬兩臣愚以爲此銀不若充
給東江從關門解發該鎮爲便蓋登津總屬一海登運旣
爲可虞卽津運亦屬巨測唯取道於陸雖稍迂稍費猶爲

萬全計不得不出此也在部不必發東省在登不必發東江一轉移間而島人有挾纊之溫逆寇絕伏戎之望是在該部之速行之耳如前銀已發東省乞

勅該部於代支拾叁萬之內再酌截數萬解給總屬正項支銷無分彼此也雖然逆賊原從島中來今在島之衆非其爪葛之親卽其桑梓之屬止以去畱之間分順逆耳黃鎮初以大義滅親不難立斬賊使以絕島人之望此時尤當堅持初志作清野之計將零星各島室廬薪木盡行焚燬人畜糧料悉索搬移併入險要島嶼合力堅守該鎮一面調遣精勇出奇相擊一面知會朝鮮預爲隄備布兵防勦毋爲賊卑禮厚幣所賺除臣一面移文該鎮外更乞

天語叮嚀該鎮忠義自矢宣諭島人使知順逆賊船如至建此奇功俾海外奠安乳虎不致復生羽翼矣臣謹會同監視登島司禮監管文書內官監太監呂直巡按山東兼軍前

監紀監察御史謝三賓合詞具

題伏乞

勅下戶部將前項應給東省銀兩速允運東江總鎮酌給島餉
施行

崇禎陸年正月貳拾貳日

叁拾日奉

聖旨這允給島餉事宜戶部卽日議覆黃龍已有屢旨兵部再
行馳飭

總理戶工兩部事務太監臣張彝憲謹

題爲仰遵

明旨察覈錢糧釐姦剔弊以重

國儲事臣於正月貳拾貳日恪遵司禮監掌印太監王永祚等傳奉

聖旨著總理張彝憲遵炤勅內將各省直每年原額若干并歷年增過若干共應入若干解過若干拖欠若干應出若干儲給若干營辦若干錢糧數目細加察覈欺朦姦弊參奏來看欽此欽遵該臣案察崇禎肆年拾月內恭奉

勅書心求精詳至當戰戰兢兢力期仰副

聖明件件注意事事畱心隨於肆年拾壹月內謹將欽奉勅書通行知會兩直各省撫按察炤咨內原奉

勅諭事理轉行所屬司道府州縣一體遵行去後數月以來未見有遵行者至崇禎伍年貳月內又該臣咨爲察覈省直

歲額經徵錢糧完欠以重

國計事內該臣監業奉

勅諭總理戶工兩部一切出入錢糧事務其各省直撫按司道

府州縣各官任內經徵一應錢糧及陞遷署管年月日期

與起解銀兩竝無片紙呈報目今多事軍需孔棘事關

國計凡在大小臣工均宜竭力勸勉共佐時艱合無自崇禎

元年起至今止炤依

會典須知一應歲額加增等項錢糧逐年分別已完未完數

目造冊報臣以便稽覈具題如若仍前不報巧避參罰定

行題參在案頃據北直隸南直隸陝西廣西河南山永四

川等處清冊有全到者有已到而未全者見在磨覈今奉

傳

聖旨赫赫

明綸督責稽覈澄清釐剔該臣有得錢糧賦課徵於有司俱有

歲額項款彙總解銀報稽撫按亦有案牘批迴應入應出
完欠開銷中間有無姦弊難逃遡流窮源則其顛末有據
而涇渭賢愚卽自分矣容臣將各省直司道府州縣已到
清冊內要見每年原額并歷年增過應入數內解過完欠
與應出儲給營辦數目細加磨覈總撤明白開坐題

請內有欺朦侵漁隱徇者從重叅究追贓其未解到清冊臣已
行過貳次察其程途遠近內有違玩日久未到職名容臣
另疏叅處庶錢糧清楚姦弊自除而軍

國有裨矣相應具題伏乞

聖明勅下戶工兩部并各省直巡撫及都察院各該巡按御史
一體欽遵施行

崇禎陸年正月貳拾捌日

參拾日奉

聖旨這各省直錢糧完欠數目清冊已解到的著詳加磨勘奏

奪未到的著該撫按勒限速催完報如再玩延怕實叅處該部知道

總理戶工兩部事務太監臣張彝憲謹

題為軍需孔亟察驗須明謹具疏陳仰副

任使事案察崇禎肆年拾壹月初柒日該臣題前事奉

聖旨放糧月不過五屢奉諭旨各倉侵盜屢經敗露著張彝憲
會同錢春加意察覈不得畏徇戶部知道欽此欽遵在案今
炤貳月分大放官軍月糧咨會戶部下糧廳置籤會同尚
書畢自嚴總督倉場尚書錢春當堂掣定京通倉廩出給
勘合發該倉監督依期給散去後再察臣於本年正月初
陸日題為仰祈

聖鑒部務殷繁乞

允總覈釐姦

勅委分猷專理以重

國儲事請於司禮監六科廊掌司內遴選

欽點同監督官摺驗收放未奉

俞旨今察通倉舊例自貳月初貳日開倉起則點官公同驗放此其時矣臣應與尚書錢春炤舊往通倉巡視摺驗第臣奉

旨察算

慶陵工程錢糧見在分析磨覈造冊未完不能方圓竝畫臣應否會同前往摺驗未敢擅便相應題

請恭候

命下臣等一體遵奉施行

崇禎陸年正月貳拾捌日

參拾日奉

聖旨著卽會同前往摺驗該衙門知道

監視大同糧餉兵馬邊牆撫賞等事太監臣劉文忠謹

題爲邊情事宗禎陸年正月拾叁日據北東路叅將魯胤昌

稟報本年正月拾貳日據鎮羌堡守備程君賜稟稱卑職
本月拾壹日辰時前往得勝堡候盤倉糧行至半途適遇
本堡邊貳拾捌墩傳烽寫字麻大壘口稟初拾日夜叁更
時約有賊夷數名從貳拾捌墩東空貳拾柒墩西空竄去
牛馬叁隻匹已出邊外卑職隨審既知叁更時賊竄偷牛
到牆何不一面拒堵一面飛馳傳報以便追截這時賊已
出牆去訖方纔稟報大壘緘口無言卑職隨即細察該墩
情形稟稱原係拒牆堡地方高家窯子高國圮親自到彼
言說趕去大小牛肆隻青騾馬壹匹卽察卑職所管墩臺
貳拾捌座沿長貳拾貳里零伍拾步中恐邊軍怠玩每壹
拾肆墩添設壹提邊把總壹監邊家丁頭目各壹名猶恐
疎虞每兩墩仍設食行糧管隊壹名三令五申嚴加防禦

不啻外今據該墩傳烽寫字麻大壘口稟初拾日夜叁更時賊出邊而延至拾壹日辰時途間方稟似屬違誤除將麻大壘併墩頭人役王月等羈禁聽示外等情具稟間又據拒牆堡守備張于關稟稱本月拾壹日據本堡所屬高家窯住人高國玘稟為賊夷竊去牛隻事今本月初拾日夜至貳更被賊夷數拾餘名從鎮羌堡貳拾捌墩東空進口到於本窯將自己牛肆隻騾馬壹匹有夷趕至本墩從甕城內人行東馬道出口去訖國玘在後跟隨喊叫本墩軍士並無護救具稟到職據此卑職帶領家丁卽赴鎮羌貳拾捌墩公同該管軍役從本墩東馬道上牆行至半空踏勘見有夷人出入蹤跡各緣繇稟報到臣除臣差官察看委係止拉去牛馬伍隻匹併無虜掠人口是實該臣看得邊防以烽火為耳目該堡設有墩軍有監邊已總有監邊頭目有傳烽寫字宜當協力捍禦但見虜塵卽當傳烽

方可堵截何至狼烟頓息出入繇賊初拾日失事拾壹日而始令該備知聞何疎略之甚也若不重處何警其餘察得墩軍王月等監邊把總焦上仁監邊頭目徐亮王進的張國萬傳烽寫字麻大爾等責在地方守備不設烽火失傳以致失事雖非大入亦係疎防均應治罪以警至於守備程君賜祇因烽火失傳所以堵截不及或亦寬政量行薄罰

恩威總乞

聖裁其墩軍王月等伏乞

勅下撫按重加處治庶警將來

崇禎陸年正月貳拾日

參拾日奉

聖旨兵部知道

監視山西糧餉兵馬邊牆撫賞等事太監臣劉九中謹

題爲酌議修邊實著以固疆圉事臣竊惟邊疆要務莫重於
邊牆卽時加修補尤慮備禦不嚴又豈容泄泄漫圖爲得
計哉年來三關邊牆傾圯時有無奈軍壯赴工參差致將
邊工廢弛鮮有報完者若責之於道將乃以無軍壯爲辭
罪之於府縣又以防守流寇爲解卽如潞州衛班軍洪洞
縣民壯雖經臣叅奉

旨議處追銀解鎮然去歲工程今年找修畢竟耽閣壹年況今
歲又有今歲工程若復如是日益見其頽壞臣所深懼也
近准督臣手本以軍壯日玩免行起解止將應該工食糧
銀徑解邊道令本邊軍士修理又准鴈平帶管寧武兵備
右叅政胡沾恩手本開稱平陽等衛班軍議修寧化所河
城等工後因流寇蹂躪平汾畱守彼處未曾上邊以致工
程未完令將平陽等衛所班軍炤舊赴邊各守信地有警

傳烽瞭望無事修理工等因各移會到臣該臣看得派撥腹內軍壯之例固爲修工亦以寓防秋之意法極周密但今流寇未靖處處設防毋論赴工不齊藉以生弊值茲擾攘人心不寧尤難派撥督臣之議不爲無見也合將今歲邊工察帑應解人數起止月日扣銀徑解邊道卽令本邊軍士修理務要壹年工程法在必完違者重處不惟邊牆得以無誤且修理有專責矣俟流寇蕩平仍帑舊例派撥軍壯赴邊修工庶不失原設初意時勢權宜可爲兩便也事關邊務相應題

請伏乞

聖明裁奪

勅下撫臣行移各該道府遵奉施行

崇禎陸年正月貳拾貳日

參拾日奉

聖旨該部看議具覆

監視山西糧餉兵馬邊牆撫賞等事太監臣劉允中謹
奏爲疆事正在協籌撫臣突言可異謹具疏剖陳仰祈

聖明嚴詰以

賜處分事秦賊禍晉參載凡有血氣者靡不欲滅此而後朝食

況臣仰沐

寵恩敢以髮膚自愛有負

皇上心膂之畀乎故臣誓甘裹革義急請纓直抵平陽嚴督勦
殺繇是有恢修武城之功有砍橫天王生擒過江龍撲天
飛并斬張詐手蝎子塊之捷其他零捷又不必具論雖一
時未卽殲盡然亦大挫賊志賊遂離巢棄險分股而遯其
時秦豫之兵未至所憾者兵力單寡不能爲首尾之擊適
聞撫臣移鎮汾郡鎮臣張應昌亦已抵晉受事臣與督臣
頗爲悅之因共商酌各以書牘往招不啻穎禿孰知撫鎮
貳臣漠然若不相聞也及催秦將李卑父萬年繇南關入

截撫臣許鼎臣尤然堅不肯放臣不得已於去歲拾貳月初陸日具有賊勢披猖一疏不過欲速撫臣之來共相商議耳總之爲封疆起見非有所私於督臣而故求多於撫臣也原疏見在

御前可以覆按而今賊奔壽陽等縣

畿輔省會俱切震鄰頃幸秦鎮曹文詔兵至臣重爲勞之檄內中軍孫茂霖同往截擊臣隨後督之設先有商酌以協堵者其賊必不敢窺東北矣臣行次靈石接兵部手本見撫臣許鼎臣恭陳勦賊全局一疏有謂躍馬浪戰尾賊而之東西及必欲使從督臣而坐監視之傍并末後以快督臣監視之心等語臣竊訝之夫從來用兵之地未有不從敵所犯發縱指示亦未有督監不與撫鎮一面而可以遙酌機宜又況撫鎮不以一字相及者哉卽欲具疏剖折因見奉有前奏事總爲公意務相成之

盲仰見

皇上洞鑒萬里知臣之心臣何必更贅正月拾玖日抵介休復接撫臣兵力萃於東南一揭中有兵柄不專進退無節甚有掣肘者不止壹人旁撓者又復多口刺刺諸語臣殊不解夫自督臣壹人別無以分兵政者其所指者不過臣也然臣凡遇地方告急悉令請詳督撫未嘗輕調一兵亦未嘗阻其一事而撫臣謂之掣肘者果何所據旁撓者果何其人

聖明之前豈容隱隱躍躍以爲弛擔卸過之語乎夫朝廷疆土壞於共事不和往輒可鑒況

天語屢申尤當虛心共濟且今賊已披靡兵餉亦集正宜協力以圖蕩定而撫臣日以角口爲事起紙上之戈矛荆棘存心作舟中之敵國必速臣與督臣之去而得任意甘心爲快此豈封疆之利

社稷蒼生之幸也伏祈

皇上明詔撫臣令其從實回

奏如果臣有私執偏徇以掣其肘將臣

嚴賜處分俾其得以展布方略蚤

奏廓清庶事權一而爭端息封疆幸甚臣愚幸甚

崇禎陸年正月貳拾貳日

叁拾日奉

聖旨督撫監鎮協心辦賊已有屢旨還著恪實祇遵速圖戡定
劉允中不必剖陳該衙門知道

監視鎮東協署理關寧糧餉爲邊牆撫實事務太監臣張國元謹
題爲直行一得仰祈

聖鑒及時簡練以圖萬全事崇禎陸年正月貳拾壹日准兵部
手本職方清吏司案呈奉本部送該忠勇營中軍御馬監
太監馮允昇題前事本年正月拾陸日奉

聖旨強兵必資習練其隸屬訓演亦須就便得宜這所奏卽著
監視會同該撫確議來說該部知道欽此欽遵移會到臣臣
隨移文該撫確議去後於本月貳拾貳日准撫臣楊嗣昌
手本前事會開案炤去年拾壹月拾柒日先該本院酌爲
再議練習火營事內開炤得各標馬兵原習弓矢今以安
營結陣議練火攻用

中國之長技作行營之家當甚善策也其貳城肆路分信步
兵火攻原屬本等但未教練行營似爲未盡其制假如賊
在城邊以外則憑城靠邊一字擺守炤今所練苗頭高下

百發無虛即可制賊有餘矣萬一不虞之賊從他路進口雖城邊寧靜而腹裏長驅豈有仍靠城邊膠柱不動之理則練習行營整備器具勢所必需此不過用見將見兵見槍見砲比之馬兵更易爲力惟是某營某營計兵若干分作何分合作何合行作何行止作何止與夫一切拒馬挨牌鉞鑊鍋袋等器械邊所未備而行營不可無者預先料理平時演習計每壹月內於何處合營操練幾番使將領中千與百隊兵丁一一繇生造熟繇熟生巧俾倉卒策應之間一呼可以立往奇正縱橫之變一麾可以立成夫然後爲堪用之兵緩急可恃無恐不負

朝廷養軍千日之恩等因已經會行鎮道通行各營路將領等官著實訓練去後今察太監馮允昇所

奏擇近邊空闊之地日加操練勤習陣法熟演火器使可守可戰而必不可走與本院前見大約相同但在責成將領

著實遵行熟練耳至於盔甲火藥鈴鐵子類毋論戰守自是必用之需而教練行營則必另議拒馬挨牌鎗鑊鍋袋與馱砲贏頭載甲小車等項須請錢糧非空言可以立應者其標騎馬兵壹千原隸永平道下爲該道調遣所在應援之用若改隸別練則該道無兵設或有警恐地方備兵之官責任不在監視之後而前此關寧監視議立標兵陸百部科駁不果行是在

廟堂斟酌儻云改隸爲宜則該道應另設兵馬難以膠柱前局也再察院轄肆路石燕建居其參如以參路貼防拾壹營委任責成勿俾掣肘則將來臨敵調遣一切定於誰屬事關始計不敢不備聲明本院爲封疆起見原無成心統祈貴監裁酌煩爲察炤覆酌具

題等因到臣該臣看得臣蒙

聖恩署理關寧已及肆月近因奴報日熾臣嚴令各口萬分提

備其暫議分飭著內中軍馮允昇移駐建昌而臣居中調度使東西有兼顧而無偏疎也今馮允昇疏陳練兵之說卷察臣於崇禎伍年拾月拾柒日具題爲設法訓練邊兵以壯疆圉事竊炤沿邊各口軍丁戰守竝用故刁斗宜肅而操演宜勤胥爲實務臣於玖月貳拾陸日親歷各邊口點閱主客兵丁雖強弱不等然頗有飽騰之勢矣第行伍技藝火器俱未精熟臣嚴察其故云係虜警時聞每日守邊守口未能訓練臣聞之不勝駭愕夫駐防本以捍禦若止以防守而不行訓練又何以制虜決勝乎臣今議凡每營軍士分作叁班輪流守練在營路者止於本路演武場操練如貼防在邊信官兵就近擇山原曠地便於馳驟之所以爲教場去信地遠不過貳叁里將領中千親自督率假如壹營官兵壹千伍百名每日撥伍百訓練演習已周則就信歇息壹日至第伍日合營大操習箭者必要破的

貫革演砲者必准苗頭式度槍藝等械必要擊刺如法以
習隊伍行陣以課殿最賞罰而作其親上死長之義至合
操之日則嚴飭守提之橫撥豎撥及路將之遊兵遠哨以
徹聲息而守臺南兵又嚴加瞭望以備烽火儻有虜情立
刻卽至庶守邊與訓練兩不相妨而沿邊之將無容藉口
諉卸矣如此冬月之後各處兵丁必人人熟演可以捍禦
卽有虜警奏凱可期也如各主客將領如法操演兵果精
練

題敘紀錄內有庸弁惰慢訓練無方仍泄泄者臣卽指名叅
奏以懲怠緩之罪臣愚昧罔識但目擊兵勢非練不强非設
法詳明究無實用故敢獻其愚悃如果臣言不謬伏乞

皇上

勅下該撫鎮道申諭將領循法施行以鳩成效等因具題本月

貳拾日奉

聖旨兵部看議速覆欽此本年拾月貳拾玖日本部署部事左侍郎楊一鵬等具題拾壹月初貳日奉

聖旨原奏客兵既食厚餉欲得盡數選練精強今以貳名爲火匠兵是否必堪荷戈似與貳嘗不異且屢議紛更將士何繇遵守分操練藝哨探瞭望等事允宜飭行若合操離信誰爲哨守豈以空言飭警便無疎虞還著確議具奏欽此本年拾壹月拾貳日本部署部事左侍郎楊一鵬等具題拾伍日奉

聖旨客兵須逐名胥精方能實裨勦擊據稱火匠貳項軍中必不可無前張國元具奏時豈未念及僅云臨時荷戈終非確論事關兵制最宜畫一其間作何定法併分操合操須求長便萬全還著監視同該撫再行詳酌妥確來說欽此臣隨於拾貳月拾壹日具覆前事未奉

明旨臣已欽遵移會撫鎮道臣通行各營路著實訓練業今沿

邊各口各就信地朝夕演習業有成規而允昇疏內有日
加操練勤習陣法熟諳火器使可守可戰而必不可走但
其所

陳大約同臣前疏耳至若盔甲器械鉛鐵子之類有不足者臣
會同撫臣籲

請已奉

旨陸續給發矣亦不爲臨渴之掘也標騎營馬兵壹千係永平
道臣標下之兵今允昇欲隸之標下

予奪出自

聖裁若

委任責成勿俾掣肘則燕建石叅路一切事務屬臣專任今允
昇欲專責練兵反

請隸標兵其可否伏乞

聖明

初下該部酌議施行非臣所敢擅擬也臣謹會同山永撫臣楊

嗣昌合詞上

請

崇禎陸年正月貳拾陸日

參拾日奉

聖旨該部酌議速覆

監視薊鎮東協署理關寧糧餉兵馬邊牆撫賞事務太監臣張國元謹
題爲遣將買馬請

旨申飭地方少寬禁例并懸陞賞以責蚤完事崇禎陸年正月
貳拾肆日准撫臣楊嗣昌會藁前事會開崇禎陸年正月
初捌日准兵部咨爲經制略定甲馬當先等事該本部議
覆內開於太僕寺寄養馬內調選叁百匹作價銀玖千兩
再支庫貯節裁銀伍萬壹千兩共足陸萬兩解發該監視
會同該撫刻期派買惟該撫力撙節存朋合等銀以悉充
市駿等因具題奉

聖旨銀兩馬匹依議給發務須委買得人牧養如法以收騰驤
衝突之効此外仍多方撙節市畜不得但憑顛請行與撫監
鎮按等官知道欽此欽遵正月拾陸日又准監視臣張國元
手本准兵部手本差官劉芳遠張維裕楊應登任萬倉押
解銀伍萬壹千兩在案等因各會到臣該臣等先於關門

撥括朋馬等銀貳萬兩及太僕寺解到者共柒萬餘金一面會行鎮道酌派銀兩去後隨准鎮臣尤世威開揭到臣臣察各將應領銀數在馬營則炤原馬充之以爲差等則步營則量派協買以濟馬營之不及計派鐵騎中營朱國柱領銀柒千伍百兩親丁營黃得功領銀陸千兩驃騎營王成內丁營党應春驍騎左營王應暉飛騎營朱尚義鐵騎前營楚繼功後營劉肇基各領銀肆千伍百兩驍騎右營李建功永道標騎營閻德各領銀叁千兩鐵騎左營宋紀右營馬友功各領銀壹千伍百兩皆馬營也鎮臣中營王秉忠南海中營呂鳴咸北山中營劉復戎各領銀貳千壹百玖拾兩鎮城左營紀鯨右營楊邦澤羅城營石岐南海左營王進忠右營李正美北山左營朱國儀右營葉時新各領銀貳千壹百叁拾兩皆步營也此數既定卽責各將親具印領一樣五張監院鎮道各存其一該道掛號一

張發之關庫銀到卽日分領其小委應用何人聽各將自
已選擇保任日後馬匹價值各將自承銷算昨年已有成
例矣如此多金買馬非往西寧河州不可各委領銀無一
總催之將途次玩延誰爲督促彼中掣肘誰與呈文必差
見任將領具本題

知隨帶

欽給關防到彼行事如遇委官姦慢該將徑自責成儻或地方
阻撓呈文監視院鎮及各道府從公處治庶幾速買速回
一切無阻惟錢糧出納仍聽各委收支便責各將銷算總
催不得干預之耳再於廩俸之外量給朋椿若干爲往來
紙劄之費應用勘合火牌等項逐一議妥等因會行鎮道
去後據關內道臣陳瑾呈稱總委一節會經理鎮再四商
酌卒難其人本日又與該鎮面商以爲逆奴蠢動鎮城三
協各有城守之責鐵騎中協又有前鋒之任內外俱難離

信惟有鎮城左營副將紀鯨通達敏練幹濟優長堪以委任總管之事惟乞本院卽日檄之鼓勵前行或優以府銜處以雜費給以關防待疏具

題以重其事其該營事務卽屬中協副將王秉忠署理調度則營務不致廢弛城守可以兼濟等因到臣該臣看得關門戰馬缺額蒙

恩渙發同金臣等仍遵撥節

明旨約可買貳千餘騎一時吏士聞之欣然起舞但腹地籠馬不堪征戰遠買西寧往返萬有餘里適值茶馬掾解流賊梗途之時種種艱虞不勝憂慮議炤關門近日買馬單取各將印狀責成銷算聽其自擇小委勒限買完頗爲得法乃委買雖屬各將而多將難以親行必擇壹將提調總催萬不容已鎮道會議副將紀鯨饒有四應長才堪作諸營領袖良可使也第擬酌加府銜以重其事臣

請懸此銜賞俟其買回報

命卽與實陞往返萬里之外計程陸月爲期本官之勘合各委之火牌臣當察例填給錢糧重大去日護送之兵丁卽回日籠牽之牧圉驛遞應付理不得辭至於彼中地方有以買馬之官槩疑流賊不容入城者有以買到官馬指稱賊馬羈畱不發者必請

明旨申飭督撫監按衙門預爲禁遏免致棲遲曠野錢糧緣此疎虞羈困日時芻豆爲之倍費如有此等差去副將具實呈文急爲察理統念遠人共襄

王事勿存畛域可也再炤西寧極西之地買馬回關至於極東且中春時往長夏時回沿途暑濕方行新馬水草未服倒斃最爲可慮所以責將任買必挾己貲多帶餘馬以備補數卽有倒斃官錢可以完銷征戰亦得實濟乃彼中題有每百匹止准餘馬參匹之例如此拘拘則買伍拾匹者

止准壹匹有半矣不幸倒馬稍多將何補數買之腹地既不堪收責之倍銀何如不買臣謂此禁宜開果係官差買馬勿限匹數但

勅馬出潼關該道察驗毛齒造一某處某官買馬若干匹之冊徑報兵部轉咨臣等衙門察炤沿途倒死者就令小委取該地方有司印炤前來無印炤而缺馬者卽係私買私賣從重究處如此行之則有一馬官收一馬之用而不致爲姦委夾帶興販之資矣事關隔屬地方非臣等所能遙制除將解到同金一面充發差官刻日起程外等因會彙到臣臣謹會同撫臣楊嗣昌合詞上

請伏乞

勅下兵部覆酌仰請

聖裁申飭仍行臣等遵奉施行

崇禎陸年正月貳拾陸日

崇禎存實疏鈔跋

全書裝八巨冊共一千一百餘葉所存不過崇禎六年正月中一月奏疏想見崇禎一朝十七年間所存之疏當有如此者一千數百冊矣是書之名不但署之題簽並其鈔格紙版心亦確定書名而後付鈔則決非明人之語氣而鈔工極精裝製極偉自是官修之書蓋崇禎朝本無實錄清修明史先作崇禎長篇故以此疏鈔先存其實蓋其時史官所搜輯付鈔者也明北都既陷於流賊清乃襲而取之事平以後收拾文件完富如此清於整理前朝史料以國家全力為之較之今日之整理前清史料殊不侔矣今崇禎長篇已不見全帙此書又當為長篇之底本崇禎一朝時當鼎革史料最難得今有此鈔不可謂非史官異寶惟輯錄不在明代太觸清初時忌者未必能存然當時用人行政安常處變之事蹟足為史文考訂之資者已不知凡幾

又其題奏奉旨施行次第可以考見明之政本所在明祖寄政務於老成分為六部以杜中書專斷之弊然責之以事務使無失墜應行節目而已匡過弼違之任則在新進有銳氣之士大夫設六科給事中專掌封駁其始名其官為源士謂其為政治之源不經科鈔令部再覆則雖奉旨無效盡絕歷代斜封墨勅之弊謂之諫官士大夫惟有此職權雖或觸忤終必有踐此職者明一代士氣之盛死節之多其根本在是清仍明制得其完具之軀殼而不用其厲世摩鈍之精意有科鈔而無封駁一次奉依議之旨即付施行又使諫臣之職混合於臺臣所許風聞言事乃撫拾臣民愆慝以為朝廷耳目其於主德之污隆王言之得失士大夫無糾繩之責具曰予聖言莫之違所謂一言喪邦昧乎孔門所戒蓋自諫官失職始合明清兩朝臺諫職掌觀之可為憬然本書凡交部議之件部復奉旨再交科科不駁再

鈔交部部乃再覆奏此時以其已經科臣贊同故并行稿同具但候再奉一複述之旨叙入稿中故明有題行稿而清無之奉旨施行之程序不同也明祖之授權士大夫得古來臺諫並置之本意自認袞職之必有闕自設諫臣以補之不自滿假正在乎此清事事仿明而此樞機之發不同後來士之報禮輕重大異讀本書可以慨矣至本書之來原實在閣庫然已流出市肆轉購得之附考如左

本校藏內閣大庫檔案中有各衙門交收明天啓崇禎事蹟清單內崇禎年卷二萬一千七百六十一件全者九千零九十四件餘不全件此即因天崇兩朝實錄或殘或本無有故特加徵集再考中央研究院所藏大庫書檔舊目據方甦所定為第四次目亦是天崇兩朝部件居多天啓朝限於四年七年各有十二束四年實錄為經馮銓毀滅而全闕者七年為毀其六月之

一箇月故收集祇於此兩年其崇禎朝則逐年皆有其詳見方
甦所輯已有印本不具錄目後附記云以上存則必當時認為
不犯時忌者別有天啓四年部件一包附記云以上記又有天
啓四年以外各年部件一箱及崇禎朝逐年部件附記云記而
又加不用二字則為當時所不擬用作史料必已有為時所忌
之處更有崇禎逐年部檔共十七包附記云以上去則不但
用務必去之然此去之記號亦是史臣自相要約之辭觀其目
尚在則其原件固在當時庫內也又有成本之天崇部檔十三
本其下亦分別注應存應去之件此皆崇禎朝奏疏之存者而
經史臣選擇之證此所謂存實疏鈔當即就其所謂應存者而
鈔之至鈔成之本亦屢見於庫檔舊目乾隆十年所查記者方
甦定為第十次目中有崇禎存實疏鈔五套當即與本書相等
者為一套意每套即每一月之疏也本書原裝紫檀木匣一匣

當是流落人間後為收藏家所珍貯而作又同目內復有崇禎存實疏鈔一套五本亦是別一月之件與前五套各別分儲遂各見其目總之可證本書之出自大庫特未知其即在此五套中否耳其五本之一套則非本書也民國二十三年四月孟森跋於北京大學史料室

[G e n e r a l I n
f o r m a t i o n]

书名 = 中国明朝档案总汇
8 3

丛书名 =

作者 = 中国第一历史档案
馆，辽宁省档案馆编

出版社 =

出版日期 = 2 0 0 1 . 0
6

形态项 = 4 0 2

页数 = 4 0 2

原书定价 = 5 8 0 0 0
. 0 0

读秀号 = 0 0 0 0 0 7 4
5 4 7 2 7

SS号 = 1 2 2 2 5 4 2
5

ISBN = 7 - 5 6 3
3 - 3 1 7 6 - X /

K 2 4 8 . 0 6 3

分类号 = 1 1 0 3 0 4 0

4 0 8 & s w = D 6 D 0

B 9 0 X 1 . 1 2 C 2 8

0 P - 9 9 4 3 7 B 3 -

0 X 1 . 6 F E 8 8 0 P

- 1 3 5 F B 5 B 5 B 0

B 8 D 7 D C B B 2 . 6

3 6 8 5 1 E - 3 0 8 3

+ 8 3

主题词 =

参考文献格式 = 中国第一

历史档案馆，辽宁省档案馆编．中国明朝档案总汇
8 3．南宁市：广西师范大学出版社，2 0 0
1．0 6．

简介＝全国古籍整理出版规划领导小组资助出版：
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。

封面
书名
目录
正文